

# EXAMEN

## JURIDICO-THEOLOGICUM PRÆAMBULORUM

ADM. R. P. SEBASTIANI A S. PAULO  
AD EXHIBITIONEM ERRORUM,  
DANIELI PAPEBROCHIO S. I. T.  
ab illo imputatorum,

*Tribus Responsionum partibus praponendum.*

AUCTORE NICOLAO RAYÆO  
*eiusdem Societatis similiter Theologo.*

*Biblioth:  
neapol.*



*domus professoris  
Sor. Jezu.*



ANTVERPIÆ MDCXCVIII.  
APUD VIDUAM ET HÆREDES HENRICI THIEULLIER.

# EXAMEN

RECTORIS UNIVERSITATIS

AD CATHEDRAM

AD CATHEDRAM

AD CATHEDRAM

AD CATHEDRAM

AD CATHEDRAM

AD CATHEDRAM

AD CATHEDRAM

AD CATHEDRAM

AD CATHEDRAM



UNIVERSITÄT ZÜRICH  
BIBLIOTHEK

# AD LECTOREM.



Sanctus Gregorius, Nyssenus Episcopus, de libris pro  
 Basilio contra Eunonium edendis fratrem suum Pe-  
 trum Sebastenum Episcopum consulens, sic scribit: Sa-  
 pius interpellatus à multis, qui aliquo veritatis zelo tene-  
 bantur, quod fama jam, nescio quomodo, vulgaverat,  
 me adversus blasphemum Eunonium refutationem confecisse; & re fore  
 indicari, ante omnia te super hoc consiliario utrum scilicet opus evul-  
 gandum, an aliud consilium capiendum sit. Quod ancipitem me red-  
 dit; est istud. Cum, sub ipsam S. Basilii mortem, librum Eunonii  
 accepiſsem; corde adhuc desiderio illius aestuante, & ob communem Ec-  
 clesiarum calamitatem admodum dolente; Eunonius autem, non solum  
 ea quæ ad sui dogmatis perversitatem stabiliendam conducunt, attu-  
 lerit; sed plus diligentia in convitiis adversus Patrem nostrum ejacu-  
 landis studiose posuerit; exasperatus contumeliis ab eo effusis, alicubi  
 nonnihil iræ & bilis contra scriptorem ostendi. Cum autem plerique aliam  
 fortassis persuasionem habeant, quasi eo sumus ingenio, ut eos qui petu-  
 lanter contra nos insurgunt, æquo & patienti animo sustinere, & ex  
 disciplina S. Basilii moderationem in moribus, quoad licet, exhibere solea-  
 mus; metui ne ex his, quæ contra hunc adversarium scripsimus, le-  
 ctoribus novi appareremus, tamquam qui ad calumniatorum convitia  
 facile inflammemur. An forte, ne tales habeamur; obſtabit, quod non  
 pro nobis, sed pro probroſis in Patrem nostrum dictis irascimur? Nam in  
 ejusmodi rebus majorem forsitan veniam meretur succensere, quam mo-  
 derate agere. Si vero primordia orationis, quasi à certamine aliena exi-  
 stimantur, spero eum, qui iustitiam pollet, non gravate orationis nostræ  
 institutum probaturum. Neque enim decebat, ut magni Basilii famam  
 & existimationem, ab adversario maledice laceratam, indefensam re-  
 linqueremus. Turpe enim & genere suo animo proſus indignum

arbitratifus, cum hostes suam absurditatem non occultent, nos veritatem non liberrime profiteri.

Ad hæc S. Petrus, inter alia, sic respondet : *Bilis & acrimonia orationi inſperſa, ſalis vicem & gratiam ſenſibus animæ præbet . . .* Bonus igitur animo eſto, ceu præclarum exemplum poſteris factus, quomodo probos filios, erga bonos parentes, affectos eſſe oporteat. Ante dixerat: *Videtur ille ab initio homicida, qui in Eunomio locutus eſt, contra ſeipſum accurate gladium exacuiſſe.* Sic Sancti illi ad invicem. Sed an non poſſum ego, paucis mutatis, hæc eadem cum Nyſſeno dicere, dum paro hocce opusculum pro Rev. P. Papebrochio edere adverſus Rev. P. Sebastianum à S. Paulo ? Sane in iſdem fere ſcriptum eſt adiunctis ; in uno tamen valde diſſimilibus, quod Eunomius Cyziceus Episcopus, Baſilii infectator, novam hæreſim mundo invehens, pro ea decertaverit ; Pater vero Sebastianus, Ordinis ſui Carmelitani Provincialis, Papebrochii accuſator, veterem quatuor ſeculorum de Eliana ſucceſſione opinionem conatus fuerit propugnare ; tam in hoc excuſandus, ſi ſolum id egiſſet, quam ille exectandus, etiam ſi Baſilium non fuiſſet infectatus : & ideo quàm unus meruit odium orthodoxorum omnium, ex eo quod ſolus peccavit, tam alter, in eo quod cum multis erravit, dignus eſt commiſeratione potius quam increpatione. Sed ſi Eunomio, in Patrem Nyſſeni ſpiritualem maledicta jacenti, potuit hic irarſci, imo & acerbè in eum ſcribere, quantvis ille eſſet Episcopus ; potui ego in Sebastianum, ſingulis fere paginis convitiatum aut calumniatum commoveri Papebrochii Diſcipulus. Non extant quidem Eunomii libri, nec niſi ex Nyſſeno divinare poſſumus quomodo ille Baſilium habuerit ; ſed extant, & toto Chriſtiano orbe vulgati longe lateque ſunt libri P. Sebastiani, quibus Papebrochium explodit ut ignorantem, traducit ut mendacem, deſert ut hæreticum ; & ſi quid his pejus eſt. Hæc ; Erudite Lector,

considera & cogēris mihi respondere eadem, quæ Petrus supra respondit fratri suo Gregorio; imo ubi opusculum meum totum perlegeris, cum eodem dices: *Viderur ille . . . . qui in P. Sebastiano locutus est, contra seipsum accurate gladium exacuisse.*

## SUMMA PRIVILEGII REGII.

**C**um Dominus noster CAROLUS II, Dei Gratia Hispaniarum Indiarumque Rex Catholicus, atque Brabantia Dux, mihi Dānieli Papebrochio, Societatis Jesu Sacerdoti, per litteras patentes, signatas 1692, 23 Februarii, concesserit Privilegium, cuicumque à me eligendo Typographo communicabile, pro imprimendis Actis Sanctorum, & quibuscumque eo spectantibus scriptis, permitto Viduæ Henrici Thieullier, Typographo ac Bibliopola Antverpiensis, ut possit imprimere ac distrahere Examen Preambulorum, ad Exhibitionem errorum mihi obceptorum, auctore P. Nicolao Rayxo, nostræ Societatis Theologo. Actum Antverpiæ die 1 Martii, 1693.

# FACULTAS PROVINCIALIS.

**I**nfraſcriptus Societatis Jeſu per Flandro-belgicam Praepoſitus Provincialis ; poteſtate mihi facta ab Adm. R. P. N. Praepoſito Generali Thyſo Gonzalez, & ex ſententiâ trium noſtræ Societatis Theologorum, qui infraſcripta recognoverunt atque approbarunt ; permitto ut imprimatur vulgeturque Examen Praeambulorum ad Exhibitionem errorum P. Danieli Papebrochio Societatis noſtræ Theologo imputatorum, per Adm. R. P. Sebastianum à S. Paulo, Ordinis Carmelitarum, Auctore P. Nicolao Rayro noſtræ item Societatis Theologo. In quorum fidem haſce manu mea ſubſcriptas & Officii ſigillo munitas, dedi Antverpia, VII Januarii MDCXCVIII.

LUDOVICUS HAVET.

Locus † ſigilli



EXAMEN



E X A M E N  
IURIDICO - THEOLOGICUM  
PRÆAMBULORUM  
ADM. R.P. SEBASTIANI A S. PAULO  
ad Exhibitionem errorum,

Danieli Papebrochio S. I. T. ab eo imputatorum.

AVCTORE NICOLAO RAYÆO  
eiusdem Societatis similiter Theologo.

P R Æ F A T I O.

*Adm. Reverende Pater Sebastiane.*



Uamquam R.P. Papebrochius Tibi tam plene cumulateque responderit, ut tulcrit omne punctum, & nemo sit æquus rerum æstimator, qui non damnet Tuam in accusando inconsiderantiam & temeritatem: tamen eum ipse, festinans ad rem venire, prætermiserit respondere ad tua quinque Præambula; ego ad hæc examinanda profligando quod magni momenti instar habeant, sed quod sic præterita silentio, aliquam Tibi Tuisque gloriandi materiam relinquere videantur. Etenim, quemadmodum naufragi jam, & in mediis natantes fluctibus, etiam putridam tabulam & quidquid fors manibus obtulerit, avidè arripiunt ad enatandum; sic & Vos, Papebrochii Responsionibus obruti, hoc unicum ipsius silentium fortasse arri-

pitis, ut imperito vulgo persuadeatis, vim vestrarum accusationum nondum esse debilitatam. Et certe, Pater admodum Reverende, Tu ipse mihi videris, jam inde ab initio, omne in istis Præambulis collocasse præsidium, quoniam generalia dicis esse principia, quibus se omnis probus & sincerus veritatis amator, in describendis Sanctorum ge-  
*His & aliis, nec non aliis quibusvis sacris hi-*  
*storiis, conformare tenetur.*

2. Hæc igitur causa est, cur Præambula ista à P. Papebrochio fuisse refellenda semper duxerim. Quia autem cum diutius à prosequendis Sanctorum Actis avocari multi nefas esse censent, propterea ego, recens ipsi adjunctus focus, hanc tulcepi provinciam. Qua in re etiam Tibi, R.P. Professor, gratum fecisse me autumo: nam Te tam duro liberavi Adversario. At verò, quantum hic Tibi erigitur animus,

tantum mihi deprimatur: quippe cum considero Tuum cavillandi criminandique artificium, tum primum intelligo quam grædum opus & periculose plenum aleæ aggrediar. Quid enim Tibi potest esse facilius, quid magis in promptu, quam me (hic præsertim ubi de rebus, in quibus falli potest Ecclesia, differendum est) falso insinulare hærescos, vel certe violatæ reverentiæ, sicut Papebrochium insinulasti tam sæpe? Id vero ne possis tam commode, neve magnopere noceat accusatio mihi Tua, visum fuit hic Tibi meam de Pontificis sive Ecclesiæ auctoritate declarare sententiam. Eo enim semper potero Lectorem remittere, si me hæc Pontificiæ auctoritatis rem agere conatus fueris. Arrige itaque aures, R. P. Professor.

3 Fateor ego atque etiam profiteor, & præ me fero, Pontificem Romanum, vel sine Concilio œcumenico, erratum nullum admittere posse in dirimendis Fidei controversiis; neque in sensu librorum hæretico catholicove declarando; neque in condendis decretis morum; neque in approbandis Religiosorum Ordinibus; nec denique in Sanctis canonizandis. Verum in particularis facti questionibus, quæ ex hominum testimonio decidende sunt, errare posse Summum Pontificem, tenco & constanter assero, cum Jurisperitis omnibus Theologisque, imo cum ipsis Summis Pontificibus, qui id ipsum sæpe testati sunt. Inter alios Alexander III, in cap. 5. de Rescriptis ait: Patienter sustinebimus, si non feceris, quod fuerit prava nobis insinuatione suggestum. Et in cap. 29, de sententia excomm. dicit Innocentius itidem III, Judicium Dei veritati, quæ nec fallit, nec fallitur, semper imititur; judicium autem Ecclesiæ nonnumquam opinionem sequitur, quæ am & fallere sæpe contingit & falli. Ubi

Pontifex agit de illo, qui sententiâ excommunicationis irretitus ob Clerici percussionem, aliqua in mortis articulo dederat argumenta poenitentis animi, & subjungit. Sæpe contingit, ut qui ligatus est apud Deum, apud Ecclesiam sit solutus; & qui liber est apud Deum, Ecclesiæ sententiâ sit inmodicus. Ob eamque rationem Eruditissimus D. Nicolaus du Bois, quem Lovanii vidimus consuli ab omnibus, tamquam utriusque Juris oraculum, scribens in Actus Apostolorum qu. 15, art. 9 ait: Nihil notius est, quam quod sapissime in impetrationibus dispensationum, beneficiorum, officiorum quoque ecclesiasticorum, supplicantes diversimode imponant Pontificibus, sicut in materiis temporalibus imponunt Regibus. Ac propterea adversus illos emanarunt plures Ecclesiastica Constitutiones, ut cap. 8. 19. 20. 27. 42 de Rescriptis: & expressi in Imperatorum legibus tituli de precibus Imperatori offerendis. Si quis contra jura vel utilitatem publicam.

4 Reverende Pater, censeri fieri posse, ut hic mihi non veniat in mentem Brevis illius Apostolici, in quo Clemens X commemorat, PP. Carmelitas Discaleceatos imposuisse Decessori suo Clementi IX, quando ei retulerunt, quod & civibus & incalis loci de Bilbao desideraret nova fundatio (Conventus Ordinis sui) & quod rediret, ex legato seu hereditate Maria de Aguirre provenientes, & civium pietas, ad alendos duodecim Fratres sufficere possent? Profecto locus est qui in hanc rem conveniat quam qui maximè. Nihilominus inperavi ego met mihi illum prætermittere, tum quia nolo in hoc ulcere tamquam unguis existeret, tum etiam quia quæ attuli usque adhuc, satis conficiunt, non esse Pontificem in particularis facti questionibus falli necium, neque exigere ut talis habeatur. Scio quidem ignorantiam hujusce rei in S. Theologiæ Professore cadere non posse.



se; sed quoniam ista scribo etiam aliis, qui in Theologico pulvere versati non sunt; necesse erat ut locos saltem aliquos in medium adducerem. Noli ergo putare, me id eo egisse, quod scientiæ Tuæ theologicæ diffiderem. Novi enim legisse te apud D. Thomam, Quodlib. 9. Art. 16. *In sententiis quæ ad particularia facta pertinent, ut cum agitur de possessionibus, vel de criminibus, vel de huiusmodi, possibile est iudicium Ecclesiæ errare, propter falsos testes.*

¶ Jam vero dic mihi, amabo, quid sunt Sanctorum Acta (ago de Actis illis, quæ non sunt Ecclesiæ divinitus patefacta vel explicitè vel implicitè) quid, inquam,

sunt Sanctorum Acta, nisi quæstiones particularium factorum? Certe ex nudis hominum testimoniis et dirimenda sunt, non ex litteris sacris Apostolorumque traditionibus, ut constat. Quid igitur consequens est, nisi in iis labi posse Pontificem? Atque hoc plus etiam satis videtur esse ad intelligendam tuorum Præambulorum falsitatem. Verumtamen ne contemptum Te à me putes, juvat omnia quinque examinare aliquanto uberius. Quod dum facio, decretum est mihi longe recedere ab pseudo-Eliano spiritu, id est, Te habere multo clementius, quam Tu P. Papebrochium habuisti.

## P R Æ A M B U L U M P R I M U M.

*Summorum Pontificum Bullis aliisque Litteris Apostolicis summa debetur à Catholicis deferentia, fides & observantia humana.*

### E X A M E N.



Audeo, R.P. Sebastiane, quod hic in ipso examinationis aditu sese offerat occasio ostendendi fidelitatem meam. Etenim si ego hoc tuum Præambulum vellem, non dico jam fraudulenter immutare (sicut Tu propositiones Papebrochianas plus vice simplici immutasse convinceris) sed tantum intelligere prout ipsum jacet, non habita ulla ratione adiutorum; an non possem illud traducere tamquam erroneum, suspectum, scandalosum, & piarum aurium offensivum; & in Te tam atrociter debacchari, quam Tu debacchatus es in P. Papebrochium? Certe

nihil mihi fuerit facilius.

7 Agedum, faciamus periculum. Tuum hoc Præambulum indefinitum est & doctrinale, ut loquuntur Dialectici, atque adeo universaliter accipiendum; perinde ac si dicas: *Omnibus summorum Pontificum Bullis, aliisque litteris Apostolicis omnibus, summa debetur à Catholicis deferentia, fides, & observantia humana*; ubi *to humana* non solum observantiam aspicit, verum etiam fidem; id quod negari haud potest. Hinc sequitur ineluctabiliter: Ergo etiam Bullis Pontificum aliisque Litteris Apostolicis, continentibus materiam fidei, summa secundum Te debetur à Catholicis fides humana. Subsumo: Atqui Bullæ Pontificum alia;

que Litteræ Apostolicæ, continentes materiam fidei, sunt ipsa puncta fidei: sic enim Episcopi Gallici datis ad S. Leonem litteris profitentur, *se Apostolicam illam Scripturam* (quibus Leo hæresim Eutychetis damnaverat) *tamquam symbolum Fidei suscepisse*. Ergo secundum Te, punctis Fidei summa debetur fides humana. Subsumo iterum: At qui humana fides, etiam summa, non est divina, nec supernaturalis, nec meritoria, nec certissima, nec talis cui non potest subesse falsum. Item (nisi forte Scenipelagianana secteris hæresim) non est humana salutis initium & radix omnis justificationis, sine qua impossibile est placere Deo, & ad filiorum eius consortium pervenire. Hujus subsumpti veritas patet in promptique est omnibus. Ergo fides, quæ secundum tua principia punctis Fidei debetur à Catholicis, non est divina, nec supernaturalis, nec meritoria, nec certissima, neque talis cui non potest subesse falsum, contra ac' exigit Tridentina. Synodus Sess. 6 cap. 9. Item contra eandem Synodum Sess. 4, cap. 8, non est humana salutis initium & radix omnis justificationis, sine qua impossibile est placere Deo, & ad filiorum eius consortium pervenire. Vide, R. Pater, quo te possum redigere: sed juvat progredi longius.

8 Ex Præambulo tuo, universim accepto, sequitur ut à Catholicis fides humana debeatur punctis Fidei, quemadmodum jam ostendi. Ergo sequitur ulterius, ut Fidei puncta non sint patefacta à Deo, quia à Deo patefacta si sint, jam fides divina ipsis deberetur, nullo modo humana. Ergo puncta Fidei patefacta sunt à nudo homine. A quo autem homine? Certe, P. Sebastiane, Christianus cum sis, non potes non fateri pleraque Fidei puncta esse patefacta à Christo. Ergo debes assentiri Theodoro Coriario, Paulo Sanofateno, aliisque hæresiarchis, &

Turcis ipsis, Christum esse nudum hominem omnique divinitatis expertem: & sic magis impius cogéris esse quam Ariani; qui, licet Christo divinitatem ademerint, nunquam tamen eo progressi sunt, ut aliquid ponerent unde eum esse nudum hominem sequeretur. Ergo ulterius debes admittere, Beatissimam Virginem, quam veneraris Cameli Præsidem, non esse *Θεοτόκον* sive Dei genitricem. Item Sacrosanctæ Eucharistiæ non esse tribuendum cultum lætiæ. Mitto deducere ceterorum corollariorum portenta, quia jam nunc, (ut Catholicum decet) exhorruisti, steteruntque comæ; & universim acceptum Præambulum, ex quo ceu vitiatō fonte illa profluit, pietas tua Catholica ultro jam execratur, secundum prudenis illud S. Augustini monitum, lib. 2, de adulterinis conjugis, *Mata antecedentia, si vis cavere sequentia*.

9 Quid jam tibi videtur, Reverende Pater? An si ego tua vellem premere vestigia, non possem potiori jure tibi hæresicos dicam scribere? An illa impia, blasphema & hæretica corollaria non possem invidiose amplificare, adductis Pontificum decretis, sanctionibus Conciliorum, & SS. Patrum auctoritatibus? An non possem in Te bonorum omnium concitare odium? An non possem etiam suspicionem multis injicere, te non refugere ab admittendis illis tam detestandis corollariis? Ad hoc ultimum consequendum, dicerem, Te (verene an falso, dijudicent Tui) esse acerrimo ingenio Professore, optimo judicio, prudentiā admirabili, Theologiæ scientiā prope Angelicā, summā argutandi peritiā, adeo ut fidem facerem non posse prudenter præsumi, talem ac tantum Sacræ Theologiæ Professore ignorasse, quod ea corollaria delitescerent in eo primo Præambulo, veluti in semine

## AD EXHIBITIONEM ERRORUM

ac radice? Sed religio mihi major est, quam ut me tali flagitio alligem. Quapropter gaude, Pater Reverende, & age gratus Deo immortalis, quod Tibi tam fidelis obtigerim adversarius, qui non tantum non sum in tuas iturus artes, verum etiam, sensum Præambuli tui explanaturus Catholicum. Audite igitur omnes, quibus veritas cordi est.

ro Primum illud P. Sebastiani à S. Paulo Præambulum, *Summorum Pontificum Bullis aliisque Litteris Apostolicis summa debetur à Catholicis deferentia, fides & observantia humana*, etiam si indefinitum sit & doctrinale, non tamen universaliter intelligendum est, sed tantum particulariter, ita ut sensus sit: *Aliquibus summorum Pontificum Bullis aliisque Litteris Apostolicis, in videlicet quibus non continentur materias divine fidei, summa debetur à Catholicis deferentia, fides & observantia humana*. Id quod patet, tum ex adjunctis Personæ apprimè Catholicæ, tum etiam ex serie & contextu totius operis. Ecce Reverendè Pater, quam ego sum fidelis, quam candidus, quam sincerus, & ut verbo dicam uno, quam dissimilis Tui.

11 Hic mihi videor videre Te triumphantem & gaudio gestientem incredibili non tam propterea quod me adversarium nactus sis, quam quod tuum Præambulum hoc sensu explicatum admitti à me putes. Sed erras, mi Pater, & vehementer quidem erras: nam & hoc quidem sensu explicatum Præambulum abest à vero. Ut autem à me plane admittatur & verum sit universim, addendæ sunt illæ particulæ, Tibi S. Theologitæ Professori non incognitæ, *Ordinarie, & per se loquendo*. Quippe occurrunt interdum gravissimæ rationes, cur talibus Bullis aliisque litteris Pontificiis fides humana adiungi non possit. Quid enim? An Disceat illi Carmelite in Hispania, qui sibi satis scribit consilii, novam fundationem Conventus Or-

dinis sui à cœnibus & incolis loci de Bilbao non desiderari, debebant postea humanâ fide credere oppositum, quia id Litteris suis Apostolicis inscribat Clemens IX? At vero, cum istius exempli usu mihi ipse interdixerim, afferam potius aliud. Si tu, Admodum Reverendè Pater, solita tua arte me innocentem Romæ criminatus fuisses, quod æterni nominis furens libidine, tamquam alter Erostratus, incenderim Archævum in quo reservabantur authentica hereditariæ vestræ ab Elia successione instrumenta; an deberem ego fidem humanam habere litteris Apostolicis, in quibus Pontifex me huiusce criminis reum pronuntiaret, ob eamque causam excommunicationis ferret fulmine? Non adeo fungus es, ut ita sentias. Etenim (nisi præter Scholæ vestræ Principem Franciscum Bonæ-Spei nullos alios inspexeris Theologos) scis quid hi tali eventu faciendum suadeant.

12 Sed quia forte non æque scis, quid in iurè Canonico sanciat, non gravabor subjungere ea quæ Alexander III cap. 5 de Rescriptis scribit ad Ravennatem Archiepiscopum: *Si quando aliqua Tus Fraternitati dirigitur, quæ animorum tuorum exaltare videntur, turbari non debes: Qualitatem negotii, pro quo Tibi scribitur, diligenter considerans, ac mandatum nostrum reverenter adimpleas, ac per litteras tuas, quare adimplere non possis, rationabilem causam præstas: quia pariter sustinebimus, si non feceris, quod præsta nobis fuerit infirmatione suggestum*. Cernis itaque, Pater Reverendè, quam non universaliter adstrui possit tua propositio, licet accipiat eo sensu, quo eam supra interpretatus sum? Atque hoc vel ex tuis ipsis dictis confici cogique potest: sic enim habes n. 7. *Universi prohi. Catholici, etiam si contenta in Bullis aliisque Litteris Apostolicis non sint fide divina credenda, aut physice certa, ita ta-*

men omnem deferunt reverentiam, fidem & observantiam, adeo ut similia in dubium vocare non audeant; supponentes, omnia in illis contenta moraliter certo esse vera, donec evidenter demonstretur contrarium, sicut E.C. contigit in negotio illo Carmelitico, cujus mihi ante indixi silentium. Animum adverte ad ultima ista verba: Donec evidenter demonstretur contrarium. Ex quibus colligitur, ne Te quidem exigere, ut ne unquam fides Litteris Apostolicis denegetur. Cur igitur tam sine ullis limitibus poluisti hoc tuum primum Præambulum: *Summarum Pontificum Bullis aliisque Litteris Apostolicis summa debetur à Catholicis deferentia; fides & observantia humana?* Profecto positionem restringendam non restringere, Professorem haud decet, præstitum emritum.

13 Sed da gloriam Deo, Reverende Pater, An non moliebaris, ita indefinite loquendo, fucum facere, & hæc restrictio Tibi incauto postea excidit? Ut ut est, ea quæ in Litteris Pontificum continentur, doces non esse credenda, tum, cum evidenter constat de contrario. At quomodo hæc tua doctrina congruit illis, quæ num. 2. & sequentibus operose adduxisti ex Jure Canonico? Sic ibi loqueris: *Galixum Papa primum dist. 12. Cap. 1. Universas hortatur Catholicos, ne membra recedant à Capite, quod est Romanus Pontifex. Quod S. Gregorius commendat dist. 4. (potius dixisses eadem) cap. 2. Si Sanctæ Dei Ecclesiæ desideret habere communionem. Adeoque à Bullis aliisque Litteris Apostolicis probo Catholica nullatenus est recedendum, imò ne quidem ad latum unguem..... Et ne quis præsonat ista solum esse intelligenda de Litteris Apostolicis, materiam fidei divina & mores saluantes concernentibus, audias Leonem V. (debuiſti IV. dicere, Reverende Pater) causa 25 cap. deo 16. q. 1. dicentem: Ideo permittente Domino Pastores summe fidei, ut quod Patres nostri, sive in San-*

*ctis Canonibus, sive in mundanis affixere legibus, excedere minime debeamus. Deinde dist. 19 cap. 2. universaliter dicitur sic: Omnes Apostolica Sedis Sanctiones ita accipiendæ sunt, tamquam divina voce Petri firmata. Quare, causa 15 cap. nulli 4. q. 1. omnibus & singulis dicitur: Nulli fas sit, sine statui sui periculo, vel divinis Constitutiones, vel Apostolica Sedis Decreta temerare.*

14 His ita constitutis, quæro ego ex Te, P. Professor, an membra non recedant à Capite, etiam tum, cum Catholici non credant Pontifici, dicenti in Litteris Apostolicis aliquid, quod evidenter demonstratur esse falsum? Certe in tali eventu Pontifex manet Ecclesiæ Caput, & reliqui Catholici manent membra: nisi forte dicas Pontificem non esse Pontificem, dum ex falsa relatione decipitur; quemadmodum dixit Wicleffus, in Constantiensi Concilio damnatus, nullum esse Pontificem dum est peccati mortalis reus. Ejus articulus 15 ita sonat: *Nullus est Dominus civilis, nullus est Prælatus, nullus est Episcopus, dum est in peccato mortali.* Hujus pestilentis hæresis vel umbram exhorrescis, sat scionam ut motiva desissent alia, tamen hoc à Te impetraret institutio atque disciplina Waldensis. Eapropter non potes ire inficias, membra in casu proposito recedere à suo Capite. Id autem concedis in eodem casu esse licitum, ut supra vidimus. Ergo Tecum ipse pugnas, quando ista Calixti verba extendis etiam ad alias Litteras Apostolicas, quam ad eas quæ materiam divinæ fidei & mores saluantes continent. Si enim per ista verba vetet Calixtus, ut ne umquā membra à Capite recedant; profecto per eadem etiam vetat, ne recedant in proposito eventu. Qua igitur specie veri, qua religione Tu id tunc fas esse concedis? Patere, Observande Professor, Te hic tuo ipsis jugulatum esse gladio. Patere, verba Calixti Papæ non

non esse extendenda ad Litteras Apostolicas, in quibus dumtaxat quæstiones facti particularis dirimuntur. Sed quia aliqui hoc argumento ad hominem, ut vocant, fortasse contenti non erunt; ideo juvat locos juris exhibere integros, ut Lector dijudicare possit, quantopere à vero & genuino eorum sensu aberraveris.

15 Textus primus, qui abs te objicitur, extat distinctione ac canone supra citato, & sic habet: *Non decet à capite membra dissociare; sed, juxta sacra Scriptura testimonium, omnia membra caput sequantur. Nulli vero dubium est, quod Apostolica Ecclesia mater est omnium Ecclesiarum, à cujus vob regulis nullatenus convenis deviare. Ubi observa, à cujus regulis, & cedo mihi obsecro, quis Theologus, quis Jurisperitus, quis sacrorum Canonum Interpretes dicit, facta particularia, in Bullas Pontificum relata, esse regulas? Si non sint regulæ, ergo nec sunt præcepta. Unde liquet, quam nihil ad rem faciat textus ille alter Gregorii, abs Te pariter assignatus, quamquã male citato loco. Præceptis Apostolicis non dura superbia resistatur sed per obedientiam, quæ à Sancta Romana Ecclesia & Apostolica auctoritate jussa sunt, salvisere impleantur; si ejusdem sanctæ Dei Ecclesiæ, quæ est caput vestrum, communionem habere desideratis. Huc iterum oculos, Pater Sebastiane, huc mentem; ut præter alia videas & consideres, dici: Per obedientiam, quæ jussa sunt, salvisere impleantur; non vero, Per fidem saltem humanam, quæ narrata sunt, salvisere credantur. Quo posteriori modo deberet Gregorius loqui, ut perditæ tuæ causæ patrocinari à viro prudente censeretur. Ut autem Tecum agam liberaliter, accipe ponderanda præterea illa verba ejusdem Canonis: Si quis hæc Apostolica Sedis præcepta non observaverit, percepti honoris esse hostis non dubietur. Pondera hic denuo dici, Præcepta, non, Narrata, Ob-*

servaverit, non Crediderit. Quæ jam tibi surgit sententia? An ullo tolerabili sensu dicuntur impleri narrata, sive observari?

16 Sed plus tibi præsidii constitutum putas in textu tertio, ideoque eum adducis ad dilucidandos duos antecedentes; quam vero inepte, non facile dixerim. Nam si constituissem huc aliquem ex Jure textum transcribere, non habito ullo delectu atque discrimine, sed fortuito; non potuisses adducere alium, qui ad tui rationem instituti minus conducere: quia dicit ibi Leo, quid Pontifices ipsi agere debeant, non quid alii Pontificibus subiecti Catholici. Age, verba ipsa revolve animo iterum iterumque, ideo permittente Domino Pastores hominum sumus effecti, ut quod Patres nostri, sive in sanctis canonibus, sive in mundanis affixere legibus, excedere minime debeamus. Horum verborum sensus, licet clarus sit per se, tamen fiet clarior, perlegenti hujus Quæstionis argumentum, quod hic describere non vacat. Sed gratis demus, subiectos Catholicos hic à Leone commonefieri officii sui, tamen nec hilum proficis; eo quod denuo instituat sermo de Canonibus & Legibus. Omnia autem illa, nominatim facta particularia quæ in Pontificum scriptis tractantur non esse Canones aut Leges, quis neget? Neque eadem omnia sunt divine Constitutiones, neque Apostolicæ Sedis Decreta, neque Sanctiones, neque Definitiones, neque Mandata. Unde patet lucem meridiana clarius, Te etiam duos posteriore textus, non nisi inepte & infulse ad stabilendum tuum Præambulum proferre potuisse, cum ibi de divinis Constitutionibus & Apostolicæ sedis Decretis Sanctionibusque agatur.

17 Atque hoc eodem argumento offenditur, quam nullius ponderis sit illud quod repetis ex S. Bernardo, de præcepto



& dispensat. cap. 12, *frue Deus frue homo Vicarius Dei*, mandatum quodcumque tradiderit, pater profecto prosequendum est cura, pari reverentia deferendum. Quamquam hic, per hominem Vicarium Dei, supremus Romanorum Pontifex non intelligatur. Nec itorum eodem capite: *Quidquid vice Dei præcipit homo*, quod non sit tamen certum displicere Deo, haud secus omnino accipiendum quam si præcipiat Deus. Hoc observasses & Tu, si egisses vel accuratius vel sincerius. Continuo enim subiungitur; *Ubi tamen Deo contrarius non præcipit homo*. Ergo S. Bernardus agit de Vicario Dei, qui potest Deo contrarius & displicentia præcipere. Cum autem talia præcipere universæ Ecclesiæ vel magnæ ejus parti non possit supremus Pontifex, utpote in decretis morum labi nescius; quid consequens est, nisi ut & sanctus Doctor agat de alio Dei Vicario, & Tu hunc locum perquam imperite alleges. Video quo Te jactaturus sis. Dices, hic agit Bernardus saltem de sui & cujusvis religiosi Ordinis Præsule. Itaque si huic, multo magis supremo Ecclesiæ Præsuli parendum est. Quis dubitat, Pater Venerande? Sed facta singula, quæ commemorantur vel supponuntur in Scriptis Apologeticis, esse singula præcepta, pernego.

18 Affers etiam illud Lucæ Capite 10. versu 16. *Qui vos audit, me audit; & qui vos spernit, me spernit. Quod Thomas Waldensis, inquis, late prosequitur tom. 3. de Sacramentalibus ritibus canonici cap. 20. Imbellem iterum telum & sine ictu, quemadmodum ex jam dictis patet, ideoque nihil attinet illud demonstrare pluribus. At, R. Pater, qua fronte addis, Thomam Waldensem hæc, loco à te assignato, late prosequi? Locum hunc, quantus quantus est, perlegi totum iterum atque tertio, neque tamen simile quippiam ibi inveni, ne per umbram quidem. Tuat te levitas in hunc cri-*

rorem rapuit? Viso enim citati capitis titulo, qui sic habet; *Quod Apostolicauctoritate statuenda sunt orandi forma in Clero, cum alternatione psalterium, antiphonarum, sectionum, hymnorum & ceterorum*; statim judicasti verosimiliter hic residere aliquid, quod ad tuum pertinebat propositum, caput autem ipsum legere neglexisti. Hoc tam levi nixu fundamento, aus Waldensem hæc late prosequi. Expende, Reverende Pater, quam benigne hoc ego interpreter, ne quid gravius de Te suspicetur Lector. Et dic, amabo, an, si mihi arrogem tuam tuorumque petulantem licentiam scribendi, non possim Te hic merito appellare *Conjecturalem Theologum*, quemadmodum Tui R.P. Papebrochium immerito appellarunt *Conjecturalem Historicum*. Convicti istius sibi conscientius est Christianus del' Maré, quem nomine æque ac P. Sebastianum pernovisti intus & in cute?

19 Sed non est meum, maledictum maledicto rependere. Ac proinde duntaxat dico, loco Thomæ Waldensis à te nominandum fuisse potius Fr. Jacobum à S. Antonio, in *Append. Consultat. Resolut. 1. n. 4. & 5.* Quippe quos juris textus abs Te allatos refutavi hæcenus, eos omnes insigni prorsus plagio inde arripuisti; ita ut in eis citandis eundem servaveris ordinem, eisdem propemodum transitionibus adhibueris, idem denique admiseris erratum in scribendo Leone V pro IV. Vix me tempero, quin in vos accommodem illud Christi, Matth. 15, vers. 14. *Cæcus si cæco ducatur præstet, ambo in foveam eadum.* Neque vero dixeris, potuisse Te prudentior credere Fr. Jacobo, utpote qui apud Vos famam jurisprudentiæ obtinet, eo quod ausus fuerit adversus duos Clarissimos Juris utriusque Doctores scribere, alterum Parisiensem M. Antonium Godefrøy, alterum Lovaniensem Zegerum Bernardum van Espen. Ne, inquam, hoc dixeris: nam



## AD EXHIBITIONEM ERRORUM.

certum est quid respondeam. Quare attende. Inter alia, quæ ego jam sileo, idem ille Fr. Jacobus, duos Juris Canonici totus, quos supra ante alios omnes allegasti, restringit ad Episcopos, & recte quidem sic enim & in jure ipso restringuntur. Tu vero eos extendis ad omnes Catholicos. Jam autem, si sua cuique in arte credendum sit, cur Fr. Jacobo non hic æque credidisti quam alibi? Illi & hic credidisti quidem, opinor: sed textus ita restricti, non videbantur tibi ad fallendum Lectorem habere sat ponderis, sat momenti, idcirco eos perinde proposuisti, ac si ab ipsis illis Pontificibus ad Orthodoxos omnes dirigerentur. Noli itaque male tuæ fidei credulitatem, quasi velum aliquod, obtendere; & mirare benignitatem in Te meam, quandoquidem hunc tuum lapsum non castigaverim superius, sicut res ipsa exigere videbatur.

20 Postquam Lectorem frustra, ut jam vidimus, remisisti, Pater Reverendissime, deussem vestram, obtrudis exemplum S. Caroli Borromæi, de quo Te potius conveniam. Nunc enim, ut in Juris textibus immoremur, visum fuit transilire ad numerum tuum 9, ubi dicis, *Quod eo foris evincit in eorum, quia Pape judicium.* Certe **LESTE ARBITRIUM**, appellatur, in sp. 6. de sum. Trinit. ex fide Cathol. Cardinalis Tuschi, tom. 6. in tra. P. conclus. 49. num. 87. Et de eo dicitur, habere in scrinio pectoris omnia jura cap. de constitution. lib. 6. Traquellus, de nobilitate cap. 20. num. 4. & cap. 31. num. 537. Saltem præparat. 1. de fac. qui semper Pape assensum in Bullarum, diplomatum, aliorumque Litterarum, & publicorum editione. Abbas, in Cap. Com. ex litteris n. quæru. quinto. Non, de restit. in integr. Quid dixi dicere ista Te, Pater Reverende? Imo dicit Lezana tom. 3. Annal. ad an. 837. n. 7. unde hæc omnia ad verbum non sine hor-

rendo descripsisti plagio. Igitur in gratiam Lezanæ respondebo ad singula. In primis, Legisti primæ à Te, à Lezana inquam, citatæ verba hæc sunt: *Hanc legem (Catholicam Religionem) sequentes, Christianorum Catholicorum nomen jubemus amplecti; reliquos vero, dementes, vesanosque, judicantes, heretici dogmatis infirmum sustinere, divinam primum vindictam, post etiam motus animi nostri, quam ex celesti arbitrio sumserimus, ultione plerendos.* Ubi autem hic ulla sit Pape mentio? Ubi ejus judicium **celeste Arbitrium** appellatur? An hoc significant verba illa, *Motus animi nostri, quem ex celesti arbitrio sumserimus*? Certe hanc significationem illis verbis subjectam esse non dicit Paulus, nec Iason, nec Bartolus, nec Alciatus, nec Duarenus, nec Jacius, nec Navius, nec Salicetus, nec Mor-nacius, nec Antonius Fabri, nec Barbosa, nec denique ulli alii Justiniani Codicis interpretes, quorum mihi saltem videndi facilius fuit. Quid, quod Glossa, per illa verba videatur intelligere potestam, infirmandam hereticis per sententiam Imperatoris vel Regis, ideo **celeste Arbitrium**, dicitur, quia, inquit, *per Regem in manu Dei est.* Verum tamen quid vni illi acutissimi & Juris æquili non viderentur in his verbis, hoc vident P. Lezana & P. Sebastianus à S. Paulo duo Ordinis Cameracensis lumina. **O felix Ordo**, quæ tales Jurisconsulti obtigeret!

21 Si Cardinalis Potiusset tam acutum cernere, ubi loco supra citato assent. Pontificem, habere **celeste Arbitrium**, ibi pro se non attulisset solum Patrum nominatum, qui tunc facit, & cum etiam hæc Legent, quam vos assertis. Ergo assentiris, inquit, Cardinali Tuscho judicium Pape esse **Arbitrium celeste**? Assentior, & mecum assentiuntur Catholici omnes, adeoque ad hoc persuadendum nihil necesse erat dolo malo. Jus civile ad-

*par. 4. lib. 2. decis. 33. & laius decis. 239.*

**NARRATIVÆ PAPÆ:** ubi dicitur communem opinionem, quod non transfert onus probandi, & quod ita seruat *Curia Romana*: & repetit decis. 285 l. 2. Possem in hanc sententiam accumulare Auctores plures; & nisi vellem esse tenax mei propositi, possem etiam meminisse narrativæ Clementis IX de quodam facto alieno, sive de consensu Incolarū oppidi de Bilbas, quæ narrativa plene non probavit, tamen si super ea se fundaret Pontifex. Sed satis est, quod non tam Tuiquam tuorum discipulorum erudiendi gratiæ, hæc jura traxerim tam suse distinctioneque ubi tamen ad causæ meæ defensionem nihil interest, quoquo modo hæc se habere dicantur. Id quod jam breviter ostensum co.

28 **Rev. Pater;** quod dicitur de Papa in *Clement. 1. de probat.* idem habet etiam locum in Imperatore, ut stetur ipsius narrativæ in facto proprio, & in facto quoque alieno, quando se fundat super illo facto alieno: neque in Imperatore tantum; sed etiam in Rege, etiam in quovis Principe non recognoscente superiorem, etiam in Delphino Gallie & quibusdam aliis. Quod si mihi credere nolueris, ea legis censeo partim apud Cardinalem Tuschum tom. 4. littera 4. concl. 43. partim apud Makardum de probationibus vol. 1. concl. 139 num. 10 & 11, ubi & invenies Auctorum nubem agglomeratam, uti etiam apud Fermosinum tom. 1. tit. eodem ad cap. 28 cum à nobis, de testibus quæst. 2. His cognitis finge animo, Imperatorem, vel alium quempiam ex jam memoratis, narrare factum aliquod, cuius de veritate digladiantur historici inter se; an subito controversia omnis, tanquam Tenediā bipenni dirempta censebitur, ita ut contrarium scribere non liceat? Non, inquires. Quidni obsecro? Dicam

ego. Quia istorum narrativas de facto alieno plenam probationem facere, nihil aliud est, quam eas ex sola dispositione juris debere Judici sufficere, ad finiendas lites in foro externo ac contentioso. In hoc autem foro non versantur Historici, neque adeo his legibus sive juris dispositionibus inter scribendum alligantur, præsertim quando è præfice Annalium monumentis eruerunt aliquid, quod talium narrativarum falsitatem evincat.

29 Jam vero si Imperatori aliisque Principibus, alienum factum narrantibus, credere Historici non semper debeant, quid causæ est, cur semper debeant credere summo Pontifici, narranti factum istiusmodi? Ut enim ostendi antea, nihilo magis hic est summo Pontifici quam istis Principibus divinitus concessa auctoritas errare nescia, atque adeo est etiam merā dumtaxat juris humani dispositione sancitum, ut ejus de facto alieno narrativa probandi vim obtineat, non quidem ubique & apud omnes, sed apud Judices, & in foro contentioso. Quinimo cum Pontifex nulla dispositione juris efficere possit, ut numquam habatur in alieni facti narratione; faceret perquam ridicule, si suas de facto alieno non revelato narrativas proponeret: omnibus, tamquam verissimas certissimasque regulas verum à falso discernendi. At Tu, Rev. Pater, dum hoc vidēris affirmare, Sedem Apostolicam non exponas hæreticorum ludibrio, judicet alii: non est enim benignitatis meæ tibi invidiam constare. Igitur hæc est summa responsionis, illas juris functiones obtinere tantum in externo & contentioso foro. Unde intelligas, quid sibi velit id quod assers num. 8. *Intra limites humani testimonii nullum dari possit majus aut firmitus, quam assertio Sedis Apostolicæ*

stolicæ. Quid, quod & illud effatum admittendum censeam ab ipsis Historiographis, ubi in antiquis monumentis vel alibi nihil reperiunt, quod Apostolicæ Sedis assertioni repugnare videatur. Etenim si viro honorato & docto oporteat credere, quando nulla ratio est dissentiendi, multo magis tunc oportet credere Sedi Apostolicæ. Atque hoc ita esse statuerem, etiam si Pontifex illas juris dispositiones, sicut potest, pro foro externo penitus aboleret. Capis jam, P.R. quam non satis ad genuinum istorum Juris textuum sensum attentus, eos protuleris ad impugnandum P. Papebrochium?

30 Neque subtilius argumentaris num. 6, ubi sic ais: *S. Carolus Borromæus tantam Luteri Apostolicæ solium erat exhibere reverentiam & observantiam, ut eum nunquam nisi denudato capite, & cum tota familia genibus flexu, reciperet & perlegeret.* Quid enim? An hinc vis concludere, Ergo Catholici omnes hoc agere debent? Egregia enim vero & tali Professore digna conclusio! Si tu, Rev. Pater hoc pacto legeres Superioris tui litteras, an id facere deberent reliqui Carmelitæ omnes? At, inquit, Tantum volui inde ostendere reverentiam aliquam Litteris Apostolicis esse debitam. Quis orthodoxus hoc unquam negavit? Sed scire Te convenit, aliud esse fidem, aliud reverentiam. Hæc Apostolicis litteris semper debetur, illa non semper. In-

nocens aliquis E.C. excommunicatur publice à Pontifice; excommunicatum esse se credere non debet, imo non potest. Atamen (ut fert communis Theologorum opinio) debet sese publicæ quasi excommunicatum gerere, donec innocentiam suam probaverit, & eatenus scripto Apostolico reverentiam exhibet observantiamque. Quo in discursu quid reprehendi abs Te possit, non video. Quid si ille innocens jam scribat ad Pontificem, & dicat, crimen de quo apud Pontificem falso accusatus fuit, esse fictam fabulam, esse commentum: an censebitur scriptum Apostolicum explodere, & læsæ Pontificiæ auctoritatis reus? Vide quid respondeas. Si ais, aliis risum movebis, aliis stomachum, mihi tui commiserationem, approbationem nemini. Sin autem negas; tuo calculo etiam P. Papebrochium absolvis. Quid enim inter hunc & illum interest? Ergo aliud est dicere simpliciter aliquid esse fabulam & commentum, aliud aliquid tamquam fabulam & commentum explodere. Hoc contemptionem sonat, & nescio quem risum sarcasticum; illud, non item. Sed nihil attinet hoc urgere pluribus, tum quod hoc satis superque declaravit P. Papebrochius in eruditissimæ suæ Responsionis locis variis, tum quia nolo ego lucernam, quod ajunt, in meridie adhibere. Quare ad Præambulum tuum secundum festino.

te, quam negligens & locors in iisdem perlegendis. Jam vero (ut Suarez explicamus) contra quem Suarez hic agit? Contra illum nimirum, qui asseruit, *Scholares approbatos & incorporatos Societati, per tria vota simplicia, non esse vere ac proprie Religiosos*. Deceptus autem fuit, inquit, ex opinione, satis communi inter antiquos Doctores, dicentes, verum Religiosum non constitui nisi per professionem & tria vota solennia: qui tamen, juxta antiquum jus siueque temporis usum, loquuntur de facto potius (ut sic dicam) quam de possibili; id est declarant sic fieri, non negant autem aliter fieri posse. Et quamvis aliqui vel multi ex Auctoribus privatis in eo sensu id docuissent .... interposita jam auctoritate Sedis Apostolica, (declaratantis hujusmodi Scholasticos esse vere ac proprie religiosos) nullius ponderis est cujuscumque auctoris opinio. Ex his liquet, Suarezem hic quærere, an qui tria vota simplicia in Jesu Societate nuncupavit, Religiosi rationem vere proprieque fortiantur. Sed, Pater Professor, factine hæc quæstio est, an juris? Juris esse Tu ipse fateberis: neque enim ex humanis pendet testimoniiis. Igitur ex hoc Suaris pronuntiato, nihil aliud eruitur, quam quod cum aliqua juris quæstio per Sedis Apostolicæ auctoritatem direpta jam est, tunc nullius ponderis sit, cujuscumque auctoris in contrarium opinio; atque adeo fraudulenter illud extendis ad quæstiones alias omnes, etiam facti particularis, quales sunt illæ, quæ ab eruditissimo Papebrochio ceterisque Historicis communiter tractantur. Neque vero mihi quidquam officit id quod in fine objicis, tamquam validissimum telum; *Ipsa Societas, in Imagine primi sæculi fol. 65, de Pontificibus, historica Testimonia approbantis, ait: Quorum essentia in rebus hujusmodi errori non sunt obnoxia*. Et inferius. Ita Pontifices, quorum

testimoniis non pro arbitrio adhibetur fides, sed debetur. Nihil, inquam, id mihi officit, quia hic de quo (ne quid gravius dicam) fecidissime erras. Non enim de Pontificibus, rerum nostrarum historias approbantibus, ibi sermo est; sed de Pontificibus approbantibus nostrum Institutum, ut pium, ut sanctum, ut à Spiritu sancto excitatum, denique ut non abhorrens ab Apostolorum & ipsius Christi Domini exemplo atque doctrina. In Pontifices autem, Instituta Religiosorum Ordinum approbantes, non posse cadere ullum errorem, dixi supra, & cum Theologorum agmine universo sustinet etiam Auctor, vester P. Bonæ spei, tom. 3 tract. 2. de fide disp. 4. dub. 7. resol. 2. n. 108.

24 Infirma sunt quæ refutavi usque adhuc, ut nemo non videt: sed hoc quod habes num. 10, multo infirmius est, atque haud scio an responsione dignum. Sic loqueris: *Quomodo narrativa in Bullis seu diplomatis plenam faciam fidem, docet Lezana tom. 5. Summe qq. in Mari Mag. Carm. num. 4 prout etiam indicat tom. 3. Annal. ad an. 847. n. 6. ubi probat ex Juribus & Doctoribus, narrativam Bullarum, etiam de facto alieno, motu proprio factam, & in qua fundat suam interventionem, plenam facere fidem, adeoque ei standum esse*. Itane vero, Pater Professor? Hoc, Te judice, probat Lezana ex Juribus & Doctoribus? O quam dolendum est, quod hæc Jura, hos Doctores non viderint incolæ oppidi de Bilbao, nec ipse Pontifex Clemens X. Certe narrativa notæ Brevis, in qua Clemens IX. fundabat suam intentionem, & apud hunc & apud illos fidem invenisset. Sed yah! Pudet me mei, qui iterum mei propositi immemor, aggredior hoc ulcus premere vergerne pax tandem exprimam.

25 At istud Breve, inquires, non est ex motu proprio; non est ex certa scientia.

AD EXHIBITIONEM ERRORUM 15  
PRÆAMBULUM SECUNDUM.

*Piis Ecclesiæ Historiis, Divino Officio seu Breviario insertis, ab universis Catholicis debetur  
Summa reverentia & fides humana.*

EXAMEN.



T sub hoc lapide, Reverende Pater, delitescit scorpis: quia nisi abhorrerem ab imitanda effræni tua criminandi audacia, possem & hinc consecraria impia maximeque cacodoxa erucere. Quid enim? An hoc Præambulum sumptum prout jacet, non complectitur piæ Ecclesiæ Historias, etiam divinitus revelatas, quæ in Evangeliiis, Litteris Canonicis, & Actibus Apostolorum commemorantur? Nemo, cui tantum est aliquid aceti in pectore, hoc negabit. Sunt enim Ecclesiæ historiæ, sunt piæ. Ergo & ex hoc tuo Præambulo sequitur, ut historiis à Deo quoque revelatis adjungenda sit fides humana; & consequenter cuncta redeunt, quæ num. 7 & 8 celeriter perstrinxi. Quam metuo, ne cui hic in graviolem suspensionem venias! Nam semel tantum ita indefinite loqui, potest facile condonari inconsiderantiæ: at iterato ita loqui, habet pæcto nescio quod, plus suspensionis. Quippe ut num. 14 ipse probasti, adductis Juris textibus, *Vanorum geminata majorem deliberationem & mixtam voluntatem indicat*, cum in omnibus, tum maxime in S. Theologiæ Professore emerito, qui suarum propositionum latebras, recessus, & angulos solet

scrutari omnes. Sed macte, animis, Pater Reverende, quanto graviolem hæc iterata loquendi formula suspensionem aliis injicit, tanto me impensius æquum est Tibi consulere & sentum tuum orthodoxum palam facere. Igitur, si quis est, cui hæc Fratris Sebastiani à S. Paulo positio, universalis minimum atque indefinita, offendiculo fuit; scito ille, constare ex antecedentibus & consequentibus, Fratrem Sebastianum hic tantum intelligi velle de iis Ecclesiæ historiis, quæ sunt quidem divino Officio seu Breviario insertæ, sed divino afflatu scriptæ vel traditæ, non sunt, atque ideo omnem suspensionem propulsato. En iterum, Rev. P. Professor, quam tecum agam non ipimice: & quam longe absum à tua accusatoris infidelitate: ego enim ipse tuas propositiones purgare studeo.

32 At quamvis illud Præambulum in tuo sensu jam explicato labe hærescos careat; tamen verum esse non potest. Etenim cum piæ illæ Historiæ, quæ divinitus patefactæ non sunt, spectent ad quæstiones facti particularis, & cum Ecclesiæ in iis errare queat sæpeque erraverit; qui fieri potest, ut iis debeatur summa fides humana, præsertim quando rationes in contrarium afferuntur? Tu quidem num. 16. objicis; Sacra Congregatio die 14 Junii an-



1618, sic statuit: *Historia que in Breviario per Sedem Apostolicam approbato recitatur, ut maxime vera ab Ecclesia venerantur.* Sed ego, cum illum locum diu conquestum nondum in fonte invenerim, dubito, an hic possim tibi credere. Neque immerito dubito: partim quia solacissimus ille, *venerantur*, pro *honorantur*, stylum redolet tuum; partim quia jam tot deprehendi textus abs Te vel fictos, vel adulteratos, vel male citatos denique, ut hic valere existimem illud gl. i. in can. qui negligunt. 24 q. 3. *Presumptio inducitur ex consuetudine.* Ob eandem malum fidem nescio quoque, an possim tibi credere „Sacram „Rotam in una decisione Cæsar-Augustana coram D. Coccino an. 1631 dixisse: „*Historias contentas in Breviario, à S. Sede „Apostolica approbato, censeri ab Ecclesia canonizatas.* „ Imo ad rationem jam dictam accedit & alia, nimirum hæc, quod scribis An. 1631, ubi Sylveira vester in Apologia Carmelitana quest. I. scribit An. 1630. Insuper verba in tuum favorem exhibes paulo aliter atque Sylveira, ut ostendam alio loco. Neque cum eodem Sylveira post rō Cæsar-Augustana ponis rō Cathedralis; id quod mihi argumento est, Te nondum novisse modum citandi sacram Rotam. Ut ut est; Rotæ decisionem ad utrumque annum quasi diu multumque, & nihilo magis reperi, quam locum S. Congregationis Tamen agam liberaliter, causæque fretus bonitate, dabo tibi & hunc & illam reapse existere. Quid jam?

33 Ergo, inquis, historie Breviarii insertæ habentur ut maxime vere, & certificentur ab Ecclesia canonizata. Itane vero? Sed quomodo fidem facies, duos istos locos intelligendos esse eo sensu, quo intelliguntur abs Te? Profecto, ut notum est omnibus, Sacra Rituum Congregatio Breviaria mutavit per sepe, substituitque histo-

rias historiis inductis summo opere repugnantes: id quod nunquam faceret, si tibi persuasum haberet, historias Breviario approbato contentas, esse verissimas, esse ab Ecclesia canonizatas, sicut Pontifex Sanctos senel Canonizatos ex albo Sanctorum nunquam expungit. Igitur debet necessario citatis à Te verbis subiecta esse alia vis atque significatio. Quæ autem ea possit esse, mihi quidem difficile non erit dicere. Placetne, R.P. incipiam à priori loco? Eum sic distinguo: *Historia que in Breviario, per Sedem Apostolicam approbato recitatur, ut maxime vera ab Ecclesia venerantur*, quando nihil ab Eruditis assertur in contrarium, concedo; quando ab Eruditis aliquid in contrarium assertur, nego. Atque hæc responsio non potest displicere, Tibi saltem, utpote qui nam. 7. supponis Orthodoxos tantum debere omnia in litteris Apostolicis contenta venerari ut maxime vera, quandiu non demonstratur contrarium.

35 Tamen quoniam certum est mihi esse liberally accipe etiam alteram responsionem. Ille historia, tum quoque cum ab Eruditis vocantur in dubium, imo & manifeste falsitatis convincuntur, honorantur ut verissime (nota rō 16) quia ritti eodem recitantur quò veras, & sic recitandæ præcipiuntur ab Ecclesia. Unde Gascentus in Rubricæ Breviarii sect. 5. cap. 12. n. 163, universim aio *se la dare non posse, eas qui ritti Romano recitans Officium, & ab Officio ritti alieni manu accipiam Lectioes de vita Sanctorum non approbatas Romæ, contra Rubricæ de Dipl. n. 1 & de Lit. n. 9. ubi approbatæ requiruntur Lectioes auctoritate Sedis Apostolicæ.* An autem S. Rituum Congregatio, per verba à Te allata, noluerit stabilire hanc Rubricam, poteris tu scire, si hæc verba in fonte confuleris. Nam juxta illud Gregorius de verborum signifi-



*Intelligentia dictorum ex causis est assumenda dicendi: inde sciri potest. Atque, utrovis modo explicanda est Decisio S. Rotæ, in qua dicuntur illiusmodi historiz ab Ecclesia canonizata censer. Modum ultimū videntur indicare verba Rotæ, prout referuntur à Sylveira; qui addita particulam Veluti: „Historiz, inquit, quæ in Breviario habentur, veluti historiz ab Ecclesia Canonizata censentur. „ Quam particulam, an Tu non omiseris malā fide, est cur dubitem. Sed nimis parce hic Tecum ago. Quare agedum, Rev. Pater, fac errare Sylveiram, & particulam istam non esse in Decisione expressam; tamen rō Canonizata hic non sumi proprie & in rigore, colligitur ex eo, quod alias Historiz singulæ, in Breviario approbato inclusæ, essent singula Fidei Orthodoxæ puncta; adeoque (ut levissime dicam) erroneum esset hoc tuum Præambulum: *Pius Ecclesie Historiz, Divino Officio seu Breviario insertæ, ab universis Catholicis debetur summa reverentia & fides humana.* Quis enim nesciat punctis Fidei divinam fidem esse debitam? Ecce, Pater Reverende, quomodo hæc S. Rotæ verba, proprie intellecta, in nos intorquere nequeas, nisi Tibi ipse infligas vulnus: æque grave.*

36 Sane misereor Tui, & nescio quomodo animi impetu incitor iterum ad Te docendum, Canonizari sumi posse dupliciter, propriè scilicet & impropriè. Canonizari propriè, est ab Ecclesia approbati, tanquam divinā fide credendum, & ut tale proponi. Impropriè autem Canonizari est, ab Ecclesia approbati, tanquam non adversans fidei nec bonis moribus, ita ut non decernatur verumne sit an falsum. Atque hoc ultimum sensu etiam libri illi, qui ab Censoribus ordinariis abisque viris eruditis approbantur, Canonizari dicuntur, tum apud alios, tum apud Eadardum Minimum, de Vita

Notkeri Balbuli, ubi cap. 16 ait: *Ea quæ socii & fratres ejus in eodem Monasterio S. Galli composuerant, omnia canonizavit; videlicet hymnos, sequentias, tropos, &c. totum aabemizavit.* Cum ergo Historiz quæ relatæ sunt in Breviarium, propriè Canonizata dici non possint, sicut Tu debes admittere; quid superest, nisi ut S. Rotæ decisio solum de impropria Canonizatione loqui censeatur? Sic tui argumenti vis tota frangitur. Nondum tamen frangeris animo.

37 Cardinalis Lugo, inquis, de Fide disp. 20. sect. 3. n. 69 asserit, „ Historias piæ, „ communiter ab Ecclesia receptas & „ positas, ut V. G. quod Christus B. Thomæ „ Aquinasi dixerit: *Bene scripsisti de me Thomas,* & similes quæ authentice Breviario „ sunt insertæ, absque temeritatis nota non „ possent negari. „ Sed, Rev. Pater, an tanti tibi est illius Cardinalis auctoritas, ut ipsius iudicio hanc controversiam dirimendam putes? Bene habet, talem non recuso arbitrum, quia Lugo hoc loco totius est nexus. Audi igitur, quid initio numeri à Te citati pronuntiet: *Propositio temeraria apud Censores Theologos est, quæ communi Patrum sensui opponitur, aut quæ contra Doctores Theologos semel (observa vigilantè ea quæ sequuntur) sine sufficienti fundamento, quale esset, si magni ponderis ratio vel gravi Doctoris auctoritas, qui rem bene discussisset, pro eamque parte reperiretur.* Tum pauculis lineis interjectis inter alia subtexit exemplum à Te transcriptum: *Talis erit, si aliqui negat historiam piæ, communiter ab Ecclesia receptam & propositam, V. G. quod Christus B. Thomæ Aquinasi dixerit: Bene scripsisti de me Thomas, &c. huiusmodi.* Ubi has particulas sine sufficienti fundamento, subaudiri constat, & ex orationis contextu, & ex scopo Auctoris. Hic ergo patet citatū denuo, quam Tu agas infideliter, & quam recte

ego temp. r. inculcaverim, fas esse Orthodoxo recedere ab Historiis passim admittis, quando sufficiens aliqua in oppositum ratio adinvenitur.

38 A Cardinali Lugo abis ad Bordonum, Raynaudum, Sinnichium, subtilem Scotum, & S. Augustinum, ab iisque omnibus patrocinium petis, sed conatu rursus irritum, quoniam Imodium pulcre ac erudite ostendit Papebrochius in numquam satis laudanda Responsione Art. 1. §. 2. & Art. 4. §. 1. Quare quoniam non habeo quod superaddam, nolo actum agere. Hoc unum edico Tibi, mirari me P. Papebrochii clementiam, quod ubi tot & tam atrocibus à Te proficius est calumniis, non accusaverit Te hic ingrati plagii. Id sane poterat facere commode: sat enim noverat, locum Scoti & S. Augustini à Te fuisse subreptum Francisco Bordonum, ita ut omnia eadem, quae ipse, errata admiseris. Præterea quanto cum plausu tuique animi sensu in Te retorsisset eundem Bordonum, ut qui tom. 3. ref. 86p. 136 dicit: *Carmelitarum Ordo cepit circa ann. 1160, sed quia Regula carebat, ideo confirmationem non obtinuit nisi sub Honorio III. qui Regulam ab Alberto Patriarcha Hierosolymitano confirmari approbavit anno 1226 die 30 Januarii & n. 159 negat validum summi argumentum ex revocatione Officii.* Hoc tamen Papebrochius siluit. Est profecto cur Patri, Tibi adeo benevolo, grates referas. Simile aliquod benevolentiae in Te meæ volo hic extare monumentum. Quippe cum n. 25. dicas: *Universa Hispania, non alio graviore innixa fundamento, profiteatur S. Jacobum in Hispania predicasse, quam quia Ecclesia ita tenet in proprio ejus Officio, posset durior aliquis adversarius te criminari, tamquam si integræ illi nationi affinxisses nimiam in credendo levitatem. Et ceteræ contemptions nescio quid præse ferunt illa verba: Non alio graviore innixa fundamento.* Ergo, inferret adversa-

rius ille durior, quidquid pro S. Jacobi in Hispaniam adventu elaborarunt acutissima Hispanorum ingenia, quidquid eruerunt ex antiquis rerum suarum annalibus, nulum habet fundamentum, vel saltem non tantum habet, quantum Romana Breviaria.

39 Atqui Vincentius Maria, Ordinis Prædicatorum S. R. E. Presb. Cardinalis Ursinus, S. Beneventanæ Ecclesiæ Archiepiscopus Metropoli, in eruditissima sua Dissertatione de S. Bartholomæi Apostoli reliquiis Beneventum vindicatis, art. 7. affirmat, Breviarium Romanum, „ mi-  
„ noris ponderis esse in privatis factis aut  
„ gestis, quæ in vitis Sanctorum ex occa-  
„ sione referuntur, ita ut efficax inde argu-  
„ mentum peti non possit, ubi præsertim  
„ antiquiora monumenta adversantur. Nec  
„ enim Ecclesia ipsa quæ his utitur, incon-  
„ cussæ infallibilis quæ veritatis judicat  
„ quæcumque Breviarii suis sunt inserta,  
„ cum multoties pro variis temporibus, va-  
„ ria ex occasione ea mutaverit correxerit-  
„ que Testatur id Concilium Senonense, de  
„ anno 1528, quod ut Breviaria & Missa-  
„ lia emendarentur, decreto sanxit: te-  
„ statur Concilium Colonienſe, de anno  
„ 1536, cui hoc idem decernere placuit:  
„ testatur Concilium Tridentinum, in quo  
„ idipsum statuitur; ac denum Concilium  
„ Rothomagenſe anni 1581, & Concilium  
„ Rhemenſe anni 1583 decernunt, ut  
„ quam diligentissime à falsis narrationibus  
„ & historiis Breviaria repurgentur. Quæ  
„ omnia argumento sunt, non illico putan-  
„ da esse ab omni historica aberratione li-  
„ bera, sed magna plerumque spongia ege-  
„ re, licet illa in suum usum usurpet Ec-  
„ clesia. „ Hæc pereruditus ille Cardina-  
„ lis. Unde intelligi debet, quæ facile quis Te  
„ posset traducere, quasi contemptorem uni-  
„ versæ Hispaniæ, ut quæ in tanta subtilissi-  
„ morum ingeniorum multitudine, tantaque  
„ copia, non potuit tot jam libentibus annis  
pro

pro sua sententia adinvenire aliud fundamentum gravius, præter unum Breviarium: sed id non facio ex benevolentia singulari. Imo, etiam si huius Eminentissimi Cardinalis auctoritas sufficere videatur, tamen prosequor amice expendere reliqua.

40 Num. 26. in Præambuli tui defensionem affers „ illud Gregorii ad caput Apostolicæ 35, quæst. 9. *Apostolicæ Sedis sententia, tantæ consilii moderatione concipitur, tantæ patientiæ & maturitatis de- coquitur, tantæque deliberationis gravitate profertur, ut non immutari necessarium ducatur.* Et ideo, inquis, quæ ab Ecclesia pro Officio Divino approbantur, summa sunt digna veneratione & fide. Unde licet in Breviario antiquo aliqua sint emendata & correctæ sub Clemente VIII, à Card. Baronio & Bellarmino, quæ tamen in eo retenta & relicta sunt, fidem & venerationem merentur. Sed R. P. Professor, quomodo ista duo coherent: *Ut non immutari necessarium ducatur, & Licet in Breviario antiquo aliqua sint emendata & correctæ?* An emendari & corrigi queunt Breviaria sine immutatione? Si secundum Gregorium Apostolicæ Sedis sententia ita profertur, ut non immutari necessarium ducat, quomodo Clemens VIII necessarium duxit immutari antiquum Breviarium, quod Apostolicæ Sedis sententia approbatum erat?

41 Hic suspicabitur fortasse quispiam, Gregorii verba manca esse ac mutila. Et revera sic est. Quapropter, antequam ea hic meliore fide referam, oro Lectorem, ne Tibi nimium indignetur. Sunt autem hæc: *Apostolicæ Sedis sententia .... tantæ deliberationis gravitate profertur, ut retractatione non egeat, nec immutari necessarium ducatur, nisi forte sic prolata sit, ut retractari possit, vel immutanda secundum præmissæ tenorem*

CONDITIONIS EXISTAT. Rev. Pater, appello quemlibet, cui suffragatur hoc caput Tibine, an mihi? At, istum locum, inquires, ita descripsi ex Sylveira. Esto: nam ut non dicam, hinc conjici, Carmelitarum proprium esse, textus in sui favorem militare, ne sic quidem Te purgabis de tua mala fide. Quia cum hic meministi mutati Breviarii, non poteris non suspicari in illius Capituli verbis sic citatis, utpote illi mutationi minime congruentibus, latere errorem aliquem; adeoque, si voluisses agere fideliter, omisso rivulo fontem ipsum adivisses. Verum missa faciamus hæc, & ad rem redeamus, & repetamus tua verba.

42 *Licet in Breviario antiquo*, inquis, *aliqua sint emendata & correctæ sub Clemente VIII à Card. Baronio & Bellarmino; quæ tamen in eo retenta & relicta sunt, fidem & venerationem merentur.* At Tibi neutiquam consentit supra laudatus Cardinalis Ursinus, quia loco citato ita loquitur: *Imo nec suis omnino carere navis Clementino-Urbano, quo utimur, Breviario doctissimi historiarum exploratores indicant.* Tum novorum seriem texit bene longam, quam videre est apud P. Papebrochium in Responsione Art. 9 n. 30. Postremo subjungit ille: *Et vero Cardinalem Baronium .... non absolutissimam in rebus historicis fidem Romano Breviario tribuisse, certissimum est.* Et jure merito, quia pleraque Sanctorum acta tam sunt questionibus facti particularis in recentiore Breviario, quam in alio jam antiquariis; atque adeo, cum ideo Ecclesia in his subinde erraverit, potuit & in illo. Eam autem repta & in illo errasse, affirmant viri doctissimi religiosissimiq; imo & Ecclesiæ Principes. Ex quo quasi suapte sponte profluit hic syllogismus: Nullis piis Ecclesiæ Historiis, quæ possunt esse falsæ, & quas falsas esse ajunt viri doctissimi piissimiq; debetur ab universis Catholicis summa fides hu-

mana. At qui sunt piæ quædam Ecclesiæ Historiæ, Divino Officio seu Breviario etiam recentiori insertæ, quæ possunt esse falsæ, & quas falsas esse ajunt viri doctissimi piissimique: Ergo quibusdam piis Ecclesiæ Historiis, Divino Officio seu Breviario etiam recentiori insertis, non debetur ab universis Catholicis summa fides humana,

42. Quid ad hoc argumentum, R. P. Professor? Oppones, fat scio, Quintanadunam, quem dicis habere in Theologia sua Morali, Singulari 14 num. 2. tract. 7, Breviaria, quibus modo utimur, omni suspitione carere nullo modo ambigendum est. Sed si tibi assentiatur Quintanaduñas, iisdem quibus Tu, fractus jacet argumentationibus; neque tanta est ipsius apud quemquam auctoritas, ut hoc ipsius placitum me magnopere sollicitet. Accedit quod Auctor ille nullam hujuscæ placiti rationem adferre nitatur. Proinde hic tenet illud Melchioris Cani lib. 8. De Locis Theologicis cap. 4. *Theologorum Scholasticorum etiam multorum testimonium, si alii contra pugnant viri docti, non plus valet ad faciendam fidem, quam vel ratio ipsorum vel gravior etiam auctoritas comprobatur.* Quamquam dubitem, an Quintanaduñas hic perinde intelligendum sit, atque Tu cum intelligis; ideo dixi, Si tibi assentiatur. Qua de causa juvat totum ipsius contextum ponere ob oculos, ut æquus Lector dijudicare possit. Secundum locum, inquit, obtinent Breviaria, cum universalis quam singularium Ecclesiarum, quorum Lektionen, Sanctorum patris & vitas continentes, cum earum constructio viris doctis & eruditis commissæ sit, generaliter loquendo (NOTA GENERALITER LOQUENDO) fide digna censetur; non vero tantâ, ut notam erroris vel temeritatis, aut similem censuram incurreres, qui illis fidem negares; in ea nec peccatum committes; non

aliter, ac qui Historiis aliis humanis fidem negaret: nonnulla enim & non levia mendacia in veterum Breviariorum Lektionibus, sive in Historiis, reperta sunt, ut constat ex cap. Sacrosancta Romana dist. 15. Ubi Gelasius Papa has Lektionen corrigendas, & ad veritatem summa cura redigendas statuit. At Breviaria, quibus modo utimur, omni suspitione carere, nullo modo ambigendum est. At cujus rei suspitione? Cum antea facta fuerit mentio de mendaciis, videtur hic nihil aliud à Quintaduña asseri, quam non dubitandum esse, quin quibus modo utimur Breviariis, ea careant omni suspitione mendacii. Jam vero suspitionem mendacii differre à suspitione falsi vel erroris, lippis & tonsoribus notum est.

43. Judicet igitur æquus Lector, an non anceps sit ad minimum atque ambiguum illud subsidii genus, quod ex Quintanaduña repetendum putasti. Hoc autem evidens est, Quintanaduñam hic tibi adversari, quatenus etiam prisca Breviaria omni vacare errore incaute statuisti. Te id statuere, patet & ex universalibus Præambuli tui vocibus, & ex num. 17 ubi; posteaquam attuleris hanc decisionem Sacre Rotæ, ut dicis: *Historia contenta in Breviario, à S. Sede Apostolica approbato, censetur ab Ecclesia Canonizata*; statim subdis: *Quod intelligendum est maxime de Historiis Breviario insertis post illum recognitionem sub Clemente VIII, à Card. Baronio & Bellarmino factam.* Si de hoc maxime: ergo etiam de aliis antiquioribus Breviariis idem intelligendum esse existimas; nisi forte velis fateri, redundare illam particulam inclusivam *Maxime*. Et vero ut id ingenue fateare, ego Tibi auctor sum. Alioquin (id quod emerito Professore longe turpius est) debebis fateri, Te in paucis lineis locutum esse pugnantia; scilicet Breviaria antiqua cunctis omni mendo, & simul non

non caruisse. Hoc enim demonstrari potest, non solum ex num. 27 ubi concedis, in *Breviario antiquo aliqua esse emendata & correctâ sub Clemente VII.*; sed etiam ex ipso num. 17, ubi ut ostendas Decisionem S. Rotæ intelligendam esse maxime de recentiori Breviario, adducis verba Gavanti. Qui (Baronius & Bellarminus) *rejecerunt omnia quæ jure merito vocari poterant in dubium; imo quæ controversa erant; & alicujus tamen gravis auctoris testimonio suffulta, aliquam haberent probabilitatem, retenta sunt eo modo quo erant ante, cum falsitatis argui non possint, quæ forte altera sententia sit à pluribus recepta.* Hic per transiendam nota, Gavantium scribere fortasse, non forte, ut tecum scribit Jacobus à S. Antonio; unde iterum colligo, Gavantium abs se nec inopertum quidem sed parum nostra id interest.

44 Ex istis Gavanti verbis liceat mihi argumentari hunc in modum. Non caruit omni mendo, neque summa fide dignum fuit Breviarium illud, in quo aliqua sunt emendata & correctâ, & in quo erant aliqua quæ jure merito vocari poterant in dubium. Atqui, ut Tu cum Gavanto admittis, in antiquo Breviario sunt aliqua emendata & correctâ, & in eo erant aliqua quæ jure merito vocari poterant in dubium. Ergo antiquum Breviarium non caruit omni mendo, neque summa fide dignum fuit. Et tamen caruit omni mendo, & fuit summa fide dignum: nam, secundum Te, censébat ab Ecclesia Canonizatum, & contentum in eo Historiæ honorabantur ut verissimæ. Quid jam dices P. Professor? Quo te vertes? quo confugies? Vides profecto, si quidquam videas, te hic fumum fugere non posse, nisi in ignem incidas. An ergo confiteris, haud satis tibi perspectam fuisse vim illius particule *Maxime*? Sed nec ego gladiator lentus sum, qui ubi Tu ipse mihi mucronem das simul & jugulum, adhuc

ferre cessio. Quoniam igitur ita placet, sciam. At unum exigerat: dic ante, obsecro, quare inter citandum Gavantium omiseris hæc verba: *Visum est illis* (Baronio & Bellarmino) *ad historia veritatem hinc fide resistere sacris Litteris, & idque minima qui fieri possit mutatione?* Sit tibi veritas cordi sit, Pater Reverende, non diffiteberis ideo Te omisisse illa verba, quod nimis clare innuerent falsa aliqua in antiquo fuisse Breviario; & quod vereretur, ne qua hinc fieret ad Clementinum Breviarium argumentatio.

45 Nunc age, ictum fortiter excipe, & ut virum docet. Nullis piis Historiis, quæ tantum aliquam habent probabilitatem, debetur ad Orthodoxis summa fides humana: Atqui sunt in Breviario Clementino quædam piæ Historiæ; quæ tantum aliquam habent probabilitatem: Ergo quibusdam piis Historiis, quæ sunt in Breviario Clementino, non debetur ab Orthodoxis summa fides humana. Propositio certa est apud omnes. Complexio est legitima, maximeque ad normam dialecticæ exacta. Sola igitur restat probanda assumptio, & probatur clarissimè ex his verbis Gavanti, quæ in tui defensionem adduxisti: *Quæ controversa erant; alicujus tamen gravis auctoris testimonio suffulta, aliquam haberent probabilitatem, retenta sunt eo modo quo erant ante.* Ergo sunt in Breviario Clementino quædam piæ Historiæ, quæ tantum habent aliquam probabilitatem. Jamne vides, R. Pater? Jamne sentis, quem mihi porrexisti mucronem, non esse plumbeum? Sed nondum satis est: juvat cum adigere adhuc altius. Hoc autem ut fiat, oportet observemus, à Gavanto non dici, quæ aliquam habebant probabilitatem, ut à me dictum est in illo syllogismo; sed, quæ aliquam haberent probabilitatem, id quod apud politioris litteraturæ homi-



nes perinde sonat, ac si dicatur: *Quæ poterant habere aliquam probabilitatem.* Atqui posse habere aliquam probabilitatem, non est habere aliquam probabilitatem: Ergo videtur censuissè Gavantus, in Clementino Breviario retenta esse, non tantum quæ ob alicujus gravis auctoris testimonium habebant probabilitatem aliquam; verum etiam quæ ob simile testimonium aliquam habere poterant, sive quæ gerebant aliquam probabilitatis speciem; *quamvis fortasse altera sententia sit a pluribus recepta.* Tantum abest ut omnes quæ sunt in illo Breviario Historiæ, à cunctis Orthodoxis verissimæ esse censeantur.

46 Neque ad ictum avertendum Tibi clypeus datur in illis verbis, *cum falsitatis argui non possint*; licet Jacobus à S. Antonio, in Appendice Consultatoria Resolut. 3 num. 19 verba illa valde notanda esse inculcet. *Cum enim hoc?* inquit. *Nisi quia eo ipso quo Breviario, rite recognito & approbato, inserta sunt, tanquam Canonizata & Canonice veritatis habenda sunt.* Non ideo, R.P. Jacobe, non ideo: quomodo enim ea quæ sunt solum probabilia, possunt esse veritatis Canonice? Veritatibus Canonice præbentur assensus fidei supernaturalis, qui solum probabilis esse non potest, ut ostenditur ex propositione 21 ab Innocentio XI. damnata: *Assensus fidei supernaturalis, & utilis ad salutem, stat cum notitia solum probabilis revelationis; imo cum formidine, quæ quæ formidet, ne non sit locus Deus.* Non ergo ideo, sed quia eo tempore, quo castigatum fuit Breviarium, nondum erant lustræ tot Bibliothecæ, nondum tot Manuscripta è suis cruta latebris, nondum tot Minusculata effossa, nondum excogitata ars legendi antiqua diplomata, nondum reperta tot monumenta alia, nondum denturque tot in elucidandis Historiis. positi labores ac vigilie, quot hac nostra cruce

tissima ætate ponuntur hodie in Belgia, Gallia, Italia, aliisque mundi plagis. Hinc factum est, ut tunc inveniretur nihil novi, quod alterutri parti aliquid momenti adderet vel demeret.

47 Quid igitur mirum est, tunc non potuisse Historias quasdam falsitatis argui; posse autem jam, cum tot novis subditiis atque adminiculis instructi sumus? Sic maritimo usu astrolabii nondum invento, perfectæque arte navigandi, non potuerunt nautæ detegere multas regiones, unde orbem terræ universum tres in partes dumtaxat divisit antiquitas. Inventi demum novi tractus quartam adjecere; si quarta appellanda est, quæ una reliquis omnibus magnitudine ferme par est. Neque tamen hæc recentiora tantummodo, sed veterum quoque finium haud exigita spatia præci homines ignorarunt. Siquidem & in multis regionibus describendis Ptolomæus, vir ceteroqui summus, & alii Geographi insignes hallucinati sunt; & Africæ terræ quidquid à Prasæ Promontorio & interiore Æthiopia ac Lunæ montibus in Austrum extenditur, multæque & ingentes tum Africæ, tum Indici littori objacentes insule, eorum diligentiam notitiamque quamvis accuratam subterfugere. Sic nondum invento microscopio, non poterant Philosophi detegere minutissima illa, quæ nunc detegunt animalcula, eorumque alas, crura, oculos, aures, pilos, proboscides, fibras, venulas, & in venulis assidue circumcunctem sanguinem, aliaque plura hujusmodi. Sic tubo optico nondum invento, non poterat perspicax Astronomorum acies detegere maculas Solis, Jovis satellites, comites vel anulum Saturni, phases Veneris & defectiones, quas propter terræ interjectum non secus atque Luna patitur. Sed quid ego tam sigillatim ista commemoro? In ea tempora ætas nostra incidit, cum



cum pederent in scientiæ perficiuntur omnes, & perfici Historiarum scientiam, tot adinventis novis præfidiis, quisquæ neget?

48 R.P. Sebastiane, dum hæc mihi cum tuo commilitone Jacobo fuit velitatio, aliquantulum respicisti. Nunc Te iterum adior, & acceptum à te mucronem distringo iterum, alia ex parte facturus vulnus. Christi fideles non debent in omnibus credere isti Breviario, in quo quæ controversæ erant, retenta sunt eo modo quo erant ante: Atqui quæ controversæ erant, sunt in Clementino Breviario retenta eo modo quo erant ante: Ergo Christi fideles non debent in omnibus credere Breviario Clementino. Si non debeant ei credere, ergo licitum est Historiographis aliquas eo contentas Historias, prolatis in medium rationibus, falsi arguere. Neque enim id ulli usquam prohibuerunt Pontifices; non Pius, non Clemens, non Urbanus: qui quidem si id voluissent prohibitum, id expressissent sine dubitatione in suis Bullis, Romano Breviario præfixis, in quibus quæ quoad Breviarii emendationem observanda sunt, explicant adeo accurate.

49 Mirabitur fortasse Lector, quod ad confirmandum tuum Præambulum allegaveris hunc Gavanti locum, in quo hæc adversus Te latebant argumenta, velut in equo Trojano milites. Sed est cur multo magis miretur, quod eundem in finem allegaveris ea quæ habet Gerson tom. 2. libello qui inscribitur: *Declaratio veritatum, quæ credende sunt de necessitate salutis.* Sicut, dicit Aristoteles, nihil refert quedam falsa probabiliora esse quibusdam veris; ita nihil refert, quedam falsa pie credi; non quod ea ratione qua falsa sunt, vel si sciuntur esse falsa, credi possint (procul hoc à pietate fidelium) sed cadit existimatio vel pia credulitas non super veritate vel falsitate, sed tantummodo super

apparentia vel probabilitate; & hoc uti, quæ non est periculosum vel falsum, quia constat de apparentia & probabilitate, dum falsitas vel veritas ignota est. Eil, inquam, cur Lector hoc summo opere miretur in S. Theologiæ emerito Professore, qui non solet proloqui tam aliena à proposito. Erat porro tibi positum probare hanc propositionem: *Pius Ecclesiæ Historiis Divino Officio seu Breviario insertis, ab universis Catholicis debetur summa reverentia & fides humana.* Quomodo autem hæc probari potest per ista verba: *nihil refert quandam falsa pie credi?* Quippe, præterquam quod istis verbis non significetur ulla credendi obligatio; agitur hic, ut patet, de quibusdam falsis; de quibusdam, quorum de apparentia tantummodo & probabilitate constat; de quibusdam etiam, quorum veritas vel falsitas ignota est. An igitur falsæ sunt vel esse possunt piæ Breviarii Historiæ? An tantummodo constat de illarum apparentia & probabilitate? An illarum veritas vel falsitas ignota est?

50 Vide quid respondeas ad singula. Nam si ais, quomodo jure illas Historias dicis esse maxime veras, censeri ab Ecclesiâ Canonizatas, & à cunctis Catholicis firmiter credendas, ita ut fas non sit quidquam illis opponere? Sin autem, negas, quid ille Gersonis locus ad rem tuam pertinet? E contrario utrumque pertinet ad rem meam; quia ex illo video me posse colligere Te in hoc Præambulo statuere aliquid, quod procul est à pietate fidelium: Quod sic ostenditur. Possè credi quæ sciuntur esse falsa, est, secundum hunc locum, procul à pietate fidelium, imo secundum alios *advocator*. Atqui in hoc Præambulo statuis posse credi, quæ scimus esse falsa: Ergo in hoc Præambulo statuis aliquid, quod est, secundum hunc locum, procul à pietate fidelium, imo secundum alios

*adversum.* Probo assumptionem hoc modo: Omnia, quæ narrantur in Breviario, statuis in hoc Præambulo posse credi: Atqui aliqua quæ sciuntur esse falsa, narrantur in Breviario: Ergo aliqua quæ sciuntur esse falsa, statuis in hoc Præambulo posse credi.

§ 1 Assumptionem ejusque probationem mihi penegabis. Sed, R.P. Professor, aliqua quæ in Breviario narrantur esse falsa, significavit se scire Baronius, significavit se scire Nobilissima Burghesionum familia, significavit Cardinalis Ursinus, & ne plures memorem, id scire se significavit P. Desirantius ex Ordine Eremitarum S.P. Augustini. Hic S. Theologiae Doctor & Historiæ Professor Regius, in Thesibus Theologicis quibus præfedit Lovanii 19 Augusti 1684, sic loquitur Thesi 19: *Orandus esset Pontifex Maximus, ut de lapsu pii Marcellini fabula expungeretur ex Breviario. Mirum qui irrepperit. Non est simile verborum scisse virum idiotis. Hic viros quantos habes. An Te unum his omnibus prælatum cupis, o bove? Sunt & alia tela validissima, quæ ex hoc Gersonis loco, veluti ex plena pharetra, possum depromere; sed non duco opere pretium esse: Etenim quàm nihil Tibi consentiat Parisiensis ille Cancellarius, cernere est vel ex ultimis illius declarationis vocibus, quæ hæc sunt: *Magni hic attenditur id quod per recognitionem fieri potuit, quam illud quod factum est. Et hoc apud Oratores creberrimam reperitur, qui ex aliorum personis dicunt ea quæ persone non dixerunt, sed quæ dicere potuerunt; sicut in Legenda Beati Agnæis & Beati Sebastiani.* Hic mihi succurrit interrogare, an eam narrandi rationem & modum secuti fueritis in contexendo Breviario vestro. Hoc si ita sit, jam nihilo plus fidei ipsi debitor, quam piis aliquibus tragicædis, in*

quibus Poëtæ faciunt Martyrem E.C. dicere vel facere, non quod dixit vel fecit, sed quod dicere vel facere potuit; ipsique affingunt liberos, aut fratrem, aut sororem, aut alium nescio quem consanguineum, imo & priscam nobilitatem, quo magis eluceat ipsius fortitudo, quoque facilius possint in spectatoribus cieri pii animorum motus.

§ 2 At vero nimis importuna fortasse hæc Tibi accidit interrogatio: quare veniam potius ad numerum tuum 28, ubi reprehendis P. Papebrochium, quod tom. 2 Maji fol. 716 n. 33 dixerit: *Licet forsitan multum intersit inter modum quo Romani Breviarii Officia fuerunt approbata, & quo approbati dicuntur Monastica quedam.* Judicet Lector, an Te ab hac reprehensione avocare non debuisset particula illa *Forsitan*: nam, ut alios præteream, Barbosa tract. de Dictionibus usu frequent. ait, „Quanto hujusmodi dictiones. (*Forsan, Forsitan, Forsissis*) apponuntur, nihil affirmatur; & ideo non est necessaria verificatio ejus, quod per tales dictiones, assertitur, ut in l. in substit. ff. de vulgari. no. tam Vulpell. de præpos. & adverb. signif. sub dist. Ecce, vers. *Forsitan*. pag. 38. Gonzales ad reg. S. Cancell. gloss. 32. num. 10. & 11. „ Quid, quod loco citato addat Papebrochius, id non videri examinandum curiosus. Vel ex his verbis facile erat intellectu, Papebrochium dubitantis, non affirmantis in morem hic loqui. Et vero ut affirmantis in morem loquatur, quid in eo erit periculi? Quid cetera tua misistula, quid censura dignum? Siquidem illa approbatio, quæ propria Religiosorum Ordinum Breviaria dicuntur approbati, non tam videtur esse approbatio, quam mera permissio seu indulgentia. Atque hæc causa est, cur jure merito potuisset Papebrochius Breviario Romano aliquid plus

plus deferre quam Breviario Regularium.

53 Tu, Pater Rev. tam multa hic effutis castiganda, ut vix exitum possim evolvere: nec enim satis Tibi fuit falsò dicere, P. Papebrochium videri plusculum tribuere Breviario Romano, quam Breviariis Regularium; addidisti etiam causam, eo quod inquis, *hiz (ne fides imaginatur) non tam vigorosum adhibeatur examen, quam Breviario Romano*. An uspiam hoc dicit Papebrochius? Profer locum. Certe ex loco quem citas, scilicet tom. 2 Maji fol. 716 num. 33, non magis elicias eam causam, quam oleum ex pumice. Verum necesse erat istud fingere, quia homo disertus non potuisset aliter huc sat concinne intrudere *rigidum examen*, quod subisse dicitur Vita S. Ignatii à Nierembergio edita. Hinc etiam quæso videas, quomodo belle ratiocineris. Tua positio hæc est: Breviaria Regularium tam rigide examinantur, quam Breviarium Romanum: quam positionem ut probares, tuum erat ostendere aliquod Religiosorum Breviarium ita rigide fuisse examinatum, & interim pro tali Breviario obtrudis Vitam S. Ignatii, de qua inferenda Breviario minime agebatur, nec agi poterat: erat enim volumen integrum, & Hispanico quidem idiomate conscriptum. Quæ propter eandem operâ eademque successu, atulisses etiam diligentiam illam ac sedulitatem, quæ ad examen revocantur dogmata, antequam catholica vel hæretica declarentur. Neque ista positio firmitus à Te stabilitur, quando addis ex Vincentio Baronio, „illam Christi apparitionem, „in qua is S. Ignatio dixisse prætenditur, „Ego vobis Romæ propitius ero, Sacre Congregationi fuisse oblatam, sed nullatenus ab ea approbatam, nec Breviario, „post varias instantias, hæcenus insertam, „Hic namque de Romano Breviario agitur;

in tua vero positione de Breviariis Regularium, & consequenter hoc nihil iterum ad rem: usque adeo, R. P. Professor, non modo non coherentia inter se loqueris, verum etiam maxime disjuncta maximeque contraria.

54 Habes nos, ut video, pro cucurbitis, aut saltem Tu ipse cucurbita es. Accusas enim P. Papebrochium, quod citaverit aliquando Natalem Alexandrum, Auctorem prohibitum: & tu hic, fronte nescio qua, citare sustines Vincentium Baronium. An nescis, Pater Reverende, Vincentium illum pariter prohibitum esse? Quam apte in te convenit illud? *Clodius accusat*. Accedit quod Tu citaveris Vincentium Baronium, postquam esset prohibitus; Papebrochius autem citaverit Natalem Alexandrum, antequam prohiberetur. Præterea Natalem inter & Vincentium quantum interest? Vincentius asserit, Bullam Pauli V, quæ Rituali præfigitur, extortam fuisse per subreptionem, & in moribundi articulo errorem irrepsisse: secundo, defendit Sotum, in eo quod post Bullam Leonis X & Concilium Lateranense, Montes Pietatis damnaverit. Tercio, sustinet contra Gregorium XIII Religiosos Societatis, anteseptem professionem, non esse perfectæ religiosis. Quarto, dicit sententias controversas ab Ecclesia definiti non posse. Quinto, contra Alexandrum VII affirmat, piam illam de immaculata Conceptione sententiam recens inventum esse. Sexto, Effutire non dubitat, Ecclesiam errori obnoxiam esse in controversiis, quæ ad mores spectant decidendis, institutis. Ordinum Religiosorum approbandis, & quibusdam solenni ritui in Sanctorum Album referendis, aliaque multa habet hujusmodi, quæ pie aures exhorrescunt. Nihil autem simile neque in sua Historia, neque in sua Theologia Morali habet Natalis Alexander.

55. Ast unum hic mihi pæne exciderat, Theophilus Raynaudus, quam venerabilis apud vos vir habetur? Quam doctus? Quam eruditus! Quantum Oraculum! Hunc tamen virum Vincentius ille Baro (sic enim melius vocatur quam Baronius) dicit esse Atinum, Atheum, Atheo pejorem, Auctorem ridiculum, Blasphemum, Comitiali cerebri morbo laborantem, Genimen Viperæ, Fæcundum ineptiis & absurdis, Hæstem traditionis Ecclesiasticæ, Impostorum maximum, Impudentissimum Hæreticorum, Luciani discipulum, Lutheri imitatore, Mutilatorem SS. Patrum, Novitatum profanarum Auctorem, Stultum, Ignorantissimum, Mendacissimum, Os lutulentum; atque sexcentis aliis hujusmodi eum onerat convitiis. Et Tu Baronem illum, qui Theophilum Antiquitatis vestræ præconem tam pulchre pingit, citare sustines? Ingratum caput! Sed fallor: nam & Baroni debetis aliquid, nimirum suavissimos illos Christianæ eloquentiæ stulos, quibus P. Papebrochium vestris in scriptis ornare non desinitis. Verum huc longius quam voluntas fuit, digressa est Oratio mea, duce Te.

56. Revertamur eigo ad fidem, quam pugnas Breviario esse debitam. „Denique, inquit num. 31, quod Historiæ à Sede Apostolica tamen pro Breviario Regularium, quam pro Romano approbatæ, omnem apud Catholicos mereantur fidem & venerationem, verbis ipsiusmet Papebrochii convincitur: dum in Præfatione (debuisse dicere in Protestatione) tom. 2. Aprilis universaliter asserit, in describendis Ecclesiæ Historiis sacris, Sedis Apostolicæ judicio omnino esse acquiescendum, & ab eo nullatenus recedendum, ad quod speciali juramento se obstringit, dicens: *Calites omnes, Deumque ipsum sancte testamur, nos eundem*

„*Sacro-sanctam Sedem, ut veritatis*... „*Magistram, revereri, neque ab ejus scitis jussis, sique vel latum unguem declinare velle.* „Iterum imponis, P. Reverende: non enim dicit Papebrochius, in scribendis historiis omnino acquiescendum esse Sedis Apostolicæ judicio: sed illius Sedis judicio ac decretis obtemperandum. Verba ipsius accipe: *Multo sane aequius est nos Sanctæ Apostolicæ Sedis judicio ac decretis obtemperare.* Est autem aliud acquiescere, aliud obtemperare: quoniam sæpe obtemperat quis Superioris præcepto, nec tamen ejus speculativo judicio acquiescit. Porro, uti dixi jam sæpius, non solum Ecclesiæ præcepto, scito, jussuque obtemperandum est; verum etiam omnino acquiescendum est ejus judicio, quod fertur de rebus, in quibus dijudicandis errare non potest; at vero ejusdem judicio, quod fertur de rebus aliis, puta de quæstionibus facti particularis, acquiescendum, id est, credendum non est, si qua gravioris momenti ratio in contrarium occurrat.

57. Sed quid attinet considerare ista minutius? Paucis verbis declarari poterat, quæ Patrum Henschenii & Papebrochii mens sit. Quando Calites omnes Deumque ipsum sancte testantur se Sacrosanctam Sedem, ut veritatis Magistram revereri, significant à se pro Sancto haberi sine ulla dubitatione omnem eum, qui pro tali solenniter declaratus est ab Ecclesia. Quando autem addunt, se neque ab ejus scitis jussis vel latum unguem declinare velle, significant velle se observare ea omnia, quæ Ecclesia, Catholicis alicujus vitæ Scriptoribus observanda præcepit. Id quod planum sit ex his verbis consequentibus: „Quare (quod est alias Urbani VIII Pont. Max. iteratis Constitutionibus veritum) nulli, quantum quidem per imbecillitatem humani judicii provideri à nobis potuit, *Sancti* „aut *Beati* appellationem adscripsimus, cui

„ non eam vel Sedis ejusdem sententia, vel  
 „ Majorum, religio, vel veterum Scripto-  
 „ rum auctoritas contulerit, Neque item cu-  
 „ juspian qui non videatur, per communem  
 „ Ecclesiam consensum, vel per innumera-  
 „ bilem temporis cursum, aut per Patrum viro-  
 „ rumque sanctorum scripta, vel longissimi  
 „ temporis scientia ac tolerantia Sedis Apo-  
 „ stolica vel Ordinarii venerationem obtinere,  
 „ commemoravimus miracula, prædictio-  
 „ nes, arcanorum manifestationes. „

§8 Hæc omnia, Rev. Pater, si sub-  
 junxisses, an mens Papebrochii non fuisset  
 luce clarior? An non vidisset ipse Lector,  
 quam inaniter gloriaris, dum dicis: Quod  
 Historia à Sede Apostolica, tam pro Breviario  
 Regularium, quam pro Romano approbata,  
 omnem apud Catholicos mereatur fidem &  
 venerationem; verbis ipsiusmet Papebrochii  
 convincitur? Sed ne videretis: hæc omnia  
 prætermisisti dolo malo: neque tantum  
 hæc omnia prætermisisti, verum etiam  
 studio ac dedita opera videris, pro, in Pro-  
 testatione scripsisse in præfatione: quinque  
 cum illi qui de sanctorum Viras litteris con-  
 signant, in Protestatione, profiteri soleant,  
 se non adversari illis Urbani Constitutioni-  
 bus; verebaris verisimiliter, ne si scripsisses in  
 Protestatione, venisses erudito Lectori in  
 suspitionem male intellecti Papebrochini  
 sensus. Rev. Pater Professor, an hanc tuam  
 mentem melius divinaret ipse Oedipus?  
 Quamquam, quæ hæc est digna Professore  
 emerito consecutio? Papebrochius tes-  
 tatur se sanctam Sedem, ut verita-  
 tis Magistrum, revereri, neque ab ejus sci-  
 tis, iussisque vel latum unguem declinare  
 velle: ergo, quod Historiæ à Sede Aposto-  
 lica in Breviario relatæ omnem apud  
 Catholicos mereatur fidem, verbis ipsius-  
 met Papebrochii convincitur? Profecto si-  
 milis est huic: P. Fr. Sebastianus à S. Pau-  
 lo testatur, se sanctam Sedem, ut ve-

ritatis Magistrum revereri, neque ab ejus  
 scitis, iussisque vel latum unguem declinare  
 velle: Ergo, quod Breve in quo narrat  
 Clemens X., quomodo PP. Carmelitæ  
 Discealeati imposuerint sup Decessori, om-  
 nem apud Catholicos mereatur fidem, verbis  
 ipsiusmet Parris Sebastiani convincitur.

§9 Sed hic iterum obliviscer datæ fi-  
 dei. Quam oblivionem ut rependam, tace-  
 bo, illam particulam omnem, non satis co-  
 hæreere cum illis quæ num. 20 habes in  
 Gersono: In talibus (Historicis) nihil de  
 certitudine scitur esse falsum, quamvis et-  
 iam nesciatur illud certitudinaliter esse ve-  
 rum, quod oportet credere. Si enim illæ Hi-  
 storiæ non sint certæ, quomodo fieri pos-  
 test, ut fidem mereantur omnem? In-  
 terim, Rev. Pater, hic ego tuam commen-  
 dabo modestiam. Papebrochius (uti dice-  
 bas supra) ad iudicium Sedis Apostolicæ  
 in omnibus sequendum obligavit sese juris-  
 jurandi religione; nec tamen, cum illam  
 putes deesse officio, crimen perjurii obje-  
 cisti. An intenter alias atrocissimas crimi-  
 nationes hæc una res, reverit à O rem in  
 P. Sebastianum non satis admirandam? Ali-  
 quis fortasse istud tribuerit nescio cui stu-  
 pori, quo præpeditus istam consecutionem  
 videri, haud poteras; at ego, sicuti jam  
 inchoavi dicere, majus id tuæ tribuere  
 modestiæ, vel si vis, manuetudini: & ut  
 fatear verum, sic mihi à natura comparatum  
 est, ut omnia etiam adversariorum dicta  
 optimam in partem Interpretet atque ex-  
 culem.

§10 Utinam vero sic possem excusare id  
 quod asseris num. 20. Eia, Breviarii Hi-  
 storias, à Sede Apostolica recognitas & ap-  
 probatas, ab aliis quibus controversi posse Pro-  
 fecto hic te denovo in laqueum inseris. Nam  
 si Historiæ Breviarii controversi possint ab  
 aliquibus, cur controversi non possunt à  
 P. Papebrochio? Age, nobis ediscere, qui-



nati sunt illi Aliqui. Dubio procul dices, quia Historia possit esse falsa, hoc est, si quis illos Aliquos esse eruditos, & in omni sciendarum genere versatos? An igitur talis non est Papebrochius? Ipsius eruditionem loquuntur tot ac tam magna quæ edidit in lucem volumina; ut jam omittam viros doctissimos, qui tum ex omni orbis parte, tum maxime ex Hispania cum assidue consulunt, ejusque responsa pæne ut oracula venerantur. Sed lubet Te hoc laqueo constringere auctius. Si Historiæ Breviarii possint controversi ab aliquibus, ergo Historiis Breviarii non debetur ab aliquibus fides, quia non debetur fides iis rebus, quæ in controversiam ac disceptationem vocari possunt. Ergo ulterius, R. P. Professor, secundum Te, piis Historiis, divino Officio seu Breviario insertis, ab universis Catholicis debetur fides humana; & iisdem Historiis ab aliquibus non debetur fides humana. Quid cum hocce homine disputem diutius, qui tam manifeste contradictoria loquitur? Potius illum traderem alicui Dialectices titunculo exagrandum, ut discat, duo contradictoria, simul vera esse non posse.

61 Sed ad Te, erudite Lector, jam me convertito. Quippe cum sis Patre Sebastiani acutior magisque lyneus, poteris movere scrupulum, qui non intidit usque adhuc isti emerito Professore. Dices namque: Quotquot Romano Breviario continentur Sancti, colit ab Ecclesia præcipiuntur: Ergo, si qua Historia possit esse falsa in Romano Breviario, Ecclesia poterit cultum falsi præcipere. Non posse autem falsi cultum ab Ecclesia præcipi, ostenditur, tum ex Firmiano Lactantio, tum ex multis variisque rationibus, quæ ex intima Theologia repetuntur. At non tenet ista conclusio. Idcirco opus esse judico aliqua distinctione: Si

qua Historia possit esse falsa, hoc est, si quis in Romano Breviario possit præcipi colendus ut Sanctus, qui vere Sanctus non est; Ecclesia poterit cultum falsi præcipere; assentior. Si qua historia possit esse falsa, hoc est, si in Romano Breviario illi, qui vere Sanctus est, attribuaturs falsa patria aliqua, familia, vitæ institutum, posteritas, opus, vel quid simile; Ecclesia poterit cultum falsi præcipere; pernego, & merito quidem. Quia; ut recte observat Magister Franciscus de Rusperta, tract. pro Sanctis Naturalibus Diocesis Giennensis, puncto 3. num. 8. *La veneracion y culto que se da a un Santo natural, no mira al Santo en quanto es Natural, sino en quanto es Santo, conde por tal y venerado de la Iglesia.* Hoc est, *Veneratio & cultus qui alicui Sancto Populari exhibetur, non respicit Sanctum, quatenus Popularis est, quatenus est talis nationis Apostolus, quatenus talis Ordinis Conditor vel Religiosus, &c. sic de reliquis; verum quatenus Sanctus est, quatenus habetur pro tali, & honoratur ab Ecclesia.* Quæ omnia firmari possunt auctoritate D. Thomæ quodlib. 9. art. 16. *Cultus, quem Sanctis exhibemus, quodam profectio fidelis est; quia Sanctorum gloriam credimus: Nota, Sanctorum gloriam, id est, beatitatem qua jam Sancti perfruuntur in cælis; non privata eorum acta; quæ egerunt in terris, & quæ ab alio quam à Canonico Scriptore referuntur. Non est igitur consequens, ut, si quid in Romano Breviario esse falsum possit, cultus falsi possit præcipi ab Ecclesia. Sed fortasse ægre fert P. Sebastianus, quod eum cum ita missam fecerim. Quare, Lector, hoc me abs te impetrare sine, ut ad eum redeam, licet jam suis jugulatum gladiis.*



## PRÆAMBULUM III.

*Qui Sacras Historias, à Sede Apostolica prævio  
examine approbatas, explodit tamquam fabulas,  
injuriam eidem irrogat.*

## E X A M E N.



Adsum iterum, P. Sebastianæ, adsum, non jugulaturus mortuum, sed pollinctorus. Tibi namque hoc Præambulum concedam totum. Quin imo ajo ego: Qui sacras Historias à Sede Apostolica prævio examine approbatas explodit tamquam fabulas, ille injuriam facit Sedi Apostolicæ, etiamsi eas fabulas esse ex divino aliquo instinctu assidueque cognosceret. Ad hanc pollinctorum tibi redit animus; & reviviscis, Pater Reverende; reviviscis, veluti flamma lampadis affusioleo. Sed nostrin' verbo *explodere* quæ subiecta vis sit, quæ notio? Nisi Tibi admodum fluxa est memoria, meministi eorum quæ variis sum Responsionis locis super hac redixit P. Papebrochius, & quæ ego dixi num. 30. Sic tibi differebam: *Aliud est dicere simpliciter aliquid esse fabulam & commensum; aliud tamquam fabulam & commensum explodere. Nunc contempnitionem sonas, & nescio quem risum sarcasticum; illud, non item.* Ego quidem constitueram his paucis contentus esse, sed cum videam hoc verbum in tuis scriptis tam crebro recurrere, mutavi consilium, & amplius aliquid dicendum censeo.

62 *Explodere, idem est quod eludere, i-*

ridere, subannare, naso adunco suspendere, exhibare. Hæc si auctoritate probandum est (sicut revera est) quem appellabo potius, quam M. Tullium? Ad Q. Frat. scribit: *Multa dixi in ignobilem regem, quibus totus est explosus.* Et pro Quint. Errores Commodus, non modo sibilis, sed etiam convulsio à scena exploditur. Et in Parod. 3, *Histris, si paulo se movis extra numerum, exhibitur & exploditur.* Alia istiusmodi habet locis aliis. Putabam etiam adjungere Laurentium Vallam: sed ab audiendo Hæretico refugient teretes tuæ & religiosæ auriculæ. Quamobrem, prætermisso Valla, obtestor Te, ut in Ciceronis locum ultimum præsertim, oculos & mentem intendas. *Exhibetur, inquit, & exploditur.* Apud Ciceronem, R. P. semper crescit oratio. Ergo, cum *re exploditur* collocetur post *re exhibetur*, *explodere* significat aliquid amplius vehementiusque quam *exhibere*. Unde si illas, de quibus agimus, Historias exhibere sit Sedi Apostolicæ injuriosum, quanto magis erit easdem explodere? Vide R. P. quam nihil dissimulem, & propositas difficultates quantopere ipse exaggerem.

63 Sed quo jam argumento fidem facies, illas Historias exhibitas & explosas esse à P. Papebrochio? Aliqua similes

Historiæ, inquis, ab ipso dicuntur *Fabule*, *Commenta*, *Somnia*; Ergo ab ipso ut fabulæ, ut commenta, ut somnia exploduntur. Perbella enimvero consecutio! Jam nunc ostendi, aliud esse aliquid fabulam dicere, aliud explodere aliquid ut fabulam. Quid enim? An Incolæ oppidi de Bilbao, quando noluerunt PP. Carmelitæ recipere, agentes, Brevi Clementis IX contineri narrationem falsam sive fabulam, istud Breve tamquam narrationem falsam sive fabulam exploserunt? An quando Calaguritanus Episcopus, ad Congregationem Cardinalium scriptis, eandem narrationem *erroneam* esse, eam explodit, ut *erroneam*? An eam ut falsam explodit ipse Clemens X Pontifex maximus, Clementis IX successor, quando . . . ? O me obliviosum! hic mei iterum, non gemiscor-propositi. Quanto melius num. 30, ad hanc rem conficiendam, feci *innocentem* aliquem, excommunicationis nexu irretitum, scribere ad Pontificem, crimen, quod Pontifex prævio examine, putat verum, esse fabulam, esse commentum, esse somnium! Hunc locum, censeo, iterum, consulas; non quod minus ponderis, minus momenti arbitrer inesse in veris illis exemplis quam in hoc ficto; sed quod hoc fictum possis legere cum minore perturbatione animi.

64 Quid, plura? Si ille, innocens, non censetur explodere Sedem Apostolicam, cur eam explodere censendus est P. Papebrochius? Profecto Breviaria non tam prope ac immediate spectant ad Apostolicam Sedem, quam scriptum illud quo ipsum Innocentem ad Sacrorum usu arceri finimus. Dicis quidem num. 33. „Dum Sacrosan-  
„ta Sedes Apostolica suis in Bullis nar-  
„rat & approbat Historiam, aut Brevia-  
„rio inserit pro divino Officio, quod man-  
„dat ac præcipit, recitari; hoc ipso dictam,  
„Historiam adeo sibi devincit & connectit,

„ut quidquid est contra unum, etiam sit  
„contra alterum. Sed R. P. Professor,  
dum Clemens IX (mita res est, hic denovo  
pæne lapsus fuero) dum Sedes Apostoli-  
ca, inquam, suo in scripto narrat crimen,  
ob quod innocentem percussit fulmine ex-  
communicationis, an non etiam hoc ipso  
dicti criminis narrationem adeo sibi devin-  
cit & connectit, ut quidquid est contra  
unum, etiam sit contra alterum? Non  
poteris ire inficias; quia par utrimque ra-  
tio est, atque adeo & utrimque valentea  
quæ affert juris axiomata: *Connexorum idem  
est iudicium: Connexa & individua reputan-  
tur idem: & Nihil potest fieri contra unum,  
quod non fiat contra alterum.* Hæc tamen  
connexio, hæc juris axiomata, nihil im-  
pediunt, quo minus ille inopetens possit  
dicere, objectum sibi à Sede Apostolica cri-  
men esse falsum, esse fictum à suo adver-  
sario aliqve malevolo fabulam: Ergo ne-  
que impediunt quo minus Papebrochius  
alique Historico-critici possint dicere, ali-  
quas Historias, Bullis vel Breviario à Se-  
de Apostolica insertas, esse falsas, esse  
fabulas, fictas ubi Hæreticus, vel etiam à  
quibusdam Catholicis, itaque constanter  
sparsas in vulgus, ut tandem labentibus  
seculis fidem in Ecclesia invenerint.

65 Hoc ita, quod acute inter alios perspe-  
xit, Eximius R. Delarantius in supra cita-  
ta Thesi, ubi, laus p.ii Macellini, yon-  
cat fabulam, expungendam ex Breviario, &  
commentum Donatistarum, quod resutatum  
fuerit, dummodo suum redatur ad princi-  
pium. Et sub finem illius Theses, addit:  
*Suspicio* (Sinoquædam Concilium) *fabrica-*  
*tum esse à posterioribus Donatistis, sparsim per*  
*Hispaniam, collectum quæ ab Isidoro Mercato-*  
*re, qui plura ejusmodi spuria introduxit in*  
*Ecclesiam; atque, ut cetera transeam, epi-*  
*stolas varias Romanorum Pontificum. Quin*  
*& in hunc Eximium, Doctorem Paris Rev.*

# AD EXHIBITIONEM ERRORUM. 31

tuam evomisti ratiōe, sicut eam evomisti in P. Papebrochium? Ratio omnibus in promptu est, idēque nihil necesse eam à me explicari. Sed juvat redire ad axioma juris: *Connexorum idem est judicium.*

66 Scilicet, P. Professor, quānam connexa dicantur? Magni nominis Jurisconsultus Menochius lib. 2. de arbitrariis iudiciis quæstionibus cent. 2. casu 95 sic loquitur: *In iure tanta nata obscuritas videtur, ut quæ connexa dici possint, quodammodo ignoretur. Hinc est factum, ut censuerint aliqui iudicis arbitrio hoc relinquendum esse.* Nolo tamen hanc tecum movere quæstionem, ne videar nodum in scirpo quærere. Sunt etiam qui hoc axioma tantum intelligi volunt de connexis inseparabiliter, idque secundum gl. fin. in cap. præterea § de officio deleg. ubi dicitur: *In connexorum utroque idem est judicium, ubi alterum sine altero esse non contingit; & ubi eadem est ratio in utroque casu: scilicet ubi est diversa ratio.* Hos secutus est Papebrochius in Respons. ad Art. 3. n. 117. Ego autem, utpote cui certum est habere Te liberalius, nunc admittam tantisper istud axioma sine ullo limite. Præterea, quamquam Historiæ à Sede Apostolica pro Breviario approbatæ, cum Sede Apostolica connexæ non sint, sensu à Te intento, ut ostendi potest facile, tamen connexas esse non aliter atque ipsas Bullas, hic gratis concedam. Quid tum? Ergo, inquis, clarum est & perspicuum, id quod assero num. 34. *censura in ipsam Historiam, etiam afficiens ipsam auctorem, & eos qui illam faciunt suam; adeoque ipsam Sedem Apostolicam, à qua Historia approbatur.* Quid hic opus erat, R. Pater, uti tam invidioso nomine *Censura*; Multo modestius magisque apposite dixisses: Quidquid Historiæ opponitur, opponitur etiam ipsi auctori, & iis qui illam faciunt suam, adeoque ipsi Sedi Apostolicæ, Quidenim?

An humanam aliquam Historiam appellare fabulam, est illi censuram inurere? Ergo innocens excommunicatus à Sede Apostolica, dum se purgare nititur, dicitque crimen, in quod vocatur, fabulam esse, atque imposturam, Apostolico scripto inurit censuram. Imo, si teneat tua consequentia, censuram eandem inurit ipsi Sedi Apostolicæ, & Pontificem imposturæ arguit. O miserum innocentem! qui sine tam inhumani crimine non potest insidias suorum adversariorum & imposturas cuiquam detegere.

67 Quam pulchre, R. Pater, hic mihi ului possint esse incolæ oppidi de Bilbao, Tuipse judica. Eos tamen prætereo ob adstrictam fidem, & ex casu innocentis dumtaxat infero: Igitur opponere aliquid Sedi Apostolicæ in facti particularis quæstionibus, aut non est illam censurare; aut, censurare si sit, talis censura licita est. Alterutrum Tu mihi assentiri debes, nisi forte Apostolicam Sedem singas magis iniquam, magis crudelem, magis truculentam, quam ullum est vel unquam fuit Regum Barbarorum tribunal. Ut ut est, liquet, Sedi Apostolicæ posse aliquid opponi sine ulla injuria. Ubi jam es, P. R. cum tuo ita jactato juris axioma atque effato; *Connexorum idem est judicium*, quod erat unicus hujus tui Præambuli nervus? Dices fortasse: Quidquid iste innocens profert ad diluendum crimen, hoc in ejus adversarios sive criminis architectos redundat, non in Sedem Apostolicam. Eadem ratione dicam ego: Quidquid Historicocritici dicunt adversus Historiam à Sede Apostolica approbatam, hoc non in Sedem Apostolicam redundat, verum in illos qui eam historiam primi finxere. Quamquam si hoc modo respondeas, non satis video quomodo adhæreas tuo axioma, *Connexorum idem est judicium.*

68 Cæcus es, mi Pater, nisi jam perspicias, istud axioma, etiam universim & sine ullo limite acceptum, esse pugionem plumbeum. Nunc autem, ut Te omni ex parte confutem, ajo, istud tam universaliter accipiendum non esse. Quid est enim in homine tam arcte tamque inseparabiliter connexum, quam ratiocinandi potentia cum potentia ridendi? Tamen hæc propositio, *Christus est rationalis*, de fide est; hæc autem, *Christus est risibilis*, non item; sicut Tu, S. Theologiæ Professor emeritus, ignorare non potes; præcipue cum sis imbutus principiis Patris Bonæ-Spei, qui (quod ego facere non ausim) tom. 3 tract. 2 de fide, dub. 10, resol. 3 num. 109, progreditur adhuc ulterius: *De fide est*, inquit, *Christum esse hominem; non tamen de fide est, esse animal rationale*. Hæc Auctoris tui ac Magistri sententia per Te penitus profligatur. Etenim si, secundum Te, *Connexorum idem sit iudicium, si connexa & individua reputentur idem, si nihil pesti fieri contra unum quod non fiat contra alterum; quo pacto fieri potest, ut de fide sit Christum esse hominem, non tamen de fide sit Christum esse animal rationale?* Imo vero, *homo & animal rationale*, non tantum connexa sunt, ut rationalitas & risibilitas; verum etiam (quemadmodum in scholis loquimur) sese mutuo formaliter involvunt, ita ut alterum sine altero concipi non possit. Ergo, ut Magistri tui doctrinam saram testam servas, necesse est admittas, non esse universaliter verum istud præsumptum: *Connexorum idem est iudicium*.

69 Sed quid ego hisce subtilitatibus scholasticis indulgeo? Brevius ac magis dilucide res tota confici potest. Neque enim, (licet tam sæpe loquaris pugnancia) opinor, hic adeo inconstanter phillosophaturum Te, ut neget, quinque famosas illas propositiones cum Iptensium Antistite Cornelio

Jansenio esse connexas. Jam vero illæ propositiones damnatæ sunt à Sede Apostolica tamquam hæreticæ, tamen persona Cornelii Jansenii tamquam hæretica damnata non est; multo minus damnati sunt ejus Approbatores Fromondus & Calenus. Hinc iterum ineluctabiliter sequitur, ut non sit universaliter verum, *Connexorum idem est iudicium*. Hoc loco, R. Pater, oratio, quam hæcenus in angustias & Stoicorum dumeta compuleram, corperat aliquantulum exultare quasi in patenti campo, & per Paradisum Carmelitici Decoris, per Theles Biterrenses, per vetita alia hominum vestrorum scripta discurrere longe lateque. Unde denuo quilibet vidisset clare, *connexorum alterum damnari posse, altero non damnato; atque adeo non semper & ubique, idem esse connexorum iudicium, id quod tu adstruis tam præfidenter*. At vir mitissimus R. P. Papebrochius, iudicabat ista nimium invidiosa esse, ob eam quærationem à me petiti, ut inducerentur. En quanta sit illius optimi Patris erga Ordinem vestrum benevolentia, quanta benignitas, etiam post tot injurias, quibus eum affecistis. Et, ut verum fatear, exemplum quod à persona & scriptis Jansenii repeti, abunde sufficit; quare non admodum grave mihi accidit, hoc Viri desiderium adimplere.

70 Expectas, Rev. Pater, ut repellam etiam Phariseos, quos tamquam triarios subsidio posuisti. Neque faller Te tua istæ expectatio: quia jamjam istud aggrediar, ubi quod Tu ipse dicis, sub aspectum subjecero. Dicis num. 36. „Pharisei Christi Discipulos, Matth. 12. num. 2 „arguentes & dicentes; *Etsi Discipuli tui faciunt, quod non licet facere in sabbato*; arguunt quidem directe discipulos, sed interea re ipsa intendebant arguere „Christum ipsum, quia talia tolerabat &

# AD EXHIBITIONEM ERRORUM. 33

permittebat in discipulis suis. Inde conclusum vis: Ergo qui aliquid dicunt adversus eos qui Historias Sacrosanctæ Sedi Apostolicæ approbandas offerunt, ut Divino Officio inseri possint, hoc ipso, saltem indirecte, Sedem Apostolicam illas approbantem arguere intendunt. Digna iterum tali Professore argumentatio. Et enim ex eodem antecedente poterit quis hoc consequens elicere, admittendum à nemine: Ergo qui aliquid dicunt adversus eos qui criminantur innocentem & Sacrosanctæ Sedi Apostolicæ condemnandum offerunt, ut à societate consuetudineque Fidelium segregari possit, hoc ipso, saltem indirecte, Sedem Apostolicam, in illum pronuntiantem excommunicationis sententiam, arguere intendunt. Ille innocens, Rev. P. mirabilis homo est; quia innocens ut sit, tamen Te mirifice exagitat, instat, premit, urget, insectatur, persequitur usque & usque, denique elidit omnia. Vereor, ne si ita prosequatur Papebrochianam tuam innocentiam, tandem apud Te fiat potius. Facile quidem potuissim in ipsius locum substituere Nicolæ Oppidi de Bilbao, Episcopum Calaguritanum, & Clementem X, qui licet directe falsi arguerint PP. Carmelitas, non intendebant, tamen indirecte arguere Clementem IX & Brevis suorum falsas illorum Patrum narrationes inferentem. At, uti scis, non servasse iterum fidem. Ut ut est, Tibi & hic à me jam nunc satisfactum puto. Sed plusculum aliquid debeo liberalitati meæ.

71 Ageduin. P. Sebastiane, dic mihi: Sequitur ne Pharisei publice erogantes stipem, aucupabantur gratiam & rōmōrem populi, juxta illud æternæ Sapientiæ oraculum, Mith. 23. *Omnia opera sua faciunt, ut videantur ab hominibus.* Ergo alii omnes qui publice erogant stipem, populi tumorem aucupantur. Minime, inquis,

Quidni? obsecro. Certe non potest alia dari ratio, quam quia non omnis qui stipem publice elargitur, id cum Phariseis eo refert, ut inanem gloriam consequatur. Atqui neque omnis qui discipulum reprehendit, id eo refert cum Phariseis, ut reprehendat ejus magistrum: Igitur non omnis qui reprehendit discipulum, reprehendere magistrum intendit, nec directe, nec indirecte. Non directe, ut jam ostensum est; non etiam indirecte, quia ut id indirecte faceret, deberet inter discipuli & magistri reprehensionem esse necessariam quæpiam connexionem, vi cuius non posset altera ab alterâ sejungi. Talis autem connectio inter reprehensionem utriusque nihilo magis est, quam inter largitionem stipis & captationem inanis gloriæ. Ergo, quemadmodum qui largitur stipem, inanem aucupari gloriam non intendit, nisi istam largitionem eo referat; ita nec ille qui arguit discipulum, intendit arguere ejusdem magistrum, nisi eo referat reprehensionem discipuli.

72 Ut vero ostendam Scribas & Phariseos in Christi calumniam retolisse quidquid reprehendebat in Apostolis, nihil necesse est conquiram. Interpretum testimonia multorum: nam unius Paschasii testimonium iquod Te nōm. 37, putasti esse dictum, erit nobis instar omnium. Hic lib. 7 in Matthæo Tu quidem dicis, sic fatur: *Mira Phariseorum Scribarumque stultitia! Dei filium arguunt, quoniam quidquid in discipulis reprehenditur, ad calumniam Magistrum insidiosè ab eis refertur.* Ubi oportet animum advertere ad istas particulas, *ab eis*: Ex enim si istæ particule à Paschasio prætermittæ essent, Tibi, P. Professor, forte patrocineretur locus ille. At vero nunc cum istæ particule apponantur, Tibi obest quam qui maxime. Quippe per istas indicat Paschasius, reprehensionem



discipuli & calumniæ magistri non habere commune quoddam vinculum, nec necessaria quadam cognatione inter se ex natura rei contineri; sed esse, ut Scholæ loquuntur, disparatita ut, qui reprehendit discipulum, non censeatur hoc ipso magistrum reprehendere, nisi id quod in discipulo reprehenditur, ad calumniæ magistri insidiose ab eo referatur. Hunc Paschasii locum à Te prolatum dum considero, videris mihi imitari turdum, qui auctore Plinio, *sibi ipse viscum cacat*. Qui enim Te jam extricabis? Dicesne Papebrochium ea quæ scribit, insidiose referre ad contemptum Sedis Apostolicæ, tamquam ad finem sive scopum sibi propositum? Eo si progrediare, ridiculum Te facis, & Te præfers ipsi Ecclesiæ, utpote quæ de internis, sive de hominum intentione, numquam judicat.

73 Sed & ridiculum Te facis, cum n. 34 objicis Papebrochio „communcem Societatis Jesu opinionem, quæ in Imagine „primi seculi asserit, eos Pontificiam „contemnere Majestatem, qui Societatem ab ea iterato stabilitam invadit, dicens fol. 89. *Hactot Pontificum tanta auctoritatis morum consensione in idem conspirans autoritas, Societatem ita stabilivit, ut eam „jam nulla valetolorum invidia convelleret ne possit aut labefactari; sed neque invadere, nisi per Pontificia Majestatis atque „Ridiculum, inquam, Te facis, dum ista objicis. Quis enim non videat hic de questione juris agi, non alicujus facti particularis? In hac (uti dictum est jam toties) errare potest Pontifex; in illa non potest. Atque adeo qui Pontificem in approbando Stabiliendoque Societatis aliorumve Ordinum instituto errasse diceret, non contemneret solum Pontificem; verum etiam*

Deum ipsum, qui hanc falli nesciam auctoritatem Pontifici promisit.

73 At, inquires, saltem facti particularis quæstio est, an D. Xaverius nonien Societati unquam dederit. Assentior, Pater Rev. & ideo in ea decidenda quæstione Pontifex absolute errare potest. Eum autem arguere tamquam si hic reipsa erraverit, non solum est petulantia & impudentia (ut loquitur Hazartius, teste Te) sed etiam evidens contemptus. Quid enim? Si ego sine ulla ratione nolim fidem habere viro gravi & honorato, publice narranti aliquid, quod sua ætate & sua in urbe contigit, quod scire ipsius multum interesset, quodque si falsum esset, statim posset convinci falsi etiam ab ocularis testibus; an non censear, impudentissime agere, eumque virum evidenter contemnere? Jam vero talis sine dubio vir fuit Pontifex maximus Paulus III, qui in sua Constitutione sibi contemporaneo Xaverium & adhuc viventem, reposuit inter S. Ignatii Loyolæ Socios. Et hoc scire Pauli intererat, quia si hic falsum dixisset, potuisset statim ob ocularis testibus falsitatis convinci. Quemadmodum falsi convictus est Clemens IX in Brevis illo, quod iterum nominare non volo. Amo vero idem Pontifex Paulus III, discessurum in Indiam Xaverium admisit ad pedum suorum osculum, ad eamque expeditionem velut futurum Apostolum pluribus cohortatus est, & postea, misso ad Lusitaniam Regem diplomate, Legatum Apostolicum designavit. His ita constitutis, estne simile vero, deceptum esse Pontificem, dum Xaverium ex turba Ignatii esse narravit? Præterea, Rev. Pater, Te non fugit, quam multi Societatis adversarii jam inde ab initio similes Bullas Pontificum dente Theonino rodere non extimuerint. Hoc punctum si potuissent olim evertere, multum

tum auctoritatis, saltem in speciem & apud imperitum vulgus, detraxissent Bullæ reliquæ. Cur igitur hoc punctum integrum ac intactum reiquerunt antiquiores illi, nisi quod tunc ea res ita esset in aperto ac propatolo, ut in falsi suspensionem incidere non potuerit? Huc accedit, quod Pauli successores eandem narrationem in Bullis suis iterum incluserint, præsertim Julius III, qui eo tempore quo Xaverius fuit Romæ erat Cardinalis, nomine Joannes Maria Montius, adeoque potuit Xaverium Ignatio junctum suis ipsiusmet oculis intueri. Ex his licet colligere, quantum inter Xaverianam & Elianam historiam intersit. Hæc enim immenso temporum intervallo ab ætate Pontificum disjungitur, adeoque in ea decipi facile potuere. Juerit forte hic consulere Papebrochium, in Responsione ad art. 3 n. 23. Age quod lubet.

75 Sed, P. Professor, dum hic Xaverianæ Historiæ certitudinem commendo, non ita equidem existimes, me eam velle efferre usque ad eum certitudinis gradum, qui proxime accedat ad certitudinem Fidei, ita ut de ea dubitare non liceat sine aliquo infidelitatis genere, à quo abhorre debent homines pii & sapientes. Neque enim tam fatuus sum, quam Concionator ille, qui 21 Julii 1697 in Atrebatensi Diocesi ausus est de sacro pulpito inter propositiones alias effutire hanc: *L'Histoire du Bienheureux Simon Stock est dans un degré de certitude, qui approche de celle de la foy; & on ne peut en douter sans une espèce d'infidélité, ou les personnes pieuses & sages doivent craindre de tomber.* Hoc est (cogor enim hanc propositionem reddere latine, quia accipio inter Calceatos Carmelitas Belgas plures Gallice non scire) *Historia B. Simonis Stockii est in eo certitudinis gradu, qui accedit ad certitudinem fidei; neque fas est de ea ambigere, sine aliquo genere infidelitatis, quam infidelitatem*

*debent pii homines & sapientes pertimescere.*

At bene habet, jam propositio ista pœnas dedit Illustrissimo Atrebatensium Episcopo; qui eodem anno 13 Septembris, eam, cum lex aliis ejusdem futuris propositionibus, proscripsit, veluti falsam, temerariam & scandalosam. Neque immerito. Quippe quæ non sunt Historiæ divinitus revelatæ, quantacumque nituntur auctoritate, numquam ultra terminos aut cancellos moralis certitudinis progrediuntur: & si quis imprudens eas efferre nitatur altius, periculum est ne Religio Catholica Heterodoxis ludibrio sit atque despectui.

76 Verum longius quam volueram, me hæc abripuit impetus ardorque disputandi: id quod Tu potes tribuere felicitati tuæ. Hinc namque factum est, ut non notaverim tuam in citando socordiam, neque errorem, neque perfidiam. Socors es in citandis Literis sacris, quia pro, *in Sabbatis*, scribis, *in Sabbato*. Erras in citando Suarez; quia ad stabiliendum illud principium, *Connexorum idem est judicium*, affers ipsius librum de legibus cap. 11 n. 10 quasi vero ipsius tractatus de legibus libro uno circumscriberetur. Libros complexitur omnino decem, quorum undecimum quodque caput n. 10 sedulo lustravi, neque ibi quid tale reperi. Denique perfidus es in citando Sanchez: quia pro eodem principio allegas ejus de Matrimonio librum 8, disp. 2 n. 2, ubi illius principii ne per umbram quidem meminit. Quid erit tandem, Rev. Pater, humanum in scribendo commercium tollere, si hoc non est? Et talis cum sis, non erubescis tamen in hoc eodem quod modo discussi Præambulo, num, 40 & sequentibus, rabiem tuam effundere etiam in illos eruditissimos gravissimosque viros, qui S. Dionysium Areopagitam negant fuisse Galliarum Apostolum, illos vocas petulantes Gallos, suffriones, omnium pæne traditionum ho-

stes, Apostolicæ Auctoritatis contemptores, atque imitatores hæreticorum. Suavis profecto & amoena cantio! Sed dum eam occinis, extra chorum saltas. Quid enim istæ faciunt ad probandum tui Præambuli caput: *Qui sacras Historias, à Sede Apostolica prævio examine approbatas explodit, tamquam fabulas, injuriam eidem irrogat?* Sane, quod hic probandum fuerat, id videris aperte in istis viris supponere. An hoc deceat emeritum S. Theologiæ Professorē, judicent alii: ego autem ex istis viris, quos tam forde lacerat & cruentat tua oratio, enumerabo aliquos.

77 Inter illos sunt Gregorius Turonensis, Severus Sulpitius, Uluaridus, Ado Viennensis, Sirmondus, Petavius, & Hadrianus Valesius; quos etsi nominasse laudasse est, & calumniam omnem absterxisse; tamen velim observes, duos primos factis Sanctorum adscriptos esse. Quid jam ais, Pater Reverende? An duo illi Sancti, scilicet Turonensis Gregorius & Severus Sulpitius, sunt petulantes Galli, susurriones, omnium pæne traditionum hostes, Apostolicæ Auctoritatis contemptores, atque imitatores hæreticorum? O si quid simile unquam scripsisset P. Papebrochius, quantas Tu tragœdias excitares! Insimulares eum impietatis & blasphemiar, neque injuria: quid enim magis impium potest esse, quid magis blasphemum, quam homines sanctos & qui pro talibus habentur ab Ecclesia, tam nefariorum scelerum accersere? Quoniam autem ego à tam justa accusatione abstinco, quivis facile intelligat quanta sit mea in Te lenitas, & quantopere animus meus abhorreat ab illo tuo aculeato genere scribendi. Et vero cave, ne te in posterum tueare exemplo Hilduini Abbatis, qui eisdem illos viros appellat *Discipulos ejus qui ab initio mendaces & pater mendacii exiit*. Quia quemadmodum Tu tuo Ordini Elia, sic Hilduinus ille suo Monaste-

rio totique Galliæ ardebat vindicare Areopagitam Dionysium. Cunque deticerent rationes quibus adversariorum impetus retunderet, virum esse se haud satis memor, arripuit arma muliebria, id est, scommata, dicta & convitia. Hæc ipsa cum scribo, Rev. admodum ac Nobilissimus Dominus Claudius Castellanus, Canonicus S. Mariæ Parisiensis, commodum ad nos mittit Officium S. Dionysii Areopagitæ, prout jam in Ecclesia Parisina recitatur 3 Octobris, se junctum ab officio S. Dionysii Parisiensis, qui ejusdem mensis 9 coitit. Scribitis huic se feriri conformatum ire sequentes Ecclesias, Lugdunensem, Cabillonensem, Catalaunensem, Tullenensem, sicut olim fecerunt Foro-Julienfis, Massiliensis, Aptensis, Narbonensis, Petrocoriensis, Venerentis, Carnotensis, Briocensis; quarum antiqua Breviaria mense Octobri exhibent duos Dionysios, tertia quidem Areopagitam qui habet Lectiones tres, sed non à Parisiensem, qui novem Lectiones habet. Quid hic denuo dicet? An hæc sanctissimæ Ecclesiæ earumque Antistites omnes, qui jam sunt & qui ante fuerunt, sunt petulantes Galli, susurriones, omnium pæne traditionum hostes, Apostolicæ Auctoritatis contemptores, atque imitatores hæreticorum? Nefas est hoc vel suspicari. Tamen si Tibi constas, id Tu dicere debebis. Sed de his satis multa, vel plura potius quam necesse fuit. Nunc Lectori tuo judicanda sunt. Alterum est, an Papebrochius quidpiam peccaverit contra hoc tertium tuum Præambulum. Alterum, an idem Papebrochius tom. 2 Maji ad diem 11 fol. 716 num. 33 inique petierit, *Ut Patres Carmelita patiantur eadem cum libertate examinari & disputari sua Historia veritatem, qua patitur Ecclesia eruditos viros versari circa S. Dionysium Parisiensem Patronum, dum querunt an idem sit qui Arcopagita, an alius; an à S. Clemente primo seculo missus, an primum sub Decio seculo tertio.*

## PRÆAMBULVM IV.

*Antiqua Historia, & traditiones communiter receptæ, non sunt impugnanda Argumentis negativis, sive ob defectum Scriptorum coavorum.*

## EXAMEN.



Uidni, Pater Reverende ? Quia argumentum negativum, inquis, est „ itra-  
„ mineum, puerile, dignum  
„ exhibitione & virgis,  
„ iino & in fide peticu-  
„ totum „ Calvinistis portam aperiens ad  
„ explodendum qualvis sacras Traditiones  
„ non scriptas „ Ab! modestius, obsecro,  
Bone Vir : & prius circumspecte an non  
fiat ulli ex Tuo Ordine scriptores, qui isto  
argumento usi fuerint. Primus sese of-  
fert Joannes Bacho, ab Abbate Trithemio  
& Sixto Senensi tantopere dilaudatus. Hic  
Bacho, in 1. Distinct. 6. Quæst. 1. Art. 5.  
§. 1. ut confirmet, hac nomina Priorita-  
tis & Posterioritatis, quæ indicant ordinem  
originis, posse usurpari in Divinis, adfert  
hoc argumentum negativum : Quia Athana-  
nasius (quem scilicet supponit ex communi  
sui temporis opinione composuisse Sym-  
bolum quicumque vult) Athanasius in-  
quit Bacho, qui negat Prius & Posterius  
in Divinis, probat per hoc, quia Persona  
coeterna sunt & coequalitate in eodem Sym-  
bolo concedit, quod Filius est à Patre, & Spi-  
ritus sanctus ab utroque : ergo Talem  
Prioritatem concessisset in Divi-  
nis ipse, si disputatio fuisset cum  
eo de nomine Prioris. Simili argu-  
mentandi genere ibidem ante probaverat

Consubstantialitatem non auferri priorita-  
te originis : Quia, inquit, NULLA APPA-  
RENS RATIO POTEST REDDI, quare ordo  
originis est cum consubstantialitate, & non  
prius & posterius originis ; nisi quia signifi-  
cata istorum nominum Ordo originis, & Prius  
& Posterius ordine differret, secundum quod  
Prius & Posterius dicerent imperfectionem,  
ordo originis non ; sed hoc nihil est, quia si-  
gnificata istorum sunt ita eadem, vel ita pro-  
pinqua, quod ita apparens videtur una propo-  
sitis sicut alia &c.

79 Alter qui hic sese offert ex vestro  
Ordine, est Waidensis ille Thomas tom. 2.  
tit. Quod corpus Christi est Eucharistie Sa-  
cramentum secundum propriam substantiam,  
cap. 23 ubi ex eo quod Christus non dixe-  
rit, Hoc est corpus meum figuratiter, colligit  
realem ejus in Eucharistia præsentiam. Sur-  
ge, inquit, miser & rudis hereticæ, tolle  
micæ figuratum prædicationum tuarum, quæ  
tibi sunt suaves. Nos non audivimus Christum  
dicere : Hoc est corpus meum figuratiter, Sed  
quid ? Hoc est corpus meum.

80 Tertius est Scholæ vestræ Princeps  
P. Franciscus Bonæ-Spei, cujus argumenta  
negativa infinitum est adducere. Ideo tan-  
tum adducam aliqua ex Tractatu de Ange-  
lis, ubi disp. 1. dub. 5. hanc statuit Reso-  
lutionem : Angeli sunt naturaliter incorru-  
ptibiles, sed non absolute respectu Dei. Ejus  
partem alteram sic probat, Quia, inquit,

non est ratio, cur minus Angelus à Deo sine miraculo destrui possit, quam ignis ... à me sine miraculo extingui. Et pauculis intersecis, Non est cur ignis minus exigat à me ... non destrui, quam Angelus à Deo non annihilari: ergo &c. Item disputatione sequenti dubio 1. resolut. 1. sustinet contra Thomistas, probabilius esse Angelos omnes solo numero differre; & cum allegasset aliquot SS. Patrum locos, ubi Angelis natura una tribuitur, ait; hos non nisi contorte intelligi de Angelis, secundum naturam genericam spectatis. At quo id probat argumento? Non alio quam negativo, Quia inquit ubi sancti Patres non distinguunt, nec nos ... distinguere debemus. Iterum argumentum negativum adfert disp. 14 dub. 2. ad probandam hanc suam primum resolutionem: Primum Luciferi peccatum aliud esse potuit quam superbia. Probatio enim hæc est: Quia non est, cur esse non potuit infidelitas, odium Dei, inobedientia (si quid ei imperatum fuisset) curiositas, oprando inordinare nimis scire alienorum cordium secreta, detractio de aliorum fama, mendacium, &c. Sed quin maturo hinc concludere: Ergo, P. Sebastiano iudice, Carmelitani illi Triumviri, Bacho, Waldensis & Bonæ Spei attulerunt argumentum „ struicuum, puerile, dignum exilatione & „ virgis, imo & in fide periculosum, Calvinistis portam aperiens ad explodendum „ qualvis sacras Traditiones non scriptas,? Neque vero hoc de illis Carmelitanis Triumviris tantum dici potest, verum etiam (quo nihil potest esse indignius) de Scholasticis aliis, de sanctis Patribus, de Conciliis, denique de supremis Pontificibus: quia tali argumentandi ratione usi sunt non raro, uti jam ostendere aggredior.

81. Æquum est ut incipiamus à Scholasticorum Principe ac Coryphæo D. Thoma, qui 2. 2. q. 10. art. 12 sic inquit: Hoc Ecclesia

usus numquam habuit, quod Judæorum filii invititis parentibus baptizarentur; quanvis fuerint retroactis temporibus multi Catholicæ Principes potentissimi, ut Constantinus, Theodosius, quibus familiares fuerunt sanctissimi Episcopi, ut Silvester Constantino, Ambrosius Theodosio, QUI NULLO MODO PRÆTERMISSISSENT AB EIS IMPETRARE, SI HOC ESSET CONSONUM RATIONI: & ideo periculosum videtur hanc assertionem de novo inducere; ut præter consuetudinem, in Ecclesia hætenus observatam, Judæorum filii invititis parentibus baptizentur. Præverat Alexander Alenfis, in 4. parte Summæ quæst. 20, memb. 6. art. 1. edit. Colonienfis: Neque ex sacris Bibliis, neque ex SS. Patribus aut explicite aut implicite haberi potest, claves datas esse Ecclesie tempore legis natura, quod concedimus. Hic quærit Launoyus: Quare id tantus Doctor concedit, nisi quia inficiali ratione vincitur? Nec alia impulsus ratione Alphonsus à Castro negat, Armenos, tempore Philastrii & Augustini, sese ab Ecclesia segregasse, quemadmodum ipse indicat lib. 11 adversus hæreses: De Armenis, inquit, hoc certum est, tempore Philastrii Brixienfis Episcopi & B. Augustini, eos ab Ecclesia nondum esse separatos: QUONTIAM UTERQUE ISTORUM, HÆRESUM AUCTORES RECENSENS, NULLAM DE ARMENIS FECIT MENTIONEM.

82. Neganti argumento plurimum etiam tribuit Melchior Canus, lib. 11 de locis theologicis cap. 5, ubi fabulis annumerans lepram Constantini ita loquitur: Leprosus Constantinus laborasse, apud idoneos auctores nusquam legi. Et paucis intersecis de Cajetano, qui hoc ipsum negat. Habet hic scriptores omnes veteres ejus ætatis, qui tacerunt, non omisissent si scivissent, sciuri omnino rem, si fuisset. Cap. 3 ejusdem libri hæc dixerat: Probabilissime à Baptista Mantuano aliisque recentioribus asseritur, Magos

(qui



qui Christum adoraturi ex Oriente venerunt) Reges non fuisse. Non enim id siensio pratermissum Euangelistam, quod ad rem magnopere pertinebat; nec Herodem, si Reges essent, adeo imperiose & inciviliter exēpturum. Agnosceis auctorem domesticum? Non est cur ejus te pudeat; nam Mantuanus non solum montis Carmeli, verum etiam Patnassi gloria fuit ac decus.

83 Hoc nixus argumento Batonius, quot figmentorum monstra profligavit? E multis seligo unum, quod habetur ad annum 237. At non audiendi penitus recentiores, qui post Pontianum introducunt Cyriacum quemdam Romanum Pontificem, cujus nulla prorsus extas mentio in serie Romanorum Pontificum; vel apud Optatum Milevitānū, vel Augustinum, vel Cresconium, aliosque Indices Vaticanos; nec apud Gracos, ut Eusebium, Nicephorum Chronographum, vel alios: adeo ut ne digna quidem sit qua pluribus confutetur sententia, quippe qua nullā penitus nitatur ratione vel testimonio antiquorum, ex commentitiis tantum Actis illis martyrii sanctarum Ursula & Sociarum petita, qua in nostris Notationibus refutavimus. Atque hoc celo sese armavit Bellarminus quoque, ad Joannam mulierem deturbandam ē solio Pontificio: Non solum Latini, inquit, lib. 3 de Rom. Pont. cap. 24, ut Anastasius, Ado, Regino, Lamborus, Hermannus, Abbas Urspergensis, & Otto Frisingensis; sed etiam Graci, qui ante Martinum Polonum scripserunt, ut Zenarat, Cedrenus, Ioannes Curopalates, & alii nullam mentionem hujus tam prodigiosa historia inter res ejus temporis faciunt; cum tamen illi non faveant Romano Pontifici, qui quae libenter accepissent occasione irridendi Latinos: in hac parte, si potuissent. Quomodo autem credibile est, melius novisse & gestis circa annum 850 Martinum Polonum, qui vixit anno 1250: quam omnes Historici illi, qui vixerunt anno 850,

vel 900, vel 1000. Huic subjungo Cardinalem alium, tum Dialeclices tum aliarum rerum scientia celebrem; nempe Jacobum Pertonium: qui ut confutaret hunc Nicephori locum, à Rege Britanniae obiectum, Vigiliis eo insolentia progressus est, ut & Manam a communione exclusisset: idem sane & Menas adversus illum fecit. Sed enim Iustinianus, rebus hujusmodi ad iram commotus, eum comprehendere jussit: Vigilius autem sibi metuens, ad Sergii Martyris aram confugit, & sacris ibi fistulis implicitus, non prius inde extractus cessit, quam illas evertit. Ut hunc, inquam, Nicephori locum refutaret Card. Perronius, respondit hæc duo: In primis Nicephorum auctorem esse, à Iustiniani seculo remotum septingentis annis, & Ecclesiastica Chronologia parum intelligentem: deinde, hanc Nicephori narrationem fabulosam esse, quod illius, nec Procopius, nec Liberatus, nec Victor Tunnunensis, nec Marcellinus Comes, nec Evagrius, qua Graci, qua Latini Scriptores, meminerint. Hæc qui ex fonte Gallico haurire voluerit, is adeat Refutationem Responſionis Regis Britannici lib. 2. cap. 44.

83 Succedat gravis auctor Didacus Alvarez, Tranensis Archiepiscopus, in disp. 11 de incarn. concl. 2. nihil dubitans de vi negantis argumenti: quomodo enim aliter ausus fuisset loco citato ita scribere? *Quis Scriptura non exprimit creationem aliterius mundi, sed solum creationem hujus mundi, indo argumentamur efficaciter, Deum non creasse plures mundos, aut alium mundum esse creaturum.* Nefas esset hic præteriti Eximium Patrem ac Magistrum Franciscum Janssens Elinga, S. Theologiae in Lovanienſi Academia Doctorem, ejusque in sua Dominicana familia Professorem emeritum, totique Provinciae Germaniae inferioris non semel Praefectum; quem P. Pafetrochius in suæ Responſionis Art. 13 peritā pro-

secutus est laude. Afferuerat hic Doctor  
 uere eximius, in Summa totius doctrinæ de  
 Pontificis auctoritate ait. 9. §. 5. Tan-  
 tum abest, Patres (Constantienses) omnium  
 simul trium Obedientiarum Decreta Sessio-  
 num quarta & quinta . . . . tamquam le-  
 gitima admitterent; quod ea potius pro insuffi-  
 cientibus habuerint, volendo, a Pontifice eligen-  
 do, unacum Concilio vel deputatis declarari,  
 propter quæ Papa indubitatus Concilio sub-  
 jecti. Enimvero si illa pro sufficientibus  
 habuissent; jam adum agi uoluissent, pe-  
 tendo declarari, propter quæ Papa corrigi &  
 subijci Concilio posset; attento, quod in iis-  
 dem decretis jam essent expressa causa in  
 quibus Concilio obedire teneretur, & nisi  
 obedires, puniri posset; uidelicet in iis qua  
 pertinent ad fidem, extirpationem schisma-  
 tis, & reformationem universalem Ecclesia  
 Dei in capite & in membris. Proinde quia  
 ad articulum illum nulla declaratio subsecu-  
 ra est, siquæ nulla causa expressa propter  
 quam Papa corrigi posset; articulus ille  
 falsidice tendens est, & cum eo simul de-  
 creta Sessionis quarta & quinta.

84 Jurat etiam audire Doctissimum  
 Olanpinum, tot editis in lucem libris Romæ  
 conspicuum, in examine Libri Pontificalis  
 sect. 10 sic pronuntiantem. Aliud ad id  
 probandum argumentum desumitur ex  
 LECTIO Cl. Viri Antonii Possenhii, in suo  
 Apparatu sacro, Verbo DAMASUS; ubi de  
 nonnullis Epistolis falso Damaso adscriptis  
 disserit, at prædictarum nullam facit men-  
 tionem: quare ex hujusmodi silentio quis non  
 videat Possenhium, Virum in sacris erudi-  
 tionibus versatissimum, ambas has epistolas  
 genuinas existimasse? De Emmanuèle  
 Schelstrario quid dicam? Negativo argu-  
 mento utitur, cum alibi, tum in sacro  
 Antiocheno Concilio diff. 4 cap. 1 num. 2:  
 ubi retellens conjecturas, ob quas Natalis  
 Alexander cum Hermannia sustinuerat, An-

tiochenos Canones nihilo magis esse unius  
 Concilii sortum, quam Canones Cartha-  
 gineses, sic agit: *Levis sunt conjectura  
 illa, & vanum fundamentum super quod con-  
 struitur vana suspicionis ædificium. Canones  
 Carthaginenses anius esse Concilii, nemo  
 unquam edixit: Canones Antiochenos plu-  
 rium esse Conciliorum ante Dominum Her-  
 mantium nemo somniavit. Canones Cartha-  
 gineses, in Codice Africano repertos, non  
 unius esse Concilii, restantur tituli variarum  
 Synodorum, in codice illo variis locis exhibiti  
 . . . . . At quæso, ubi simile quoddam ve-  
 stigium in Canonibus Antiochenis? Quoniam  
 in codice vel per umbram insinatur, Cano-  
 nes esse variorum Antiochenorum Concilio-  
 rum? Forasan quod aliqui Canones Antioche-  
 ni reprobatii sunt ab antiquis, tamquam Ca-  
 nones Ariatorum; alii admissi ab Ecclesia,  
 tamquam Canones Catholicorum? At id com-  
 mentum est, si loquamur de 25 Canonibus.  
 Mitto Baüem, Suarem, Vasquem, Estiæm,  
 Gretserum, Sirmondum, Becanum, Ga-  
 machæum, aliosque subtilissimos & acu-  
 tissimos Viros, qui ab hoc arguementandi  
 genere non abhorruere: quia sancti Patri-  
 bus suis dandus est locus.*

85 Et veto quoniam non ignoro, Rev.  
 Pater, quanto opere Cyrillus Alexandrinus  
 placere Tibi solet. Ille agnoscere ducet.  
 Epist. 8, ad Clericos Constantinopolitanos,  
 Quod hoc supercilium? ut. Numquid, qui  
 illum (Nestorium) antecesserunt, doctrina  
 fidei operam non dederunt? Numquid elo-  
 quentiore est Ioanne? Numquid aequalis vel sa-  
 pientior est forsan beato Attico? Imo vero  
 cur ingeme non agnoscit, doctrinam se in-  
 vexisse peregrinam planeque inusitaram, ta-  
 lem denique. quæ pro sua absurditate Ma-  
 joribus nostris in nullis unquam Ecclesiis, aut  
 fidelium catibus, vel cognita fuit vel appro-  
 bata? Hoc argumentum negativum esse,  
 vel cæcus videat; quale est & illud Hierony-  
 myni

nymi lib. 1. contra Jovinianum; *Quamquam, excepto Apostolo, non sit manifeste relatum de alii Apostoli, quod uxores habuerint; & cum de uno scriptum sit, ac de ceteris tacitum, intelligere debemus, sine uxoribus eos fuisse, de quibus nihil Pale Scriptura significat.* Si unquam, Reverende Pater, delibaveris aliquid ex prisca Historiarum monumentis, ignorare non potes, fuisse olim aliquos, qui conferent B. Virginem fuisse coronatam martyrio ac violenta morte affectam. Ad hunc errorem refellendum duo sanctissimi doctissimi que viri, Ambrosius scilicet & Paulinus, non alium admovent arietem, quam abnutivum argumentum. Hic Epist. 59 ad Augustinum ait: *nec Mariam Beatissimam usquam legimus occisam, ut de corporali gladio sanctus ille Simeon ei futuram passionem prophetasse videatur.* Ille, lib. 2. in cap. 2. Lucæ: *Nec listera, nec historia docet, ex hac vita Mariam corporalis necis passione migrasse.*

86 Sed cum hic facta fuerit S. Augustini mentio, subit videre, an & hic Pater, qui ab Apollinari Sidonio Dialecticus per excellentiam nuncupatur, nunquam ad negans argumentum confugerit, quasi ad sacram anchoram. Id autem facit cum alibi, tum lib. 1. de civit. cap. 2. *Tot bella gesta scripta sunt velante conditam Romam, vel ab ejus exortu & imperio; legant & proferant sic ab alienigenis captam esse civitatem, ut hostes qui ceperant, parcerent eis quos ad Deorum suorum templa confugisse compererant: aut aliquem Ducem barbarum precepisse, ut irrupto oppido nullus feriretur qui in illo vel illo templo fuisset inventus.* An non fuit argumentator subtilis Petrus Chrysologus? Hic tamen serm. 48, Mariam Virginem non habuisse plures filios, ita probat: *Beata Maria, si alios habuisset filios; à Christo mater, in ipso crucis tempore, in articulo ipso mortis, non*

*discipulo traderetur, non commendaretur extraneo. Breve est etiam illud Athanasii, in disputatione contra Arium: Quis talia locutus est Prophetarum aut Apostolorum, qualia in dicitis?*

87 Sunt & Patres alii, qui abnutivo argumento plurimum roboris ac nervi inesse putaverunt; verum eos enumerare si voluerim, deficiet tempus adducendi aliquot Synodos summosque Pontifices, quod facturum me receperam. Ut igitur fidem liberem, habe Tibi, Reverende Pater, Concilium Milevitanum II, cap. 5. *Item placuit, ut quicumque dixerit, ideo nobis gratiam justificationis dari, ut quod facere per liberum jubemus arbitrium, facilius implere possimus per gratiam, tamquam, etsi gratia non daretur, non quidem facile, sed tamen possumus etiam suo illa implere divina mandata, anathema sit.* De fructibus enim mandatorum Dominus loquebatur, ubi non ait, *Sine me difficilius potestis facere; sed ait, Sine me nihil potestis facere.* Ubi in postremis verbis argumentum negans exprimitur. Item Concilium Francofordiense, quod sub Carolo Magno coactum est adversus Felicem & Elipandum, in Epistola Hadriani I Papæ ad Episcopos Hispaniæ; *O quam bene, fidei immobiliter persistente mero, omnium hæreticorum fluxa sunt machinamenta destructa! Numquidnam dixit Petrus, Tu es Christus, qui propter nos factus es filius hominis, & per adoptionem factus es filius Dei? Alsit. Hoc nec Petrus confessus est, nec sancta Ecclesia, supra firmam fundata petram, id est fidei fundamentum, quod Christus est, consistitur. .... Sed una voce anim Petro Christum Dei filium confiteantur, quia unus est Christus, Dei hominique filius, non per gratiam adoptionis, sed propria filii dignitate.* Hic cine iterum vides, Professor perspicax, quomodo Concilium, ex eo quod Pe-

irus non dixerit, *Tu es filius Dei adoptivus*, colligat Christum esse filium Dei naturalem? Igitur & hoc argumentum negativum est, si quod aliud.

88 Neque vero dissimili argumentandi genere Concilium Pausiale VI utitur, ubi decernit, Presbyterum non solum sine Ministro debere ad aras facere: *Irresistit in plerisque locis, partim incuriâ, partim avaritiâ, reprehensibilis usus & congruâ emendatione dignus, eo quod nonnulli Presbyterorum sine Ministris Missarum solennia frequentent; quod nec verba Domini Salvatoris, quibus mysteria corporis & sanguinis sui discipulis celebranda tradidit; nec Apostoli Pauli documenta declarant; nec etiam in ipsis Actis Apostolorum, si enucleatim legantur, ita fieri debereullo modo invenitur. An quidquam nostri in Ecclesia gravius magisque sacrosanctum, quam est Nicæna Synodus, quæ *Ὁμολογία*, sive Confubstantialitatem Verbo asseruit? Hæc tamen, apud Theodoretum lib. I Historiæ cap. 11, ubi fidei Decreta in Synodo edita referuntur, adhibet hoc argumentum abnuens: Cum (Ariani) Ex non extantibus, & Erat quando non erat, & alia quæ addunt huiusmodi, nullâ dipinitus inspiratâ Scripturâ usurpant, hæc dicere ac docere minime consentaneum videbatur. Iterum Agatho Papa, & Synodus 126 Episcoporum, in Epistola ad Constantinum IV, quæ legitur & approbatur Actione 4 sextæ Synodi: Quomodo itaque, quod nec à sanctis Patribus orthodoxis dictum est unquam, nec à profanis hæreticis præsumptum est inveniri, nunc poterit autumari, ut duarum Christi naturarum, divinarum scilicet & humanæ, quarum & proprietates salva esse noscuntur, in Christo, unam habere operationem, quisquam recte sentiens poterit demonstrare?*

89 Ne porro suspicere argumentum negans displicuisse S. Gregorio Papæ, huc

visum fuit transcribere ea, quibus in libri 6 Epistola 31 probat, Eudoxium male damnatum fuisse à Cyriaco: sic autem infit: *Fraternoster (Cyriacus) omnia in suis Synodiceis Catholice Deo auctore locutus est. Quemdam vero Eudoxium damnavit, quem neque in Synodis damnatum invenimus, neque à decessoribus meis in suis Synodiceis reprobatum. Et Canones quidem Constantinopolitani Concilii Eudoxianos damnant, sed qui fuerit eorum auctor Eudoxius, minime dicunt: Romana autem Ecclesia eosdem Canones, vel gesta Synodi illius, hæcenus non habet, nec acceperit. In hoc autem Synodum acceperit, quod est per eam contra Macedonium definitum: reliquas vero hærese, quæ illic memorata sunt, ab aliis Patribus damnatas reprobavit: de Eudoxianis vero nihil hæcenus agnovit. In Historia Sozomeni, de quodam Eudoxio, qui Constantinopolitana Ecclesia Episcopatum arripuisse dicitur, aliqua narratur, sed ipsam quoque Historiam Sedes Apostolica suscipere recusat, quoniam multa mentitur. Et post pauca: In Latina vero lingua de hoc Eudoxio, neque in Philastrio, neque in beato Augustino, qui multa de hæresibus conscripserunt; neque in aliis Patribus, aliquid invenimus. Caritas igitur vestra, si quis apud Græcos probatorum Patrum de eo sermonem fecit, suis mihi epistolis innotescat. Audi quoque Honorium III, in lib. 3 Decret. tit. 37 de Capellis Monachorum cap. 3 ad Venetensem Episcopum: Ex parte tua fuit propositum, & infra: Abbas & Convensus Rivenensis, Venotensis diocesis, occasione litterarum Apostolicæ Sedis asserunt, sibi esse concessum, ut in singulis ipsorum Prioratibus singuli Monachi commorentur, si plaribus facultates non suppetunt eorumdem. Cum autem id obviet Lateranensi Concilio, de quo nulla mentio est in litteris antedictis, Fraternitati tuæ breviter respondemus, quod huiusmodi litteras ab*

*Apostolica Sede non credimus emanasse. Accipe præterea verba Adriani II, in epistola quæ lecta & approbata est in 8 Synodo Actione 7, ubi Pontificem esse supra Concilium sic probat: Romanum Pontificem de omnium Ecclesiarum Praesulibus iudicasse legimus: de eo autem quemquam iudicasse non legimus. Licet enim Honorio ab Orientalibus anathema sit dictum, sciendum tamen est, quia fuerat super haeresi accusatus, propter quam solum licitum est minoribus, majorum suorum moribus resistere.*

92 Plures quid necesse est commemorare, cum avidus sciendi Lector illos legere ordine longo possit apud Launoyum? Tamen, si ego, Pater Professor, his coloribus anserem possim adungere, id est, his auctoribus sacris profanum: audi etiam Lucretium, qui mundum non fuisse æternum, probat hoc argumento negativo.

— *Si nulla fuit genitalis origo*

*Terrarum & calis, semperque æterna fuerit;  
Cur supra bellum Thebanum & funera Troia*

*Non alias aliis quoque rescicere Poeta?*

Junne vides, non loli P. Papebrochio familiare esse istud genus argumentandi? O si nactus esses adversarium aliquanto acriorem Tuique similem, quæ tam hic Tibi iterum conflaret invidiam! Nam succensus indignatione, quantam possit animo capere maximam, diceret: O ...! (exprimere nomina quibus Te compellaret, exhereseit calamus) Tune de Schola Theologos? Tune Eminentissimos Cardinales? Tune sanctos Patres? Tune sacrosancta Concilia? Tune supremos Pontifices, ita contemnas, ut ab iis adhiberi censeas, argumenta straminea, puerilia, digna exhibitione & virgis, imo & in fide periculosa, Calvinistis portam aperientia ad explodendum qualvis sacras Traditiones, non scriptas, & Ne quis igitur possit talia in Te jure merito jacere, muta senten-

tiam, & dic, abnævum argumentum, in historicis præsertim, habere multum ponderis, multum momenti.

93 Sed in tuam gratiam, Pater Reverende, decretum est vim hujus argumenti declarare pluribus. Christophorus Gillius, in Conimbricensi Academia S. Theologiæ Professor, de negante argumento sic disputat, lib. 1 tract. 7 de locis Theologicis, cap. 14, num. 5. Verumenimvero argumentum negativum, si solum applicetur ad dogmata fidei, fortissimum argumentum est: nam si desit ratio formalis objecti habitus, non potest objectum materiale spectare ad habitum. Ratio formalis fidei est divina revelatio, quam habemus in sacris litteris ac traditionibus: hoc collegimus ex sensu ac decretis Ecclesiæ & communi sententia Patrum; ac proinde, si quis ostenderet, rem de qua est controversia, ex nulla hujusmodi auctoritate sumi, hoc ipso convincit non esse dogma fidei. Quam in sententiam descendere debent tum Theologi omnes, tum Tu maxime, qui es discipulus Bonæ-Spei: Tuus enim ille auctor ac magister, tract. de fide disp. 1 dub. 1 resolut. 1 recte pugnat contra Suarezem & Oviedum, nec te revelabilia neutiquam esse de objecto materiali (proximo) fidei divinæ. Tenet igitur hæc consequentia: Divinitus revelatum non est, ergo nec fide divina credendum est. Unde planum fit, non esse universaliter admittendum illud Aristotelicum, quod Tu inculcas tam importune tan que insolenter, ex puris negativis nihil sequitur. Quamquam & alio ex capite colligi queat principii istius debilitas. Quam multos enim, etiam in severiorum Dialecticorum Lycæo, reperias, qui recte tenent accuratè defendunt legitimam esse minimeque rejiciendam consecutionem, quæ à Negatione negante ad id finitatem ducitur. Neque ullus, quod sciam, hoc Ari-



Itateſco principio illos impugnatur.

92 At nolo ego Te, graviffimum Theologum & jam Profeſſorem emeritum, hiſce Dialecticæ ſpinis triticique involvere; nam forte id ubi veteres dedecori. Quapropter velis remiſque (quod ajunt) redeo ad conſequentiam, quam in materia Theologica poſui paulo ante, & quam tu negare haud potes: *Divinius revelatum non eſt, ergo neque divina fide credi debet nec poteſt.* Hæc conſequentia autem in Theologicis cum teneat, quid cauſæ dices eſſe, cur non teneat illa in Hiſtoricis? *Scriptum non eſt vel dictum ab auctore ſynchrone, ergo non eſt prudenter credibile?* Ubi obſerva, non dici à me. *Ergo verum non eſt*, id enim non ſequitur; quemadmodum ex eo quod quidpiam à Deo revelatum non ſit, non ſequitur, *Ergo verum non eſt*, ſed tantum; *Ergo divina non eſt credendum fide*, ſive ut ſupra loquitur Giſlius, *dogma fidei non eſt.* Igitur ſi, illo auctore iudice, argumentum negativum, applicatum ad dognata fidei, plurimum nervi habeat, id ipſum habere neceſſe eſt, quando ad humanas hiſtorias, eo quo jam dixi modo, applicatur. Niſi moleſte ſeras, Pater Profeſſor; ego hic in pauca conferam totam argumētandi rationem, quam inire conſueverunt Hiſtorico-Critici. Eſt autem hæc: Nullum factum, quod ex natura ſua tale eſt, ut hominum notitiam diu fugere non poſſit, eſt prudenter credibile, quando id tacuerunt omnes ejus ætatis ſcriptores, non tacituri ſi ſciſſent, ſciuri omnino ſi revera contigiffet. Atqui tale factum eſt hoc, E.C. Patres Carmelitas à ſanctiſſimo Vate Elia originem ducere; & id tacuerunt omnes ejus ætatis ſcriptores, non tacituri ſi ſciſſent, ſciuri omnino ſi revera contigiffet. Ergo hoc factum prudenter credibile non eſt. Atqui quod non eſt pruden-

ter credibile; id veriſimiliter falſum eſt. Ergo hoc factum, E.C. Carmelitanoſ Patres ducere ab Elia originem, veriſimiliter falſum eſt. Hinc aliquid, Pater Reverende, quo hunc ratiocinandi modum labefacias? Nihil invenies, ſat ſcio, etiam ſi libitum fuerit Chryſippzæ artem omnem expromere.

93 Verumtamen, ut Tibi gratificer, propoſitionem illam, ſive, ut cum Dialecticis loquar Majorē, qua cetera omnia, veluti baſis ac fundamento, nituntur, ſuſcipio aliquā illuſtrandam ſimilitudine. Quem in finem, ſinge animo, eſſe Pariſiis homines tres Tibi amiſſiſſimos, qui octavo quoquo die diligentiſſime fideliffimeque ad Te perſcribunt quidquid ibi accidit memorabile ſcituque dignum. Singe præterea Antuerpiæ & alibi percrebreſcere famam quæ nuntiat, certum aliquem à prima nobilitate virum, rebus domi bellique geſtis inſignem, ſeſe permiſſu Regis palam in urbe Pariſina abdicaffe omnibus dignitatibus, & Carmelitanæ Familiæ adiunxiſſe, ſuſcepto ſanctiſſimi Scapularis habitu, coram ingenti populi multitudine. Poſtremum, ſinge neminem ex illis tribus, qui tam crebro ad Te ſcribunt, facere ullam mentionem facti adeo memorabilis in iis literis, in quibus res alias, eodem factas & tempore & loco, commemorant accuratiſſime. Hiſce ita conſtitutis, libet ex Te ſciſcitari, an hoc à nobiliſſimo illo viro Pariſiis factum eſſe crederes? Non pateretur id tua gravitas, ſed diceres, & Tecum dicerent prudentes omnes: Apage illud ſomnium, fabulam & commentum. Hoc ſi verum eſſet, ſcripiſſet ad me aliquis ex triumviris meis; eſt enim memorabilis quā ut ab iis aut ſileatur aut ignoretur. Ut ut eſt, hoc univerſale eorum ſilentium mihi hanc rem ſuſpectam facit minimeque credibilem. Eapropter vulget fama quodcumque voluerit, ego non credam. Sed, Pater Profeſſor,

feſſor, an eſt ap̄is ap̄i ſimilior, quam hic caſus ſimilis eſt noſtro illi, qui nunc in diſceptatione verſatur? Igitur ſac eandem de utroque pronunties ſententiam, & dic cum Cat dinalē Baronio: *Quod à recentiori auctore de rebus antiquis ſine alienis veteris auctoritate proferitur, contemnitur.* Certe niſi ſis Tireſia cæcior, vides jam ipſe, magnam vim in eſſe argumento negativi. Tanto autem maior ineſt, quanto notitia facti, de cujus credibilitate diſcepiatur, ad plures perſtingere & à pluribus conſignati ſcripto debuiffet, propter inſignem ſui claritatem atque præſtantiam.

94 Hic mihi oppones id quod habes num. 58. „ Ergo neceſſe eſt admitas, recte „ argumētatos fuiſſe Anabaptiſtas, cum „ negarunt verum eſſe, quod narratur in „ Joannis Euangelio de Piſcina probatica, „ quia de tanto miraculo ne gry quidem „ eſt apud Joſephum. Quid enim (ajebant) „ magnificētius & ad gloriam Metropolis „ gentis ſuæ illuſtrius proferri à Joſepho „ poterit, quam illud tam multiplex in una „ Piſcina miraculum? Et quomodo hoc ta- „ cuiffet tam ſtudioſus ſuæ gentis decorem „ Scriptor? Quomodo id nemo alius attigit? „ Joſephum, Rev. Pater Profeſſor, eſſe auctorem ſuppoſititium & recentioris ævi quam ut tempore exiſſiſſi Hieroſolymitani ſub Veſpaſiano & Tito vixerit, innuit Joannes Harduſinus noſter, in eruditiffimo ſuo Tra- ctatu de Nummiſ. Hierodiadum. Hoc ne ſuboleret Leſtori, non poterat Auctor ullo pacto prodere, ſe legiſſe ſacras novi Teſtamenti litteras ac proinde à re ipſius erat conſulto prætereſſe illud frequens in Piſcina probatica prodigium, utpote quod novi Teſtamenti litteris contineretur: ſicut etiam obeandem cauſam prætereſſe cædem infantium ab Herode factam. En tibi, Pater obſervande, quomodo tam ſtudioſus rerum Judaicarum ſcriptor, hoc tantum prodigium tacere potuit, vel potius de-

buerit. Sed quorſum ego iſta tam alte re- peto, quaſi in promptu non ſit, reſponſio alia? Sic ſane Joſephus Judaicarum Antiquitatum proprius ac genuinus auctor: non tamen conſequens eſt ut recte argumētati fuerint Anabaptiſtæ. Etenim cum illius Piſcinæ meminerit S. Joannes, ſcriptor pariter cœvus, non eſt ſilentium uni- verſale, quod, ut argumentum negativum valeat, omnino requiritur. Sic male quis colligeret, Lazarum non fuiſſe à Chriſto revocatum ad vitam, quod Matthæus, Marcus & Lucas de ea re nihil ſcripſerint.

95 Sufficit itaque, miraculum utrumque ab uno Joanne narratum eſſe. Imo vero etiamſi Joſephus aliique omnes Judaicarum antiquitatum ſcriptores non Canonici, diſſerte negarent huiusmodi Piſcinam Hieroſolymis unquam exiſtiſſe; tamen, his omnibus valere juffis, adhærendum eſſet uni ſcriptori Canonico, id contra reliquos omnes non Canonicos aſſeveranti. Quippe (ut eſt apud Auguſtinum epiſt. 19 ad Hieronymum). *De Prophetarum vel Apoſtolorum ſcriptis, quod omni errore careant, dubitare nefarium eſt.* Unde ibidem paulo antedixerat idem ſanctus Pater. *Ego ſolis eis libris, qui jam Canonici appellantur, didici hunc timorem honorēque deſerre, ut nullum eorum auctorem ſcribendo aliquid erraſſe firmiſſime credam.* Quæ omnia perſuadent, peſſime argumētatos fuiſſe Anabaptiſtas illos; argumētaturus autem optime, ſi neque in litteris ſacris extaret ulla Piſcinæ probaticæ memoria, quia tunc foret uni- verſale ſilentium. I nunc, Pater Revertende, & luſtra Anabaptiſtarum volumina, ut argumentum negativum Tibi inimiciſſimum in invidiam voces. Id porro quod addis, idem argumentum Calviniſtis portam aperire ad explodendū quaſvis ſacras Traditiones non ſcriptas, reſutatum jam eſt exemplo do- ctiſſimorum ſanctiſſimorumq; hominum, qui

tibi in eo summum adversus Hæreticos præsidium constitutum esse semper putaverunt.

96 Attamen, quoniam mihi certum est liberalitatis famam non abjicere, mearum partium esse intelligo, ut id alio quoque pulsem atque evitam ariete. Tu, Reverende Pater, qui Tuis explicuisti sacræ Theologiæ placita, non potes ignorare duplex esse sacrarum Traditionum genus. Unum earum quæ à Christo & Apostolis ad nos usque pervenerunt, ideoque Divinæ & Apostolicæ nuncupantur, imò, æque ac Scripturæ, sunt ipsum verbum Dei, atque adeo habent auctoritatem ejus falli nesciam; alterum earum quæ provenerunt ab hominibus, nullo divino spiritu afflatis, errori obnoxii, & sæpe etiam mentitis, ob varias multiplicisque causas. Non his posteriores, sed Priores illas Traditiones, adversus Calvinianos aliosque hæreticos, tuentur Catholici, secundum istud Pauli 2. Thes. 2. *State, & tenete Traditiones, quas didicistis, sive per sermonem, sive per epistolam nostram.* Quem Pauli locum commentans S. Chrysostomus ait: *Est Traditio, nihil quæras amplius.* Hæc cum ita sint, quis est qui non cernat argumentum negativum nequidquam opusculari hæreticis, ad Christi Apostolorumque traditiones infringendas? Quippe ubi Ecclesiæ aliquid sive scriptum, sive non scriptum, divina fide credendum esse lancivit; ibi nihil valet neque humana ratio, neque auctoritas, neque universalis hominum cœvorum in scriptis taciturnitas; quia utrobique locutus est Deus, cui fidem derogare extremæ impietatis atque amentię est. Summa, Traditiones quæ primo loco commemoratæ sunt, quamquam destituantur scriptore synchono, tamen nituntur Dei loquentis auctoritate, quæ (ut loquuntur Scholæ) nobis applicatur per definitionem

Ecclesiæ. At vero Traditiones aliæ; quæ carent testimonio Dei, si etiam careant testimonio scriptoris synchoni, prouderent credibiles esse non possunt; præsertim si concurrunt plura alia adjuncta, quæ eas suadent ablegandas esse ad somnia delirantium & aniles fabulas;

97 Sed argumentum negativum, inquis, misericie placet Gebennentibus. Quid tum? An iisdem non placet etiam argumentum positivum? Ergo & illud oportebit funditus excindere, si quid nervi cogiretur habere tua oratio. Insuper quid est, Pater Professor, quo hæretici ad defendendam pestifera sua dogmata utuntur crebrius, quam D. Augustini Opera & Codices sacri? Anne propterea dicas Divum Augustinum & Codices sacros Calvinistis aliisque Hæreticis portam patefacere ad explodendam religionem Catholicam? esse periculosos in fide? esse dignos exilatione & virgis? O bone! Quis fieri potuit, ut Tibi hæc scribenti in mentem non venerit, rei optimæ usum posse esse pessimum? juxta illud quod ex Sulmonensi vate canunt etiam pueri: *Nil predest. quod non ledere possit idem.* Sed habuisti satis, opinor, imperitis fucum facere. Ausus es etiam objicere Bellarminum, quasi inficiali argumento suum adversarium: sic enim habes num. 72. *Bellarminus, lib. 2. de Rom. Pont. cap. 8, ait, nihil concludi ex argumentis ab auctoritate negativa.* Verumtamen vero, qui jam norunt & locum Bellarmini supra num. 83 exhibituin; & frequentem tuam incitando perfidiam, hic non imprudenter in animum inducent suum, hoc abs Te pro libidine confictum esse, aut saltem apud Bellarminum non existere; atque adeo hic possem supersedere plurius & parcere labori. Nec tamen supersedebo, contra ac Tu simili occasione faceres. Quia cum velim more meo agere quam

candissime, mihi cauto debet esse, ne hic in suspitionem Lectori venias tuo merito graviolem.

98 Itaque (atten lat, obsecro, æquus Lector) dicit quidem loco citato Bellarminus, nihil concludi ex argumentis ab auctoritate negativa, sed non loquitur de argumentis ab auctoritate negativa universali. Id quod colligere est, non solum ex eo quod in his ipsis de Romano Pontifice libris, argumentum negativum sapissime adhibeat (quamquam ex id eo colligere est clare) sed ex verbis quæ ibi continuo subnectit: Non enim, inquit, sequitur: Lucas, Paulus & Seneca non dicunt, Petrum fuisse Romæ; igitur non fuit Petrus Roma. Non enim isti tres omnia dicere debuerunt: & plus creditur tribus (idcirco) testibus affirmantibus, quam mille nihil dicentibus, modo isti non negent, quod alii affirmant. Alioquin, quia Mattheus non scribit in Evangelio, Christum circumcisum; Marcus non meminit presentationis; Lucas non meminit stella nova; Iohannes non dicit Christum natum de Maria Virgine, ista omnia erunt falsa: quod absurdissimum est. His egregie sciteque consideratis, perspicuum est Bellarminum hic non loqui de auctoritate negativa universali, sed de particulari tantum; eumque confutare Veleni, Calvini, atque Illyrici ineptias, eo modo quo ego supra num. 96 ineptias Anabaptistarum confutandas esse tradidi. Atque eodem labefactata motu necesse est concidere ea, quæ ibidem confirmationis gratia protulisti ex Carthægena, dicente in term. B. M. Virg. de Monte Carm. (ut Tu quidem inquis) Nec valet; In Evangelio anima Christi descensus ad inferos non habetur; ergo anima Christi non descendit ad inferos. Quia tamen Christi ad inferos descendens historia in Evangelio non habeatur (id quod tibi non dabunt multi Theologi, propter caput. Matthæi

12) tamen habetur Psalmo 15, habetur Actuum 2, habetur ad Eph. 4, habetur 1 Petri 3, habetur in Apostolorum Symbolo; atque adeo silentium illud iterum tantummodo particulare est, non universale, quod ad vim argumenti negativi exigijam toties, & forte ad nauseam usque inculcavimus. Unde recte dixit D. Augustinus in epistola undeciesima ad Euodiam: Dominum carne mortificatum venisse in infernum, satis constat. Neque contradicere potest vel prophetia quæ dicit, Quoniam non derelinques animam meam in inferno (quod ne aliter quisquam capere auderet, in Actibus Apostolorum idem Petrus exponit) vel ejusdem Petri illis verbis, quibus eum asseris solvisse inferni dolores, in quibus impossibile erat eum teneri. Quis ergo nisi infidelis negaverit fuisse apud inferos Christum?

99 At S. Hieronymus, inquis, hoc argumentum vocat STRAMINEUM. Utinam, Pater Reverende locum expressisses, ubi hoc dicit Hieronymus! Locum exprimerem cum prætermiseris, videor mihi in Te posse intorquere, id quod extat in epistola Synodica Concilii Francofordiensis, ab Episcopis Galliæ & Germaniæ ad Præsules Hispaniæ missa: In libello vestro, sanctarum Patrum per loca testimonia invenimus posita, sed . . . . tacuistis nomina librorum, & numerum capitulorum, ut difficiulis error vestrer invasigaretur. Sed cum hic omnia à Raynaudo emendices, & nihil de tuo asseras, debuisti verissimiliter citare Hieronymi librum 1-in cap. 2 ad Galatas, quia hic locus à Raynaudo, in Opusculo alio quam unde hæc descripsisti, nimirum in Antemurali; citatur ad marginem. Eia ago, videamus quid ibi agitet Hieronymus. Sunt, inquit, qui Cepham, cui hic in faciem Paulus restitisse se scribit, non putent Apostolum Petrum, sed alium de septuaginta Discipulis, isto vocabulo nuncupatum.

tum . . . maxime cum Lucas scriptor historia, nullam hujus dissensionis factas mentionem, nec dicat unquam Petrum Antiochia fuisse cum Paulo. Profecto hoc est argumentum negans, nec tamen ab Hieronymo vocatur *stramineum*, ut Tu cum Raynaudo affirmas: sed quia à silentio particulari tantum ducitur, propterea S. Hieronymus illud merito rejicit, dicens: mirum non esse, si Lucas hanc rem tacuerit, cum & alia multa qua Paulus sustinuisse se replicat, historiographi licentia pratermisit; & non statim esse contrarium, si quod alias ob causam dignum paravit relatu, aliis inter cetera dereliquit. Denique inquit, primum Episcopum Antiochensæ Ecclesiæ Petrum fuisse accepimus, & Romanæ inde translatum, quod Lucas penitus omisit.

100. Certe si Hieronymus omne argumentum negativum ludicrum ac stramineum putasset, quid hic opus erat tantis multis? Imo vero tantum abest, ut S. Hieronymus hoc loco docuerit, non posse validum argumentum dari ex universali silentio, ut qui hic adstruebant alterum Cepham, eos tali argumento confutandos esse censuerit: ante enim dixerat: Quibus respondendum, alterius nescio cujus Cepha nescire nos nomen, nisi ejus qui in Evangelio & in aliis Pauli epistolis, & in hac quoque ipsa modo Cephas, modo Petrus scribitur. Vides quomodo sanctus ille Pater, ex eo quod non innotuerit ex sacris paginis aliis Cephas præter Petrum Apostolum, colligat, alium non fuisse? Hic in memoriam revoca illud aliud argumentum negativum, quod ex eodem sancto Doctore num. 85 adduximus; & fatere, cum nullus omnino scriptor æqualis vel suppar, nullum traditionis monumentum æquale vel suppar, alieni facti, quod memoria dignum fuit, præstat testimonium; tunc

ex eo generali silentio, quod centum plus minus annorum testinari potest, efficax depromi argumentum, atque adeo debile & infirmum esse hoc tui totum Præambulum.

101. Sed nondum hic manum de tabula reservavi enim argumentum negativum longe pulcherrimum, quod in Synopsi collectionis maximæ pag. 50 & 51 habet Josephus Saenz de Aguiere, Benedictinæ Congregationis Hispaniarum Magister Generalis, Regii ac supremi Fidei Senatus Consultor, in Salwanticensi Academia Doctor Theologus, ac post plures alias cathedras Primarius sacrorum Bibliorum Interpres, nunc S. R. E. Presbyter Cardinalis, Tituli S. Balbinæ antea, imodo S. Marie super Minervam, Protector regni Siciliae, vir editis in lucem libris toto orbe celebratissimus. Est autem hoc: „ Ex iisdem „ instrumentis (scilicet ante ab eo prolatis) „ constat apertissime, plura monasteria Or- „ dinis S. Benedicti intra Cataloniæ & „ Rustionem fuisse ac floruisse, saltem „ toto decursu illius seculi octavi: ut pro- „ inde vel ex hoc capite, quamvis plura „ alia deessent à me variis locis indicata „ obiter, mutis esse liceat nonnullis, fere ho- „ spitibus in historia ecclesiastica veteri; „ qui nuper somniarunt, & libris editis di- „ cere ausi sunt, nullum monasterium sub „ Regula S. Benedicti fuisse in Hispania usque ad annum Christi millesimum quinquagesimum, quo celebrata „ fuit Synodus Coyacensis sub Ferdinando Magno Castellæ Rege. Verum „ hoc paradoxon, & alia ejusdem farinae, „ lepide simul & disertissime refutavit Sal- „ manticæ eruditissimus scriptor, ac linguarum varietate celebris, Magister Josephus Perez, in suis Dissertationibus „ Ecclesiasticis, ubique sparsis cum eximia „ ipsius laude, Nobis solum licuerit rem „ hanc



„hanc veluti digito indicasse, præter  
 „nonnulla alia, quæ obiter monuimus  
 „Tom.2 pag.403 & 764, circa S. Iude-  
 „phonsum & alios Præfules Toletanos,  
 „intra sextum & septimum seculum, qui  
 „in monasteriis, clarissimæ urbi Toletanæ  
 „vicinis, Regulæ, S. Benedicti professi  
 „sunt, præter quam nulla alia iis tempo-  
 „ribus, imò nec longe postea, usque ad  
 „seculum duodecimum, recepta aut ser-  
 „vata legitur in Hispania: nisi aliquis, ab-  
 „ductus præjudicio aut nimio affectu  
 „rerum suarum, oppositum somnare ve-  
 „lit, sine fundamento ullo antiquæ tradi-  
 „tionis, vel instrumenti veteris, & fide  
 „digni. Nam quæ ex pseudo-chronicis  
 „supra memoratis nomine Dextri, Maxi-  
 „mi, Luitprandi, Juliani Perez, Hauberti,  
 „&c. proferuntur, fabulosa & ætrea sunt:

„ut cum plurimis & gravissimis scriptori-  
 „bus sæpe dixi, præsertim Tom. 2 Dis-  
 „sertatione tertia, omnino videnda.  
 „Reverende Pater Professor, an hujus Emi-  
 „nentissimi doctissimique Cardinalis argu-  
 „mentum centes stramineum, puerile, dignum  
 „exhibitione & virgis, imò & in fide peri-  
 „culosum? Neque vero hoc argumentum so-  
 „lùm negativum est, sed etiam ostendit  
 „vestrum Ordinẽ non esse, saltẽ in Hispaniis,  
 „tato antiquum, quam vos fingitis, & inaniter  
 „gloriamini. Facile mihi foret adducere Emi-  
 „nentissimos Cardinales alios, puta Ursi-  
 „nos, Norisios, Sfondratos, Lauræas & Capi-  
 „succos, hujuscemodi argumentandi ratione  
 „ufos in suis eruditissimis lucubrationibus.  
 „Sed moleste ferret Lector, si ego tot Ec-  
 „clesiæ Principes uni Carmelitano Mona-  
 „cho opponerem. Quare propere ad alia.

## PRÆAMBULUM V.

*Regula aliquot observanda in colligendis & de-  
 scribendis Sanctorum Actis & gestis.*

### EXAMEN.



„Hic magnum opus, P. Seba-  
 „stiane, atque arduum mo-  
 „liris. Etenim, quasi So-  
 „lon aliquis vel Lycurgus  
 „paras Historicorum Rei-  
 „publicæ leges dicere. Huc  
 „igitur advoctate Historici omnes; favete  
 „linguis; novum vestrum Legislatorem at-  
 „tendite, ejusque leges pronò excipite ver-  
 „tice; & nunc quidem animo, sed postea  
 „cedro insculpite.

„Primo, inquit, majestate quanta potest  
 „esse maximà, in describendis Sanctorum Vi-  
 „tis & Actis, præ oculis, tanquam Magi-  
 „stra veritatis, semper habenda est Sacro-

„sancta Sedes Apostolica, à cujus scitis, jus-  
 „sis, ac ritu nullatenus est recedendum.

„Secundo, antiquæ Historiæ absque testi-  
 „monio eorum scripta, à majoribus per-  
 „manus tradita, sunt admittenda & recipien-  
 „da, non minus ac si fuissent ab initio, quo  
 „contigerunt, scripto communia; adeoque si  
 „communiter sint recepta, ad faciendam illis  
 „fidem, impertinenter requiritur scriptor syn-  
 „chronus aut corvus.

„Tertio, historiæ quibus à majoribus fides  
 „constanter fuit adhibita, nullatenus sunt re-  
 „pudianda, & multo minus tanquam fabula  
 „contemptim explodenda.

„Quarto historiæ communiter recepta non  
 „sunt

sunt impugnanda argumentis negativis. Quinto, Historici cujusvis Ordinis, in rebus ad Ordinem suum spectantibus, maxime & præ ceteris sunt audiendi: quia nemo magis compertus habere potest res sua Religionis, præsertim ad factum spectantes, quàm ipsi.

Sexto, in rebus historicis, ad fidem aut Ecclesiam Catholicam spectantibus, fides adhibenda est potius scriptoribus probe Catholicis, quam Ethnicis, Judæis, aut Hæreticis; utpote hac in re suspectis, & merito; cum similes ordinarie ex invidia, de fide Catholica & rebus ad illam spectantibus, pessime loqui & scribere soleant, nec non ejus mirabilia, miracula, & decora callide occultare vel maligne corrumpere.

102 Sed frustra ac veluti surdis ista ocellis, Pater Reverende. Nemo historicus politior & sincerus Te audit, & merito quidem. Nam ut à quatuor primis Legibus incipiam, quid illæ sunt nisi epitome & quasi anacephalæosis eorum omnium, quæ in antecessentibus Præambulis insulse accumulasti? Porro cum ista Præambula diruta jam ac prostrata jaceant, necesse est etiam regulas sive leges Præambulis istis innixas labi, ruere, atque concidere. Quam ob rem immorari in earum confutatione diutius, esset oleum & operam perdere. Neque vero Regula quinta universim admitti potest: quia, licet Historici cujusvis Ordinis melius possint scire Ordinis sui res, quæ suæ ætati proximæ sunt; tamen res quæ à sua ætate multis seculis disjunguntur, melius scire non possunt, nisi forte habeant in suo archivo aliqua antiqua & certa monumenta, quæ non habent alii. Talia monumenta si habeat Ordo Carmeliticus, quid cessat ea proferre? Possent profecto multum prodesse Republicæ litterariæ, non tantum in causa Eliana, verum etiam in Pythagorica; nam ignorant hodie dum Eruditi, quo seculo vixerit

Pythagoras; quale fuerit illud quinquenne silentium, quod à suis auditoribus servari volebat; qualein *περὶ τῶν ἑσπερίων* adstruxerit, phyticamne, ut vulgus explicat, an moralem tantum, ut apud Fournier in universæ Philosophiæ Synopsi putant Gregorius Nyssenus, Augustinus, & quidam ex illustrioribus Platonici; cui ob inventas Propositiones 32 & 47 libr. 1. Euclidis, hecatomben immolaverit, Musisne an Deo vero; an etiam apud Carmelitas, sicut postea fecit, semper carnibus & fabis abstinerit; quam mortem obierit idem Pythagoras, naturalemne an violentam; quare religiosissimi Carmelitæ non impediverint ejus apud Metapontinos *ἀποθέσθαι*; quare siverint ædes ejus pro templo ei consecrari, divinisque mortuum coli honoribus. Istæ, inquam, omnia & multa alia hujusmodi ignorant de Pythagora Eruditi, quæ vestris ex monumentis discere gaudebunt. Sed talia monumenta in suo archivo non habent PP. Carmelitæ; alioqui ea protulisset P. Daniel à Virgine Maria in Carmelitano Speculo, ea protulisset P. Sebastiane.

103 Quamquam quid attinet hanc quintam Regulam pluribus impugnare? quia perspicax Lector satis videt, hanc Regulam abs Te ipso penitus debilitari atque infringi. Cum enim dicas Regula sequenti, in rebus historicis, ad fidem aut Ecclesiam Catholicam spectantibus, credendum esse potius scriptoribus Catholicis, quam Ethnicis, Judæis, aut Hæreticis, utpote in hac re suspectis; debes etiam constanter dicere, in rebus historicis, ad Carmelitanum Ordinem spectantibus, credendum esse potius scriptoribus aliis quam Carmelitis, utpote in hac re suspectis. Quia si, ut Tu dicis, Ethnicis, Judæis, & Hæreticis ordinarie ex invidia, de Fide Catholica & rebus ad illam spectantibus, pessime loqui & scribere soleant, nec non ejus

mirabilia, miracula, & decora callide occultare, vel maligne corrumpere; an non quispiam merito suspicetur, Carmelitas, ex singulari quodam affectu, ne dicam cæco imperu, de Ordine suo & rebus ad illum spectantibus, optime loqui & scribere, necnon ejus mirabilia, miracula, & antiqua decora callide promulgare; vel, si non maligne, saltem ambitiose extollere? Quippe quemadmodum invidia multa mala, sic & benevolus affectus potest ac solet multa bona comminisci, vel saltem credere, juxta illud Poëtæ tragici.

Quod nimis miseri volunt,

Hoc facile credunt.

104 Non quidem existimo, Carmelitas omnes esse tam credulos: nam fieri non potest, ut inter tam multos non inveniantur eruditi aliqui, qui veritatem agnoscent, videntque Ordinis sui monumenta plurimis esse fabulis referta, & illis accommodant id quod D. Augustinus lib. 18 de civit. cap. 38, de nescio quibus Adam, Enoch & Noë scriptis pronuntiavit: *ut in auctoritate non essent, nimia fecit antiquitas, propter quam videbantur esse suspecta, ne proferrentur falsa pro veris. Nam & proferuntur quadam, qua ipsorum esse dicantur ab eis, qui pro suo sensu passim, quod volunt, credunt.* Sed Carmelitarum illi quid de Ordinis sui antiquitate sentiant, non audent palam scribere, quæ est altera Historicorum pestis. Qua de causa Tu, Pater Reverende, historico fixurus leges, posuisses in fronte hanc quam fert Lucianus, quamque Orthodoxi omnes approbant: *Μαλιστα δὲ καὶ πρὸς τῶν πάντων ἐλευθεροῦν ἴσως τὴν γνώμην, καὶ ἀληθείας φιλοῦν, καὶ μὴτε φοβηθῶν μηδὲνα, μηδὲ ἐπιζῆτον μηδὲν.* Historicos maxime & super omnia si liber in pronuntianda sententia, veri amans, neminem metuat, speret nihil. Quippe ut est apud eundem Aucto-

rem, debet Historicus si sculo suo illem habere mentem; siquid nimirum & splendido, quodque accuratum centrum habeat; & quales rerum species ac formas receperit, easdem etiam tales spectandas præbeat. Talem vero mentem habere non potest ille, qui spe, metu, odio, amore, aliisque morionibus perturbatur: neque enim aqua vel limpidissima, si paulo fuerit turbator, speculi naturam in reddendis fideliter rerum imaginibus imitari potest.

105 Itaque si ea esse debeat optimi Historici conditio, summæ demeritæ est, Historico, vera dicenti & non adulanti, succensere: hoc est enim perinde, ac si Therites indignetur speculo, quod faciem suam non representet formosam similemque Hæcidæ. PP. Carmelitarum viri sunt; atque adeo non debent imitari deformes mulierculas, quæ veracia & nescia adulari specula oderunt & mandantque pictoribus, ut se quam pulcherrimas pingant; ratæ melius habituram se faciem, si pictor & plurimum ruborem illinat, & pigmento multum candoris immisceat. Imitentur patius magnum Alexandrum, qui cum navigans in Hydaspî, accepisset ab Aristobulo librum, in quo Aristobulus singulare Alexandri & Pori certamen descripserat, assignatis illi falsis rebus, quibusdā præclare gestis, faciliusque veritate majoribus; eum librum in aquas projecit, iniquiens; Et Te, Aristobule, decebat eodem modo præcipitari, qui talia pro me singulari certamine pugnaveris, & elephantos sagittâ interfeceris. Præclara, inquit, & patheticæ oratio. At quâ viâ, quâve ratione veraces Historicos à fallacibus distinguere atque internoscere valebimus? Leges, Rev. P. Professor, quibus Historici cuiusque fides ac veritas exploretur, præscribit Canacienſis Episcopus Melchior Can-

„nus, lib. 11. de locis Theologicis Cap. 9.  
 „Has ego, licet proximissimas, ad tuam  
 „aliorumque Carmelitarum institutionem,  
 „huc transcribam; eoque libentius, quod  
 „in illis cœrnam confutari aliqua, quæ Tu  
 „Patri Papebrochio imperite objecisti. Sic  
 „igitur fatur.

106 „Prima lex ex hominum probi-  
 „tate integritateque sumetur; quæ omni-  
 „no res locum habet, cum quæ narrant  
 „historici, ea vel ipsi se vidisse testantur,  
 „vel ab his qui viderunt accepisse: qualia  
 „sunt pleraque in epistolis Ambrosii, Cy-  
 „priani, Hieronymi, Augustini; in libris  
 „quoque hujus de civitate Dei, in Dialo-  
 „gis Gregorii; breviter in omnibus fere  
 „Doctorum Ecclesiæ probatissimorum  
 „scriptis: in quibus mendacium suspicari,  
 „quod ad memoriam sempiternam trans-  
 „ferre illi scribendo voluerint, piaculum  
 „est. Magnis quippe præclarisque virtuti-  
 „bus viri sanctissimi atque optimi id con-  
 „sequi meruerunt, ut in rebus ejusmodi,  
 „quas vel spectasse se, vel ab aliis fide di-  
 „gnis, qui spectarint, se audisse testati  
 „sunt, fides omnino illis habeatur. Qua  
 „in re Erasmus Roterodamus, aliiq; junio-  
 „res quidam, sæpe ac licenter errarunt.  
 „Quid enim liberius, licentius, aut im-  
 „moderatus dici potuit, quam Hierony-  
 „mo, asserentem, Matthæi Evangelium  
 „Hebraicum describendi sibi copiam fuis-  
 „se, in eo virum gravissimum sanctissi-  
 „mumque mentiri? Jure itaque piis ho-  
 „minibus nimia hæc quorundam junio-  
 „rum liberiorque licentia displicuit; jure  
 „etiam in crimen vocata est.

107 „Hæc autem prima Lex in pro-  
 „fanis quoque auctoribus locum habet.  
 „Quædam enim Julius Cæsar, quædam  
 „Suetonius, quædam Cornelius Tacitus,  
 „quædam Plutarchus, quædam Plinius  
 „narrant, quæ auctores ipsi partim ocu-

„lis aspexerunt, partim acceperunt ab  
 „his, qui ea præsentibus aspexerant. In  
 „hiscæ vero auctoribus, tametsi pietatem  
 „absolutaque virtutis officia si cœtare non  
 „licet; licet tamen probitate quamdam  
 „bonitatemque naturæ. Quidam enim eo-  
 „rum, aut veritatis amore inducti, aut in-  
 „genii pudoris verecundia, usque adeo à  
 „mendacio abhorruerunt, ut jam puden-  
 „dum fortasse sit, Historicis Gentium  
 „quosdam veraciores fuisse, quam nostros.  
 „Dolenter hoc dico potius, quam contu-  
 „mèliose; multo à Lærtio severius Vitas  
 „Philosophorum scriptas, quam à Chri-  
 „stianis Vitas Sanctorum; longeque in-  
 „corruptius & integrius Suetonium, res  
 „Cæsarum exposuisse, quam exposue-  
 „rint Catholici, non res dico Imperato-  
 „rum, sed Martyrum, Virginum & Con-  
 „fessorum. Illi enim in probis aut Philo-  
 „sophis aut Principibus nec vitia, nec suspi-  
 „ciones vitiorum tacent; in improbis vero  
 „etiam colores virtutum produnt: no-  
 „stri autem plerique vel affectibus infer-  
 „viunt, vel de industria quoque ita mul-  
 „ta confingunt, ut eorum tæcè nimirum  
 „non solum pudeat, sed etiam tædeat.  
 „Hos enim intelligo Ecclesiæ Christi cum  
 „nihil utilitatis attulisse, tum incommoda-  
 „tionis plurimum.

108 „Nominibus parco, quoniam hu-  
 „jus loci judicium morum etiam est, &  
 „non eruditionis tantum, in qua liberior  
 „potest esse censura. Nam quæ morum  
 „est, hæc debet profecto esse, & in vivos  
 „cautior, & in mortuos reverentior. Cer-  
 „tum est autem, qui fide & fallaciter  
 „historiam ecclesiasticam scribunt, eos vi-  
 „ros bonos atque sinceros esse non posse;  
 „totamque eorum narrationem inventam  
 „esse, aut ad quæstum aut ad errorem;  
 „quorum alterum fœdum est, alterum  
 „perniciös. Justissima est Ludovici[Vives]  
 „que-

„ querela de historis quibusdam in Eccle-  
 „ sia confictis. Prudenter uile sane ac gra-  
 „ viter illos arguit, qui pietatis loco du-  
 „ xerint mendacia pro religione fingere:  
 „ id quod & maxime periculosum est, &  
 „ minime necessarium: mendaci quippe  
 „ homini ne verum quidem credere sole-  
 „ mus. Quamobrem, qui falsis ac menda-  
 „ cibus scriptis mentes mortalium concin-  
 „ tare ad Divorum cultum voluere, hi ni-  
 „ hil mihi aliud videntur egisse, quam ut  
 „ veris propter falsa adimatur fides, &  
 „ quæ severe ab auctoribus plane veraci-  
 „ bus edita sunt, ea etiam revocentur in  
 „ dubium.

109 „ In Herodoti lucubratione, rebus  
 „ fictis & adumbratis quidem loci plu-  
 „ rimum fuit: verum in descriptione ipsa illa  
 „ præmonuit, non esse in eo libro histo-  
 „ riæ rationem ad vivum refecendam.  
 „ Musas videlicet inscripsit, quibus fabu-  
 „ larum interdum concessæ sunt, ut audien-  
 „ tium animos jucundius & suavius alle-  
 „ ctent, quod severitate narrationis non  
 „ perinde assequerentur. Xenophon, qui,  
 „ ut Fabius ait, magis inter Philosophos  
 „ quam Historicos reddendus est, optimi  
 „ & absolutissimi Principis formam in Cy-  
 „ ro perfectam conatur effingere: itaque  
 „ non est ab eo expectandum, qualisnam  
 „ Cyrus reverâ fuerit, Rex licet excel-  
 „ lens & eximius; sed qualis futurus sit in  
 „ Republica Imperator, si ad normam ex-  
 „ emplarum exactissimi componatur. At in  
 „ historia Christiana, quæ tota, ut dixi-  
 „ mus, non volupate; sed veritate pee-  
 „ penditur; quorsum attinet historiarum  
 „ men commentis fabulisque prætere-  
 „ quasi vero sancti Dei homines nostris  
 „ mendaciis egeant, qui tam multa vera  
 „ pro Christo gesserunt, ut falsa, quan-  
 „ tumvis eruditæ simulationis artificio  
 „ composita, ut noxia non sint, quo-

„ niam inutilia sunt, tamen, tamquam igna-  
 „ vi milites, oneri sint magis quam au-  
 „ xilio.

110 „ Heroum porro nostrorum res fe-  
 „ re gestæ, sicuti ego existimo, non so-  
 „ lum amplæ magnificæque fuerunt, ve-  
 „ rum multo etiam majores quam famâ  
 „ feruntur: neque eorum, qui fecere vir-  
 „ tus tanta habenda est, quantum eam  
 „ verbis extollere potuerunt nostri: sed  
 „ tanta potius, ut & præclara ingenia re-  
 „ bus ipsis, & ingeniis præclaris verba  
 „ quoque defuerint. Sed dum quidam as-  
 „ sectui suo nimium indulgent, & ea  
 „ scribunt quæ animus scribentis dicat,  
 „ non veritas; tales Divos quandoque no-  
 „ bis exhibent, quales Divi ipsi, etsi  
 „ possent, esse tamen nolissent. Equis  
 „ enim credat, Divum Franciscum pedi-  
 „ culos semel excussos, in se ipsum so-  
 „ litum esse immittere? quod ad sanctita-  
 „ tem viri scriptor pertinere putavit. Equi-  
 „ bus non puto; qui paupertatem sciam  
 „ viro sanctissimo placuisse semper, for-  
 „ des numquàm. Illud item quam ridicu-  
 „ lum? Diabolum, Dominico Patri no-  
 „ stro semel obstreptentem, à Divo esse  
 „ coactum ut lucernam haberet in mani-  
 „ bus; quoad illa-absumpta, non mole-  
 „ stiam solum, sed incredibilem dolorem  
 „ etiam asserret.

111 „ Non possunt hujusmodi exempla  
 „ numero comprehendi; sed in his paucis  
 „ pleraque alia intelligentur, quæ Divorum  
 „ clarissimorum historias abscurarunt.  
 „ Non autem decebat veras Sanctorum res  
 „ gestas falsis & conventitiis fabulis con-  
 „ taminari. Quæ causa Gelasio fuit, ut  
 „ hujus generis historias multas in Concilio  
 „ septuaginta Episcoporum reprobaret.  
 „ Ejus Pontificis verba sunt, legi cognos-  
 „ cique dignissima, & Idcirco hic adscri-  
 „ benda. Gestæ, inquit, Sanctorum Mar-



tyrum, qui multiplicibus tormentorum  
 cruciatibus & mirabilibus confessionum  
 triumphis irradiant, quis ita esse Catho-  
 licorum dubitet: & majora eos in ago-  
 nibus esse perpeſſos; nec ſuis viribus, ſed  
 Dei gratia & adiutorio univerſa toleraſ-  
 ſe? Sed ideo, ſecundum auctoritatem  
 antiquam vel conſuetudinem, ſingula-  
 ri cautela in ſancta Romana Eccleſia  
 non leguntur, quia eorum qui ſcripſe-  
 re nomina penitus ignorantur, & ab in-  
 fidelibus aut dicta ſuperſtitiæ, aut minus  
 apte quam rei ordo fuerit ſcripta eſſe pu-  
 tantur. Sicut cujuſdam Quirici & Julitiæ  
 matris ejus: ſicut Georgii aliorumque paſ-  
 ſiones hujusmodi, quæ ab hæreticis pro-  
 bantur conſcriptæ: propter quod, ut  
 dictum eſt, ne vel levis ſubſannandi  
 oriretur occaſio, in ſancta Romana Ec-  
 cleſia non leguntur. Nos tamen, cum præ-  
 dictâ Eccleſiâ omnes Martyres, & eo-  
 rum glorioſos agones, ſunt Deo magis  
 quam hominibus noti ſunt, cum omni  
 devotione veneramus. Item Vitas Patrum,  
 Antonii, Pauli, Hilarionis, & omnium  
 Eremitarum, quas tamen vir beatiſſimus  
 ſcripſit Hieronymus, cum omni honore  
 ſuſcipimus. Item actus Beati Silveſtri  
 Apoſtolicæ Sedis Præſulis, licet ejus  
 qui ſcripſit nomen ignoremus, à mul-  
 tis tamen in urbe Roma Catholicis legi  
 cognoviſimus: & pro antiquo uſu mul-  
 tæ hoc imitantur Eccleſiæ item Scripta  
 de inventione ſanctæ crucis Dominicæ, &  
 alia ſcripta de inventione Capituli beati  
 Joannis Baptiſtæ, novellæ quidem reve-  
 lationes ſunt, & nonnulli eas Catholici  
 legunt, ſed cum hæc ad Catholicorum  
 manus pervenerint, beati Pauli Apoſto-  
 li ſententia præcedat: Omnia probate,  
 quod bonum eſt tenete.

112 „Hactenus Gelafius: quod ſi pro-  
 phetias, quæ Numinis aſſatu edi ſolent,

Paulus docet, non ſpernendas quidem;  
 ſed explorandas tamen; ecquis nos ac-  
 cuſare jam audebit, ſi hiſtorias humano  
 ſenſu editas exploremus? Gelafius ſane  
 auctor eſt cum Concilio graviffimus,  
 quod de prophetia ab Apoſtolo dictum  
 eſt, hoc apte etiam in hiſtoriarum quadrare.  
 Jubet ergo imprimis Pontifex, ut eas  
 hiſtorias nullo modo amplectamur, quæ  
 ſine certo auctoris nomine proferuntur:  
 olent enim aut quæſtuſorum hominum  
 impoſturam, aut (quod Gelafius ipſe  
 ait) hæreticorum ſœcurn. Quæ eadem  
 omnino cauſa ſubest, ut hiſtoriz illæ  
 valde etiam ſuſpicioſæ ſint, quæ tametiſi  
 auctoris cujuſſiam nomen præ ſe ferunt,  
 ſed quis ille qualiſive ſit, obſcurus &  
 incertum eſt. Cujuſmodi ante hos pau-  
 cos dies, quædam fabulæ prodire, qua-  
 rum & auctores & loca adeo longo in-  
 tervallo diſtant, ut, an mentiantur illi,  
 non poſſit inveniri; an hæc ſint, dubitari  
 etiam poſſit. Sed bene habet, quod to-  
 tum narrationis corpus commentitium  
 apparat, ut, quod Hiſpanorum ſer-  
 mone teritur, id quoque in hac re faci-  
 le probes, *de luengas vias, luengas mem-  
 tiras.*

113 „Sed ad Gelafium redeamus: qui  
 deinde illius erroris nos admonuit, in  
 quo olim non vulgus ſolum, ſed Gra-  
 tianus etiam verſatus eſt, ut librorum  
 deceptus indicibus, crederet, omnia quæ  
 Hieronymi & Auguſtini nominibus in-  
 ſcripta erant, Hieronymi & Auguſtini  
 vere etiam eſſe. Sic librum qui de Vi-  
 tis patrum inſcriptus eſt, Hieronymi no-  
 mine vulgus circumferebat; cum pau-  
 ciſſimas tamen ille Patrum Vitas ſcripſe-  
 rit, quæ & hoc loco ſere à Pontifice re-  
 feruntur. Gelafii itaque teſtimonio eo-  
 rum imprudentiam retundemus, qui ha-  
 rum rerum auctorem Hieronymum per-  
 vulgarunt,

„*pro garuat, quas nemo non rudis æque.*  
 „*clinguis ederet. Hujus generis fabula*  
 „*etiam illa est, insulsa æque ac barbara,*  
 „*de nativitate Sanctæ Mariæ, ad Chro-*  
 „*matium & Heliodorum Episcopos. Hu-*  
 „*jus generis sunt alia multa, quæ & di-*  
 „*ligentissime & rectissime Erasmus refu-*  
 „*tavit. Illud etiam in his Gelasii verbis*  
 „*equidem animadverto, novellas revela-*  
 „*tiones (sic enim vocat) nos admirari &*  
 „*susplicere minime oportere. Jam enim*  
 „*passim, non pro Ecclesiæ necessitate,*  
 „*sed pro hominum affectu expromuntur:*  
 „*adæo ut in Conceptionis caula utrimque,*  
 „*si Superis placet, revelationes vel contra-*  
 „*riæ proferantur: quæ res impiis quidem*  
 „*non levem subannandi occasionem præ-*  
 „*bent, piis verolacrymandi. Contemnan-*  
 „*tur profecto necesse est Dei & dona &*  
 „*miracula, si nostris aut opinionibus aut*  
 „*affectionibus inveniunt. Ecclesiæ igitur*  
 „*Christi hi vehementer incommodant,*  
 „*qui res Divorum præclare gestas, non*  
 „*se putant egregie exposituros, nisi eas*  
 „*fictis & revelationibus & miraculis ador-*  
 „*narint. Quæ in re, nec Sanctæ Virgini,*  
 „*nec Christo Domino, hominum impu-*  
 „*dentia perpercit; quin, quod in aliis*  
 „*Divis factitavit idem quoque in Christi*  
 „*& Matris historia scribenda faceret, &*  
 „*pro humani ingenii levitate, multa vana*  
 „*& ridicula comminisceretur.*

114 „Cum Superioribus annis Tri-  
 „*dentino Concilio interesssem, id quibus-*  
 „*dam auidi, Aloysium Lippomanum*  
 „*Episcopum Veronensem huic malo me-*  
 „*deri, historiâ de Vitis Sanctorum con-*  
 „*stanti ac gravi ratione edita: sed hanc*  
 „*mihi adhuc videre non licuit, nec aliam*  
 „*quantvis, quæ mihi quidem probari*  
 „*possit, de his quæ venerunt iu manus.*  
 „*Spissum sane erit opus, & operosum;*  
 „*sed vehementer omnibus Christianis uti-*

„*le; si quis præstiterit dignum modo Di-*  
 „*vis, Ecclesiæ, Christo: id quod haud*  
 „*dubie præstabit nemo, nisi vir probus,*  
 „*integer, incorruptus; ut ne quid falsi*  
 „*dicere audeat, nequid veri non audeat;*  
 „*ne qua suspicio gratiæ sit in scribendo,*  
 „*ne qua similitatis. Quæ cum ad probi-*  
 „*tatis integritatque officia pertinere no-*  
 „*tum sit, miror ab uno Suetonio servata*  
 „*esse omnia, à plerisque nostris omnia*  
 „*esse deserta. Qui autem res humanas à*  
 „*Divis, quorum historias scribendas su-*  
 „*mununt, alienas fore censent; hi Divos*  
 „*iplos ne homines quidem fuisse videntur*  
 „*credere. Quanto sapientius Evangelistæ*  
 „*faciunt, qui velin ipsi Apostolis, quos*  
 „*eramus vitæ totius exemplum habituri,*  
 „*nec affectus naturæ imbecilliores, nec*  
 „*casus etiam graviores dissimulant. Di-*  
 „*vina hæc sapientia quidem Evangelista-*  
 „*rum fuit, sed bonitas quoque integri-*  
 „*tasque naturæ, ut nihil illis in scribenda*  
 „*historia deesset, quod in historiæ lege*  
 „*vel Ethnici requisissent.*

115 „Scriptoris autem probitas & inte-  
 „*gritas (nam hoc quæret aliquis) in his*  
 „*qui olim fuerunt, licet aliquando in*  
 „*scriptis ipsis eluceat, sed fama & gravi*  
 „*atque frequenti præteritorum hominum*  
 „*testimonio cognoscetur. Sunt enim, ut*  
 „*dixi, in profanis auctoribus non pau-*  
 „*ci, quorum ingenuitas & verecundia sic*  
 „*hominum sermone celebrata est, ut ne-*  
 „*mo illos unquam mendaces, & in fin-*  
 „*gendo impudentes existimaverit: qua-*  
 „*les sunt Cæsar, Valerius Maximus, Te-*  
 „*rentius Varro, Livius, Cornelius Tacitus,*  
 „*Seneca, Ammianus Marcellinus, Eutro-*  
 „*pius, Flavius Vopiscus, Paulus Diaconus,*  
 „*Lucius Florus, Polybius, Dionysius Hali-*  
 „*carnassus, Julius Capitolinus, Corne-*  
 „*lius Nepos, Strabo, aliique plures La-*  
 „*tini præsertim auctores: nam Græcæ*

„ cum fides majori ex parte fracta ac debilitata est. Religiosus est Thucydides, & „ (ut Josephus ait) inter omnes Græcos „ historicos imprimis scrupulosus. Appianus „ Alexander. Græcus licet auctor, „ sed quoniam hesternæ & civilia Romana „ bella memoriz mandavit, in alienis rebus „ mendax non fuit; futurus in suis, si „ Græcorum morem & ingenium sequeretur; „ quorum jaçtancia ac vanitas impudentius est aucta, postquam certare „ cum Latinis de Imperio, de rebus gestis, „ de doctrinæ veritate inceperunt. Latii „ siquidem fulgor & gloria, Græciæ claritatem „ obscuravit, & adeo Græcorum „ perstinxit oculos, ut vel Plutarchus, scriptor „ alioquo verax, in rebus Græcorum „ illustrandis & excutire & fingere „ interdum etiam videatur, quod tum in „ opere de vitis illustrium Græcorum & „ Romanorum, tum in parallelis, Ludovicus „ Vives animadvertit.

116 „ At vero in nostris, hoc est Ecclesiasticis, „ faciliore est ratio virtutis & bonæ fidei „ cognoscendæ. Optimos enim „ quosque apud nos, non solum humanus „ sermo atque existimatio colit, verum „ etiam Ecclesiæ decretum in concilio Cælestium „ collocat. Hos itaque mendacii „ impudentiæque arguere, quemadmodum „ supra diximus, impietatis etiam, non „ modo temeritatis argumentum est. Cum „ his ego, sanctis justisque viris Hegesippum, „ Paulum Orosium, aliosque non „ nullos Ecclesiæ Historicos annumerandos „ censeo, qui à me brevitatis causa „ præteruntur. Non enim hic bibliothecas „ excutimus, sed genera degustamus: „ ne quis negligentia nos insimulet, si „ illos aut laudando aut vituperando transimus. „ Sed ais: Crispus Salustius, in „ perditis omnino moribus, veridicus historicus „ scriptor est habitus. Sane quidem: at

„ cum Salustium objicis, hominem objicis; „ in quo, si non honestatis pudor, at „ infamæ ejusmodi fuit, quam Romani „ cum primis declinarunt: ne mendaces, „ quemadmodum Græci, in historiis haberentur. „ Deinde non mihi Salustius „ videtur vitis caruisse & gratiæ & similitatis. „ Certe cum de Cicrone scribit, „ multa silentio præterit; quæ libentissime „ in aliorum gratiam retulisset. Sed „ hæc duo viria cum historicorum fere „ omnium communia sunt, tum quorundam „ quasi propria: in quibus Paulus „ Jovius est, in quamlibet partem nimis, „ odio & amore, gratia & similitate; & „ quoniam pecuniam amabat, in historia „ quoque scribendi pecuniæ servus fuit. „ Postremo aliud est dicere, viros bonos „ veraces esse omnes; aliud, improbos „ omnes esse mendaces: illud nos diximus, „ hoc non diximus. Quamquam nescio „ quomodo sit, ut nusquam securus animus „ nisi in viri boni testimonio conquiescat. „ At officio veritas adeo connexa „ est, ut in homine vitioso esse illa fortasse „ possit, sed esse tamen credi vix „ possit. Quæ causa Chaldeis Egyptiisque „ fuit, quamobrem non alios historicorum „ auctores approbarent, nisi qui sacerdotio „ fungerentur: quod sanctos religionis „ solque viros mentituros esse nullo modo „ existimarent. Homo, inquit, ex Judæis „ quidam, Sacerdos venit; non decipiet „ nos. Verum de prima ad historiam „ judicandam regula hæc dicti sunt.

118 „ Lex vero secundam historiarum „ iudicio sancitur, ut eos Historicos re- „ liquis anteferamus, qui ingenii severitati „ quamdam prudentiam adjunxerunt, „ & ad eligendum & ad judicandum. Quæ „ lex in iis rebus locum habet, quas „ neque scriptores ipsi sunt intuiti, nec à „ viris fide dignis qui viderint audierunt.

Quo

„Quo in genere est operæ pretium eo-  
 „tum levitatem recordari, qui muliercu-  
 „larum more, quod nimis miseri volunt  
 „hoc facile credunt. Nam & ætas nostra  
 „Sacerdotem vidit, cui persuasissimum  
 „esset, nihil omnino esse falsum, quod  
 „semel typis fuisset excusum: non enim,  
 „ut aiebat, tantum facinus Reipublicæ  
 „administratos commissuros, ut non so-  
 „lum divulgari mendacia sinerent, sed  
 „suo etiam communirent privilegio, quo  
 „ista tutius mentes mortalium pervaga-  
 „rentur. Quo sanè argumento permo-  
 „tus, animum induxit credere, ab Ama-  
 „diso & Clariano res eas fere gestas, quæ  
 „in eorum libris commentitiis referuntur.  
 „At vero quantum illa adversum Reipu-  
 „blicæ administratos ratio valeat, non est  
 „hujus loci temporisque disserere. Certe  
 „hoc ego, promissisq; & animi mei sen-  
 „su ac dolore, pronuntio, magna Ec-  
 „clesiæ calamitate atque perniciæ id so-  
 „lum in libris vulgandis præcaveri, ne  
 „erroribus fidei adversis aspersi sint, ne  
 „sint moribus exitiales non item.

119 „Nec de fabulis istis potissimum  
 „excrucior, quas modo dixi, quamvis in-  
 „eruditus & nihil omnino conferenti-  
 „bus, non dico ad bene beateque vi-  
 „vendum, sed ne ad rectè quidem de re-  
 „bus humanis sentiendum. Quid enim  
 „conferant meræ ac vanæ nugæ, ab ho-  
 „minibus otiosis fictæ, à corruptis inge-  
 „niis versatæ? Sed acerbissimus est dolor,  
 „& vix omnino consolabilis, quod dum  
 „quidam, utinam tam prudenter quam  
 „serventer? incommodum hoc rejicere,  
 „ac devitare cupiunt, non pro fabulis  
 „veras & graves historias edunt, id quod  
 „esset plebi utilissimum; sed libros Myste-  
 „rorum Ecclesiæ plenos, à quibus arden-  
 „di profant erant, id quod est, mea  
 „quidem sententia, pestilentissimum; eo

„vero magis quo vulgus eos libellos, secu-  
 „rius legit, quia probatos videt, non  
 „modo à civili Magistratu, verum etiam  
 „ab iis, qui doctrinæ Censores sunt in  
 „Christi Republica definiti. Sed hæc  
 „aliàs nunc quod instat agamus. Mife-  
 „randa sane hominis ignorantia potius,  
 „quam ludenda: qui usque adeo aut bo-  
 „nus aut stultus erat, ut omni narratio-  
 „ni statim crederet, si modo esset litteris  
 „prodita. Verum invenias alios, non pari  
 „inscitia quidem, sed imprudentia pæne  
 „pari: qui veritatem rerum non inde pe-  
 „tunt; ubi ea residere sit solita; sed ex  
 „iis, in quibus raro est eam invenire: nem-  
 „pe, ex dissipatis pervagatisque rumori-  
 „bus: quæ res plerumque iis accidit, qui  
 „sunt inconstanti levique natura: nam  
 „homines graves atque severi, non so-  
 „lent inanem vulgi sermonem aucupari.

120 „Quamquam negare non possumus,  
 „viros aliquando gravissimos, in Divorum  
 „præsertim prodigiis describendis, sparsos  
 „rumores, & excepsisse, & scriptis etiam  
 „ad posteros retulisse. Qua in re ut mi-  
 „hi quidem videtur, aut nimium illi sibi,  
 „aut fidelium certe vulgo indulserunt;  
 „quod vulgus sentiebant, non tantum ea  
 „facile miracula credere, sed impen-  
 „etiam flagitare. Itaque signa nonnulla  
 „& prodigia Sancti quoque memoriæ pro-  
 „diderunt; non quo ea libenter credidif-  
 „sent, sed ne deesse fidelium votis vide-  
 „rentur. Id vero eo magis sibi licere exi-  
 „stimarunt, quod intellexerunt auctoribus  
 „nobilissimis placuisse, veram historiam  
 „legem esse, ea scribere quæ vulgo vera  
 „haberentur. Nec ego hic libri illius au-  
 „ctorem excuso, qui Speculum exem-  
 „plorum inscribitur: nec historiæ etiam  
 „ejus, quæ Legenda aurea nominatur.  
 „In illo enim miraculorum monstra sæpius  
 „quam vera miracula legas: hanc homo

„scriptis ferrei oris, plumbei cordis, ani-  
 „mi certe parum severi & prudentis. Ve-  
 „teres excusa & sanctos & eruditos vi-  
 „ros, quorum & libros & nomina volen-  
 „tem adscribere, pudor me ac religio  
 „vetaret, nisi contra vereretur, ne mea hæc  
 „taciturnitas plerisque causa esset, ut aut  
 „emmerarent quæ non intelligerent, aut  
 „errore vario circum Sanctorum omnium  
 „historias vagarentur.

121 „Atque Theologum etiam admo-  
 „nere operæ pretium est, ne id statim il-  
 „li persuasum sit, omnia, quæ magni Au-  
 „ctores scripserunt, undique esse perfecta.  
 „Nam & labuntur aliquando, ut ille ait;  
 „& oneri cedunt, & indulgent ingenio-  
 „rum suorum voluptati, vulgoque (ut  
 „dixi) interdum etiam indulgent, nec  
 „semper intendunt animum, & non-  
 „numquam fatigantur; adeo ut Ciceroni  
 „Demosthenes dormire, Horatio vero  
 „Homerus quandoque ipse videatur,  
 „Summi enim sunt: homines tamen. Quæ  
 „ego eadem de Beda atque Gregorio jure  
 „fortasse ac vere dicere possum: quo-  
 „rum ille in historia Anglorum, hic in  
 „Dialogis quædam miracula scribunt,  
 „vulgo jactata & credita, quæ hujus præ-  
 „sertim seculi Aristarchi incerta esse  
 „censebunt. Equidem historias illas pro-  
 „bare magis, si earum Auctores, juxta  
 „prænitam normam, severitati judicii  
 „curam in eligendo majorem adjunxis-  
 „sent. Sed quoniam modestè & circum-  
 „specto judicio de tantis viris pronuntian-  
 „dum est, ne in his quidem duobus reji-  
 „cienda sunt plurima; pauca enim in eis  
 „possis arguere, quamvis historiam ec-  
 „clesiasticè revocare ad severiora judicia  
 „contendas; ac, si necesse est in alteram  
 „peccare partem, omnia eorum probari  
 „legentibus, quam multa reprobari malor.

122 „De Vincentio Bellovacensi & Di-

„vo Antonio liberius judico, quorum  
 „uterque, non tam dedit operam, ut res ve-  
 „ras certalque describeret, quam ne ni-  
 „hil omnino præterit, quod scriptum  
 „in schedulis quibuslibet reperiretur: ita  
 „ad historiam utramquamque existiman-  
 „dam, momentoque suo ponderandam,  
 „non artificum statera, sed ne populari  
 „quidem trutinâ usi sunt. Quamobrem,  
 „boni licet ac minimè fallaces viri, quia  
 „tamen nec auctores eos, à quibus suos  
 „exscripsere libros, diligenter examina-  
 „runt, nec res iustis libratis ponderibus  
 „memoriæ prodiderunt; apud criticos  
 „graves atque severos auctoritate carent.  
 „Historicus autem, qui Theologiæ de-  
 „creto probandus erit, nec omnes sche-  
 „das lectione etiam indignas excutiet,  
 „nec anilibus fabulis accommodabit ope-  
 „ram, nec prius lecta auditaque descri-  
 „bet quam ea prudenti accuratoque ju-  
 „dicio expendat ac seligat. Sed in se-  
 „cundæ Regulæ explicationem diximus  
 „satis.

123 „Tertia Regula fit, si cui Hi-  
 „storico auctoritatè Ecclesiæ tribuit, hic  
 „dubio procul dignus est, cui nos etiam  
 „auctoritatem adjungamus: contra vero,  
 „cui Ecclesiæ derogavit fidem, ei quo-  
 „que nos fidem jure ac merito derogabi-  
 „mus. Gelasius porro historiam de Vi-  
 „tis Antonii, Pauli, Hilariionis, ac ce-  
 „terorum Eremitarum, quas tamen Hie-  
 „ronymus scripsit, cum omni honore  
 „suscepit. Acta rursum beati Silvestri  
 „licet non pari veneratione, sed succe-  
 „pit tamen; collaudavit Orosium; Eu-  
 „sebiû Chronica, hoc est de temporibus,  
 „(quantum animi conjectura colligo) non  
 „rejecit; rejecit Itinerarii Clementis libros  
 „octo; Acta Andree, Philippi, Petri, Tho-  
 „mæ nominibus falso edita; librum de  
 „infantia Salvatoris alterum item de ejus-  
 „dem



„dem natiuitate; librum Pastoris, & A-  
 „Theclæ & Pauli, quæ Epiphanius usu-  
 „pat interdum; revelationem Pauli; li-  
 „brum qui Mariæ transitus inscribitur, I-  
 „bellos de pœnitentia Adæ, Originis, Cy-  
 „priani; Epistolam Jesu ad Abagarum;  
 „Passiones Georgii ac Quirici & Julittæ;  
 „historiam demum Eusebii Pamphili: in  
 „qua refellenda Gelasius, magnâ, ut mihi  
 „quidem videtur, prudentiâ est usus. Nam  
 „quod Rhenanus dixit, verba hæc postre-  
 „ma, Gelasii non esse; sed esse potius  
 „ab asino quopiam adjecta; hoc insolenti-  
 „ter, rustice, imperiteque dixit.

124 „Principio quippe Pontifex ad  
 „hunc modum censuerat, Chronicon  
 „Eusebii Cæsariensis atque iudem historiæ  
 „eccllesiasticæ libros, quamvis in primo  
 „narrationis suæ libro tepuerit, & in  
 „laudibus atque excusatione. Origenis  
 „schismatici, unum conscripserit librum;  
 „propter rerum tamen singularem noti-  
 „tiam usquequaque non dicimus re-  
 „nuendos: postea vero sic censet. His-  
 „toria Eusebii Pamphili apocrypha. Quæ  
 „duæ sententiæ, cum contrariæ non sunt,  
 „tum sunt etiam verissimæ, & nimis  
 „quam graviter ac severe latæ. Cur au-  
 „tem Gelasius historiam Eusebii apocry-  
 „pham pronuntiarit, causæ sunt sane plu-  
 „res ac vehementes. Primum, in primo  
 „libro refert Eusebius epistolam Jesu ad  
 „Abagarum scriptam, quam Gelasius eâ-  
 „dem distinctione explodit. Fuit etiam  
 „altera causa Gelasio, quamobrem hi-  
 „storiam Eusebii apocrypham definierit:  
 „quod multa ibi Clementis Alexandrini  
 „testimonio confirmantur, cujus opus-  
 „cula eâdem distinctione apocrypha judi-  
 „cata sunt. Præterea & librum sextum  
 „Eusebii texuit in laudem & excusatione  
 „Origenis: cum autem & discipuli Origenis  
 „magis in Ecclesiâ tragœdias excitassent;

„& Origenes ipse, tamquam schismaticus,  
 „deque fidei Catholicæ via sæpe desle-  
 „ctens, fuisset Ecclesiæ iudicio condem-  
 „natus, jure illius historia refellitur; qui  
 „Origenem non solum immodice prædi-  
 „cat, sed ad cælum, perinde ut si Pater  
 „esset Ecclesiæ, extollit.

125 Et postquam idem Canus pluri-  
 „bus ostendisset, Eusebium illum fuisse  
 „Arianæ hæreseos defensorem, sic prose-  
 „quitur: *Merito ergo Gelasius Pontifex his-  
 „toria Eusebii Cæsariensis auctoritatem  
 „admisit: sed audi, quid post multa subne-  
 „ctat Canus: „Ad Eusebium revertamur, in  
 „cujus historia Ecclesiastica satis Gelasius  
 „ostendit, cetera sibi ac Concilio placuisse,  
 „dum quædam displicuisse commonuit.  
 „Itaque si fabulam Abagari iude quæ  
 „Origenis ab Eusebio demeres, digna ejus  
 „historia esset, cui fides omnino habere-  
 „tur; præsertim si in Ecclesiæ contra Arium  
 „pugna, non ab Ario, sed ab Ecclesia  
 „fuerisset. Ac de ecclesiasticæ historiæ li-  
 „bris hæcenus. Nam in Chronicis admi-  
 „randa fuit hominis diligentia, magnus  
 „omnino labor, varia & pæne incredibi-  
 „lis lectio, ac grave profus in lectionis  
 „varietate iudicium. Nec scio an quicquam  
 „alius inter Ecclesiæ sive Latinos sive  
 „Græcos auctores, quamvis summa vi,  
 „ope atque opera niteretur, præstantiora  
 „nobis posteræ temporum monumenta re-  
 „linquere; tametsi describentium incuriâ,  
 „adeo multis locis visitata sunt, ut dici  
 „sine animi dolore non possent.*

126 Denique totum Caput concludit  
 „Capus in hunc modum, „Perspicua sunt  
 „hæc quidem & in vulgari prudentia po-  
 „sita. Nam in quibus animi quædam  
 „major vis aciorque in iudicando pruden-  
 „tia est, in hisce Regulis, exacte ven-  
 „do illam ingenii aciem, vera diligenter  
 „reiciunturque contraria. Mihi sane ali-

„quando & verum ipsum in scribentis  
 „sinceritate candoreque relucet, & menda-  
 „cium contrā auctoris quidam angor &  
 „calliditas patefaciunt. Sincera, mihi  
 „crede, veritas est; & si animum repurga-  
 „tum invenerit, ipsa per se recte influit.  
 „Falsitas circuitiones quærit & anfractus,  
 „seque verborum ambitu sollicitè circum-  
 „dat ac protegit. Atque etiam, cum in  
 „historiæ ratione, quid quæmque deceat  
 „confidero; facile intelligo, historicos  
 „non solum falso, sed imprudenter res  
 „quasdam memoriæ prodidisse. Quis enim  
 „vel mediocriter prudens, ab Apostoli  
 „Thomæ Joannisque Evangelistæ personâ  
 „illa non videat abhorretere; quæ in re-  
 „bus eorum gestis referuntur? Ut aut ille,  
 „injuriam vindictam expetierit; aut hic  
 „rupta veste suumque ipsius caput tan-  
 „dens, equum accepit; ex ecclesia,  
 „quantum potuerit, properaverit; & se-  
 „nex adolescentem juveniliter fuerit inse-  
 „cutus. Non itaque prudentibus & in-  
 „geniosis judicandi præcepta diligenter  
 „elaborata dedimus: sed, ut dicitur, crassa  
 „pinguique minerva, rudioribus. Nec vero  
 „adeo stultus ego sum, ut existimem in  
 „has formulas omnia historiæ judicia  
 „conclusa & comprehensa; sed si quæ  
 „fuerunt præscribendæ formulæ, hæ vi-  
 „dentur potissimum consentaneæ conve-  
 „nientesque fuisse. Hactenus Canus.

127 Cave tamen arbitreris, Rev. Pater,  
 me ea omnia præstare tuerique velle. Ec-  
 ges omnes, quas hic sancivit universum ad-  
 mitto: quæ de auctoribus & quibusdam  
 Sanctorum Vitis formæ iudicia, non uni-  
 versum admitto; satis habent ex Cano  
 ostendisse me, quam illiberaliter indocte-  
 que Tu Patrem Papebrochium egeris qua-  
 si summi criminis reum, quod Auctores,  
 Judæos, Hæreticos, & Gentiles quandoque  
 citaverit. Certè, Rev. Pater Professor, it-

le, quem ante laudavi, Ciampinus, in  
 Examine libri Pontificalis pag. 102, Ro-  
 ma inspeçante, citat Davidem Blondel-  
 lum, eumque vocat *Maximum nostri tem-  
 poris censorem*. S. Basilii, in homilia ha-  
 bita tempore famis & siccitatis, Josephum  
 appellat *Auctorem gravem*. S. Hieronymus,  
 ad Pammachium & Oceanum, *Ecclesia-  
 sticam*, inquit, *pulchre Eusebius historiam  
 texuit; sed impietatis Artii apertissimum pro-  
 pugnator est*. Frustraneum est commemo-  
 rare singulos; eo quod Pater Papebrochius,  
 in Responsionis Articulo 24, id satis su-  
 perque fecerit.

128 Quare venio ad Gentiles, qui quan-  
 toperè Historiam Ecclesiasticam illustrent;  
 docet Augustinus, lib. 2 de doctrina Chri-  
 stiana cap. 28, ajens: *Quidquid de ordine  
 temporum transactorum indicat ea quæ apper-  
 tatur Historiæ, plurimum nos adjuvat ad  
 sanctos libros intelligendos, etiam si præter  
 Ecclesiam puerili etuditione discatur*. Nam &  
 per Olympiadas, & per Consulum nomina  
 multa sepe quaruntur à nobis: & ignorantia  
 Consulatus, quo natus est Dominus, & quo  
 passus est, nonnullos cogit errare, ut puta-  
 rent quædraginta sex annorum etate passum  
 esse Dominum: quia per tot annos a discipulis  
 esse templum, dictum est à Iudæis, quod ima-  
 ginem dominici corporis habebat. Et anno-  
 rum quidem fere triginta baptismum esse, re-  
 tinemus: auctoritate Evangelica; sed postea  
 quot annos in hac vita egerit, quamquam te-  
 xtu ipso actionum ejus animadverti possit, ta-  
 men ne aliunde caligo dubitationis oriatur, de  
 historiâ Gentium; collata cum Evangelio, liqui-  
 dus ceterisque colligitur. Et ejusdem libri  
 cap. 39. In ceteris autem doctrinis, quæ apud  
 Gentem inveniuntur, præter historiâ rerum,  
 vel præteriti temporis, vel præsentis, ad sen-  
 sus corporis pertinentium; quibus etiam ur-  
 litem artium corporaliū experimenta & con-  
 iectura adiunguntur; & præter rationem  
 disposita-

*disputationis & numeri, nihil utile esse arbitror.*

129. Sequenti Capite idem Augustinus perelegantè demonstrat, ab Ethnicis si quid bene dictum, in nostrum usum esse convertendum; & hoc esse quasi de Ægyptiorum spoliis excitare trophæum Deo, viventi. Neque prætermittit exempla aliorum: Nam, inquit, quid aliud fecerunt multi boni fideles nostri? Nonne aspiciamus, quanto auro & argento & veste suffarsinatus exieris de Ægypto Cyprianus, doctor suavissimus & Martyr beatissimus? Quanto Lactantius? Quanto Victorinus? Optatus, Hilarius? (Ubi de vivis taceam) quanto innumerabiles Graci? Quod prior ipse fidelissimus Dei famulus Moyses fecerat, de quo scriptum est, quod eruditus fuerit omni sapientia Ægyptiorum. Imo vero Paulus ipsa citandis Gentilibus non abhorruit, nominatim ad Tit. 1. 12, ubi dicit, verum esse hoc Poëtæ Epimenidis, vel, ut alii volunt, Callimachi de Cretensibus testimonium:

*Κρητὲς αἰεὶ ψεύδονται καὶ ἀνδρῶν, γαστέρες αἰγυαί.*

*Cretenses, semper mendaces, mala bestias, ventres pigri.*

Et unde Patres Carmelitæ hauserunt res à suo (si Superis placet) Pythagora præclare gestas, nisi ex scriptis Gentilium? Agnosce igitur, Rev. Pater, quam inique talium Auditorum appellationem P. Papebrochio exprobaveris; & fac ut cum viro optimo in gratiam quamprimum redeas.

130. Cum horum quinque Præambulorum examini finem imposuissèm, rogatus fui ut pariterutinà examinarem quoque Præambula Expostulationis Hispanicæ. Ergo continuo librum accipio in manus, explico, inspicio frontem: cumque in ipsa fronte. legerem tres illos Carmeli-

tanos pugiles, Joannem Gomez Barrientos, Petrum à Conceptione, & Angelum à Purificatione; totus cohortui: etenim videbar mihi in illis tribus spectare quasi Hispanum illum Geryonem tricipitem, quem ab Hercule olim interfectum esse fabulantur. Quamobrem mihi veniebat in mentem exoptare clavam Herculeam, ad triplicem illum adversarium plane comminuendum. Ecce autem terror fuit, plus quam Panicus, quia in suis Præambullis, quæ sunt numero sex, habent eadem fere quæ Tu; eandem inter questionem juris & facti particularis confusionem, idem exemplum S. Caroli Borromæi, eisdem Juris textus, eisdem Patrum auctoritates, eadem testimonia Theologorum, eisdem locos ex Imagine primi sæculi, ex Theophilo Raynaudo, Bordonio, & aliis; imo, ubi Tu male citas, male citant etiam illi. Quoniam igitur tanta est inter Præambula tuæ Exhibitionis & Expostulationis illorum consensus, hæc una cum illis in hujus Examinis statèrâ appensa censeridebent; & an non sis inventus minus habens, eruditus Lector dijudicet. Ego autem, Rev. Pater, obsecro Te, ut si quid Tibi videatur hic illic dictum duriusculè; irascere Tibi ipse, non mihi; quia adactus sum ea sæpe reponere, non quæ sunt mea, sed quæ sunt tua, & quæ mihi perquam invito ex contagiosa Exhibitionis tuæ lectione adhaeserunt. Usque adeo verum est illud quod est apud Ecclesiasticum 13. *Qui tetigeris picem, inquinabitur ab ea.* Quamquam quid opus est ista expurgatione? Cum nusquam Tibi impegerim dicam hæreseos; & cum Te habuerim multo clementius, magisque liberaliter, quam Tu habuisti P. Papebrochium. Non sum egressus extra modestiæ cancellos, quos mihi ipse jam

inde ab initio circumdederam, Ut ut est, protestor & ego, ut abhi, vere velle & præ-  
tuo exemplo possum excusare omnia; et scindere ab omni mordacioris dicto. Quin  
enim sicut Tu num. 76 protestaris Te, ab (quod Tu protestatus non es) - si quid hic  
stinere velle & præscindere ab omni censu- animum tuum juste commoverit, id omni-  
ra, quam tamen inuisti per sepe; sic no erasum volo.

F I N I S.

## Approbatio Ordinarii.

*Potest imprimi.*

ANTONIUS HOEFSLAGH S. T. L.

*Eccl. Cathedr. Can. Grad. Librorum Censor.**Antverpiæ, 1697, 23 Decembris,*

